




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.120/a






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.120/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.120/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAQGL 2.3.120/a

2-3-420 641

SAMUELIS RACHELII
E X A M E N
PROBABILITATIS
QVAM
JESUITÆ NOVIQ; CASUISTÆ
Theologiæ suæ Moralis fundamen-
tum constituerunt.

HELMESTADII,
Typis JACOBI MVLLERI,
An. clō Idc LXIV.

SERENISSIMORUM
BRUNSVICENSIVM AC LUNEBURGENSIVM
D U C U M

DOMINI AUGUSTI,
DOMINI CHRISTIANI LUDOVICI,
DOMINI GEORGII WILHELMI,
CONSILIARIIS

OMNIBUS ET SINGULIS,
VIRIS

GENERE, VIRTUTE, OMNIGENAQUE DOCTRINA
EXCELLENTISSIMIS AMPLISSIMISQUE

De

PATRIA,

atque in ea de

ACADEMIA JULIA,

inque hac de

SE, STUDIIS, FORTUNAQUE SUA

OPTIME MERITIS AC MERENTIBUS

PATRONIS

Immortali laude ac gloria dignissimis

Samuel Rachelius

ET IPATTEIN



Nnus jam agitur sextus,
 EXCELLENTISSIMI AM-
 PLISSIMIQUE DOMINI,
 cum primùm in Ludovici Mon-
 taltii Literas ad Amicum Provin-
 cialem inciderem, gallico idiomate & singula-
 ri nitore scriptas. Nec multò post eadem Li-
 teræ in sermonem Latinum pari elegantia
 translatae, & eruditè Notis à Guiljelmo Wend-
 rockio illustratae à me visæ sunt. Primum mi-
 hi id accidit, quod veteribus Romanis, qui
 Elephantos Pyrrhi Regis bello primùm con-
 spectos boves Lucas crediderunt. Ita quam
 ego honestam matronam esse conjiciebam,
 PROBABILITATEM, mox mon-
 strum helenio & fuco Jesuitico lævigatum or-
 natumque deprehendi. Protinus tum medi-
 tabar, quomodo in rem necessaria Veritatis
 vindicias instituerem; non parum tamen
 consilium meum morabatur trita illa senten-

[†] 2

tia,

tia, & malè haëtenus intellectus Aristoteles,
rerum moralium nec demonstrationem nec
scientiam dari. Cæterum cum docendo, uti
fit, indies discerem, hanc opinionem non so-
lùm falsam sed summè perniciosam esse per-
spexi, sic ut penitus sim persuasus convictus.
que, de Actionibus moralibus ceu subjecto
Scientiæ moralis affectiones, videlicet quod
vel sint justæ vel injustæ, honestæ aut turpes,
& omnino vel faciendæ vel fugiendæ, ex ge-
nuinis Legum principiis ~~et~~ ^{manifestè} veritatem
demonstrari posse: adeoque ubi horum ar-
gumentorum copia sit, vagis fluxisque opi-
nionibus nobis non licere inniti. Leges vero
uti sunt principia & regulæ vivendi, ita & de-
monstrandi esse, ecquis dubitabit? quando-
quidem omnis horum principiorum cogni-
tio & veritas unicè ad $\pi\rho\alpha\gamma\mu\alpha$ respicit, eaque ex-
primitur. Quæ cum ita sint, quàm malefana
illorum est doctrina, qui cum THEOLO-
GIÆ Moralis Doctores se profiteantur, affe-
ctiones de actionibus hominis Renati ad fi-
nem supernaturalem dirigendis non magis
ex oraculis Dei quam apodicticis rationibus
demonstrant, sed futilissimarum opinionum.
& Pro-

625
& Probabilitatis statera librant. Viam qui nescit
qua deveniat ad mare, Eum oportet amicum
querere, comitem sibi, inquit Comicus. At
Probabilistæ cum fontes rivulosque Israël, cum
Leges divinas & humanas negligant, quid mirum si
limpidam veritatem non adsequantur, sed in Probabilitatis
luto hæreant, & nescio quas ex eo Chimæras sibi suisque
fingant. Cæterum ne temere hanc disputationem cum
Probabilistis ingrederer, & impium hoc dogma publicè
mox innotesceret, publicas ante annum *darellas* de hoc
argumento in Academia nostra proposui, quod quo diutius
sub incude mea versavi, eo tetri⁹ mihi semper hoc monstrum
fuit visum. Postquam enim larvam Probabilitati detraxeram,
omnesque colores meretricios deterferam, Atheismum sub
illa persona latitare vidi, quæ Theologiæ Moralis
fundamentum ex decreto Probabilistarum sustinere
debuerat. Quæ ergo alia vox esse possit Pietatis, quàm
Philosophiæ apud Boëthium conquerentis: *Me reclamantem renitentemq; ve-*
lut in partem prædæ trahebant Probabilistæ, & ve-
stem, quam meis texueram manibus, disciderunt, ab-
reptisq; ab ea panniculis totam me sibi cessisse creden-

(†) 3

tes

tes abiere. In quibus quoniam quedam nostri habitus
vestigia videbantur, meos esse familiares Imprudentia
rata, nonnullos eorum profana multitudinis errore
pervertit. Ne igitur speciosa hæc Probabilitas pa-
rum cautos fallat, pluribusve deinceps impo-
nat, rem gratam DEO omnibusq; bonis me fa-
cturū credidi, si absurdum illud dogma oppu-
gnarem. Bellum ego nullum indico de Gratia
divina vel ex Jansenii vel ex Molinae sententia
disputantibus, argumento à meo foro alieno :
Nec illud Jesuitis denuntio, persuasus multos e-
jus nominis averfari hanc impietatem, etsi pro-
pter rationē sui Status sententiam suam aper-
tè fortè profiteri non ausint Sed mihi res est cū
Jesuitis Probabilistis, & quotquot cum istis The-
ologiæ Moralis fundamentum Probabilitatem
constituunt. Non equidem nescio Wilhelmi
Wendrockii Notis regeſtas fuiſſe alias Notas
ſub nomine Bernardi Stubrockii, An. c10 l0c
LIX. editas, quæ tamen ejus ponderis non ſunt,
ut veritatem deprimere potuerint. Præterquā
enim quod convitiis & maledicentia ſcateant,
Probabilitatis dogma ita is defendere ſatagit,
ut ad omnem illam diſputationem magis im-
peditam reddendam unicè ingenii ſui nervos
inten-

644
intenderit: perinde ut compediti rabiosi canes
eum se expedire nesciunt, multo strepitu & la-
tratu se invinculis jactantes magis intricare so-
lent. Vobis vero, EXCELLENTISSIMI AM-
PLISSIMIQUE DOMINI hanc meam opel-
lam consecrare volui, quod diu jam meditatus
fuerim publicum aliquod meæ erga VOS ob-
servantiæ testimonium: quod cum in ea Aca-
demia, cujus VOS Magni PATRONI estis, na-
tum sit & elaboratum, Vestro etiam patrocinio
diligentissimè idem commendo. Summam
Vestram prudentiam, generosas virtutes, ex-
quisitum rerum usum, inq; iis expediendis fa-
cilè felicemq; dexteritatem quis nescit? Agno-
scunt hæc Vestra præclara merita dotesq; SE-
RENISSIMI PATRIÆ PATRES, Patria ipsa,
& Academia Julia, inque ea ego religiosa qua-
dam veneratione prosequor. Proinde Vestro
arbitrio hanc causam submitto, & ne conqueri
meritò possint adversarii, non minus contra
me dici sententiam volo, si perperam quid scrip-
si, quàm secundum me pronuntiari exoptem, si
vera tradidi. Singuli eo valetis judicio, ut in cu-
jusvis arbitrium compromittere nihil dubitè:
interim æquo velim feratis animo, quod & O-
mnibus meam industriam ac reverentiam
proba-

probare, & potentissimæ Sectæ etiam aliquem
EXCELLENTISSIMORUM Heroum Vi-
rorumque numerum & autoritatem opponere
consilium ceperim. Si enim belli Turcici cala-
mitates in autores Lutheranos nuper transfer-
re æque ineptè ac impudenter haut dubitavit
quidam malignus Apostata, & chartas suas ad
sellas Patrocli abjiciendas, refutatione profe-
ctò indignas, nisi refutatę essent, in solenni Im-
perii Panegyri spargere ausus fuit; quid non de
me statueret confertissimus Probabilistarum
globus? Sed DEI cum primis ope, SERENIS-
SIMORUM DUCUM ac DOMINORUM
Nostrorum Clementia, Vestra, EXCELLEN-
TISSIMI AMPLISSIMIQUE DOMINI, be-
nevolentia ac favore, ipsiusq; causę fiducia satis
securum tutumq; me fore spero. Servet VOS
DEUS Omnes & Singulos bono Patriæ, Patriæ
Patrum, Academiæ Juliæ, Vestrasque virtutes
& merita æternis, ut &, quibus hic frui vultis,
lautissimis remuneret præmiis. Valete.

SUM-

649

SVMMO VIRO
D. HERMANNO CONRINGIO,

Collegæ, Patrono ac Doctori suo obser-
vanter colendo

S. D.

Samuel Rachelius.



Quod cum meo consilio tum Tuohortatu suscep-
negotium perfeci: de quo plura fortè com-
mentatus sum quorundam sententiâ, quam
opus fuerit, quod absurdissimum maximeq. im-
pium PROBABILITATIS Jesuitica dogma
eruditè ac solide jam refutaverit in suis ad
Montalsii Literas doctissimis Notis is, qui
Guil. VVendrockius appellari cupit. Aliorum vero sententiâ
oppidò pauca dixisse videri queam, quod PROBABILITAS Jesui-
tica tot sinuosis adserta voluminibus saltem aliquâ scriptorum
mole retundi debeat. Verum enimvero neutram censuram ma-
gnifactorum sum, modò sim certior, ea quæ scripsi & personatis il-
lis vegrandibus Doctöribus opposui, vera esse. Si enim nimia sunt,
quæ attuli, impii dogmatis detestatione & Zelo veritatis glorie
divina, cui cumprimis lumen obstruunt, me abreptum cogitent: Sin
pauciora, plura addendi nunquam deerit occasio. Et licet confi-
dam, omnia quæ Probabilistis regeßi, esse verissima, sic ut animum
habeam planè quietè & letor, antequam tamen illa publicæ luci ac
censuræ exponam, (uti quidem à me exigitur) nihil mihi gratius
fieri posset, quàm si Tu, rerum divinarum humanarumque scien-
tissimus, Doctöris officio fungi, & commentatione mea in PRO-
BABILITATEM fugitivo tantum oculo (multum enim temporis
studiis tuis eripi nolim) perlustrata monere me velis, qua fortè
parte emendari, augeri, minui, mutari ve aliquid in melius possit.
Ipsam quidem illud dogma absurditatem impietatemque suam
adeò manifestè præfere, ut majoribus machinis atque decretori-

(††)

is 87-

CLARISSIMO VIRO
SAMVELI RACHELIO,

Moralis Philosophiæ eximio Professori,
Collegæ & amico suo
HERM. CONRINGIVS

S. P. D.

Nova huius operis editionis abs te factam curationem, Clarissime Racheli, non equidem dubito, ut sunt hominum mores, in duo reprehensionum genera incursum. Alterum, quod liber hic omnis Theologici sit argumenti, alienius itaque à demandato tibi Moralis Philosophiæ docendæ officio, falcemque Tu proinde miseris peregrinans in messem. Alterum, quod eidem huic libro jam tum ante hosce quinque annos ab eo qui Bernhardus Stubrockius Viennensis Theologus dici voluit, illa sint iniusta Notæ, ut videatur orco dandus, non certe redire in lucem oportere nisi ante gravi apologetico fama sua restitutus. Verum quantum equidem iudico iniqua est utraque reprehensio, atque adeo non est quod

illas unius æstimemus assis,

Neque Tu præter officium quidquam, imò id quod muneri Tui ratio omnino exposulavit, præstitisti.

Enimverò primi quidem illi reprehensores, præterquam quod iniustissime operas eruditi varia animi intra angustias publici cuiusque muneri compingant, inscitiam profectò suam produnt, uni Theologico ordini accensentes volumen quod saltem maximam partem Moralis est Philosophiæ. Habet scilicet ille liber nonnulla merè quidem sacri illius fori, ad illam quæ inter Romanenses fervet, de Cornelii Jansenii Episcopi quondam Iprensis, à Papa Innocentio X iterumq, ab Alexander VII damnatis quibusdā placitis, contentionem attrinentia; verum hæc pauciora sunt, & abs Te idè potissimum nunc edita denuò, quandoquidem à reliquo corpore sejungi commodè haud potuerunt, ne capite & caudâ ut ita loquar volumen elegans mutilaretur. Absq, vero etiam hoc fuisset, opera in editione impensa tamen, me quidem iudice, fecisses Tu præteritiam, quoniam sacrorum talis curatio in officio est cuiuslibet

(tt) 2

Christi.

Christiani: & interest Ecclesia, ut Romanensium litium arcanissima quæq; à nostris etiam omnibus, quibus nihil in specie majus quam discordia objici solet, quasi Roma mera sit malacia & tranquillitas, intelligantur. Quod reliquum autem est operis, id utique citra controversiam unice est Moralis argumenti. Quicquid nimirum ad Epistolas à quinta usque ad sextam decimam pertinet. Imò & in aliis, cum primis in tertia, reperias haut pauca quæ huc faciunt. Audiunt quidem & illa, non Philosophia, sed Moralis Theologia nomine: verum latiore quodam vocis Theologiae usu id fieri, haud obscurum est. Scilicet Theologiae, prout à Philosophia diversum est doctrina genus, id demum est proprium, quod ex divinitus editis eloquiis sive planè quædam sive pæcos quodammodo accipitur. Cujusmodi de omni morum ratione ex utriusque fœderis, Novi cum primis, codicibus sacris plurima promi possunt. Horum autem nonnulla quidem aliunde haud cognoveris, pleraque tamen etiam naturâ nota, atque ex principiis evidentibus demonstrari apta, atque adeò hæcenus quidè Philosophico foro tribuenda sunt. Quandoquidem autem hinc, etiam ipsis illis in sacris Codicibus, multa de moribus, non tam ex divino precepto, quàm facta ex naturâ ipsâ ratiocinatione, docentur; ab aliis quoque omnibus, quibus salutis æterna hominibus curanda commissum munus est, quæ curatio Theologica est, quàm frequentissime idem fiat, postulante id ipsum partim necessitate, in sacra scilicet Scriptura silentio, partim insigni ad populum movendum accuratiusq; docendum utilitate: ideo vulgò Theologia Morali adscribi solent, quæ reapse Philosophica sunt possessionis. Non alio tamen jure, quam ad Medicos vulgò creditur pertinere accuratior mineralium plantarum animaliumque scrutatio; postquam illam qui Philosophi audiunt neglexere, Medici verò quasi usu fecerunt suam: Philosophia tamen Naturali meritis priscis suis limitibus manentibus integris. Quantumvis igitur Tibi, Clarissime Rache-
(quod dictu iniquissimum est) licet utique Tibi vindicare Philosophia Tuae iudicio Moralis hujus operis disputationes: ceu quæ tota reapse Philosophica sint & solo titulo Theologica: atque adeò poteris Tu primum illud reprehensorum genus securè spernere. Pari modo verò non est, quod alteros illos vel unius facias flocci.

683

floci. Et Stubrockium scilicet illum non minus atque VVendrockium ac Montaltium legisti, recteque judicasti, non esse Stubrockiana paria tollenda doctrina adversariorum: laudanda scilicet potius ab emendata styli Latinitate & acri scriptione quam rerum pondere. Et verò Montaltii omnia (loquor de Moralibus) docta utique sunt, & ille minus haecenus in vulgus nota Jesuitica Philosophia fœda & iniqua, feliciter, quam ferro aut igne possis, aggressus est. Scribit nonnemo Epistolas illas Parisiis esse licetoris manu ex decreto Parlamenti combustas, vereor autem ne vel error aliquis alius, vel eorum quorum interest hoc credi deceptio, scribenti imposuerit. Nam illa quidem litera jam anno 55. & 56. Luretia prodierunt in lucem, & tamen nondum anno 59. ibi ignem infamem expertas esse, certo mihi argumento est ipse Stubrockius, non semel quidem memorans anno septimo quinquagesimo flammis ex Parlamenti decreto Aqua sextius tradit as, Parisiensem autem similem servitiam tacens, neutiquam id facturum si contigisset. Post demum id factum, cui fiat verisimile? Quin imò cum non nisi soli Aqua sextienses Senatores ita exarserint, facile liquet reliqua Gallia Parlamenta longè aliter judicasse. Id certius, Epistolas illas à Sacra Congregatione in censum prohibitorum librorum jam septimo quinquagesimo anno relatas. At verò Romana illa Censura, quam procul absit à falli nescia, qua Papis tribuitur, arbitrariæ facultate, etiam sui haud dissimulant, præsertim transalpini: apud quos jam dudum evanuit illius Censuræ auctoritas. Fortassis quoque Jansenistica potius sacra placita damnata voluit, quam putida illius Moralis doctrina justam reprehensionem. Et verò ab eadē Congregatione biennio post damnatus quoque, est Epistolis his oppositus Casuistarum Apologeticus. De Montaltio ipso nihil mihi constat. Esse verò & Gallum & Jansenianorum dogmatum fautorem, id facile est decernere. AEque notus mihi autē est & ille qui sese Guilhelmum VVendrockium appellavit. Etiam illud ejus nomen fictum esse liquet quidem, nec tamen certò dixerim Germanum esse, quamvis voluerit Theologus Salisburgensis audire: & habuerim hic ante octennium circiter per hebdomadas aliquot familiarem Jansenistam, qui nomen suum & gentem dissimulabat, nisi quod per annos complures in aula Salisburgensi vixisset.

xisse sese, inde vero jam decessisse Jesuitarum metu, ostenderet. Erat sane ille vir in S. Augustini lectione versatissimus, & in Lovaniensi quondam institutus schola, jamq. tum tecto nomine nonnulla pro Jansenii partibus ediderat: gente, ut post intellexi, Suecus, sed ex patria religionis causa profugus: qui hinc discedens Lubeca obiit suum diem. Illum tamen sub VVendrockii persona utiles hosce ludos fecisse, quare haud credam, facit solida in omni Morali sapientia eruditio, in VVendrockii opere plane splendens; qualem me in alio illo non deprehendisse memini. Bernhardus Stubrockius Viennensem Theologum sese professus est, sed perinde fecit fucum. Jesuita noluit videri, esse tamen haud temere negaveris. Quisquis sit, pollet utique exquisita convitiandi & maledicendi facultate: qua dos hodie Jesuitis compluribus est quasi propria, imò ut ipsi censent plane viri quadam, velut calumnia bonum opus, si cum adversario iustissimam actionem intendente sibi res sit. Ubi immania convitia tuleris è medio & acerbissimas fugillationes, libri illius parum supererit: adeo in iu totus est. Summa capita ejus, quae prater hac est responsionis, ferè reduxeris ad illa, quorum meminit in praefationibus ad 1. epistolas quae sequuntur quintam VVendrockius: hoc est ad inepta effugia libellorum Gallicorum contra Montanum in defensionem Jesuitarum & Casuistarum exaratorum. Illa cum furiosa maledicentia reperens librum suum Stubrockius absolvit. De suo addidit vix quicquam, prater sexcenties jactitatum Censuram Romanam in Janseniana dogmata & Provinciales Epistolas: quasi scilicet ad Moralia quoque isthac Jansenianorum dogmatum damnatio pertineat, aut simpliciter satis sit Montani Epistolas Roma esse prohibitae legi. Prater item superbas cavillationes in Moralium illorum placitorum damnationem, à Clero potissimo Gallicano pariter & Belgico institutam. Prater denique oppido paucos noviter inventos turpis doctrinae fucos. Qualis est quo utitur in defendenda perversissima illa Philosophia; probabilem sententiam quamvis falsam & legi divinae contrariam à peccato coram Deo absolvere, tum demum ita sese rem habere, si error ille plane sit invincibilis. Id quod Probabilitatis novorum magistrorum nemo dixit; & plane adversatur eorum illi doctrinae, quae concedunt, licere minus etiam tutam & minus probabilem sectari opinionem

685
nionem contra quam ipse sentias. Passim vero non etiam recundatur, perinde ut Montaltii duo adversarii, perfrecta fronte negare, quae sole ipso sunt clariora. Nisi forte reapse haud neget, sed ceu fieri soles ab iis qui mentiendi, siue, ut ipsi vocant, æquivocandi artem proficiuntur, ludat mentalibus restrictionibus, ut verbis perfida methodi liceat uti.

Talis vero cum sit Stenbrockius, quis intelligens vitio Tibi vertat, Clarissime Racheli, quod non attento illius hominis iudicio, causam Montaltii & Wendrockii probaveris? Praesertim quum pleraque eorum, quae uterque carpit, Stenbrockius autem defendere voluit, jam tum ab ipsis Theologis Parisiensibus & Lovaniensibus, à Parochis bona Gallia partis, ab Episcoporum Gallia pariter & Belgii flore ipso, proscripta sint & damnata. Imò quum ipsa illa quae Montaltio opposita est Apologia Casuistarum, cuiusque patrocinium Stenbrockius suscipere non erubuit, non ab illis quos dixi Episcopis duntaxat, sed tandem à Papa Alexandro ipsomet orco sit tradita. Quis bonus non laudaverit Te, Vir Clarissime, quod in Germania quoque nostra usum, volueris luci dare librum longè doctissimum pariter & utilissimum, cæteroquin vix cuiquam conspicuum? Et verò spes me tenet saltem optimos quosque etiam nostri Episcopalis Cleri, tandem aliquando insuper habitâ Jesuiticâ factione, ad praeclarum illud exemplum Gallorum Belgarumque, morum doctrinam ab improbis corruptelis vindicatu- res. Quod si illi officium publicè facere, Jesuiticam veritâ potentiam, non fuerint ausi, non dubito tamen, complures Romanensium partium saltem in occulto deprehensuros tandem, qualibus magistris, qualique doctrina, tot millium animarum, implacabili innocentie nostra odio infectarum, curatio hodie in Germania subnixâ sit. Nostri hominibus comprimis utile fuerit, non tam discere hinc, quid sibi etiam in perversa morum doctrina sit cavendum fugiendumque, (hoc enim non est, Deo sit gratia, ut vel à Montaltio vel à Wendrockio nunc demum doceamur) quàm vim divina indignationis in illos, qui malunt timere Dominum juxta mandatum & doctrinam hominum potius quam ex præscripto divini verbi, (quâ nempe occulto Dei iudicio, peritâ sapientibus sapientia, & intellectus prudentiam absconditur) in morum doctrina non minus quàm in aliis clarissi-

clarissime splendentem, & admirari pariter & cum horrore venerari. Et verò non ovum tam est ovo simile, quam veterum Pharisaorum & Casuistarum nostri ævi infelix fatum. Ut apud illos scilicet olim, ita nunc apud hosce nostros certante cum summa eruditione (nec verò hanc laudem citra injuriam ipsis detraxero) inusitato stupore. Quoniam verò Jesuitæ ipsi ambiunt primi & esse & videri in Casuistarum illo ordine, ad illos quoque maximè hoc pertinere, nec ego negaverim. Non tamen toti Societati velim imputari culpam: quamvis potissimè quique suam illam fecerint: cū primis illo suo in Generali nuper cōventu decreto ad accusationes omnes silentio, cum nulla tamen perversa doctrina publica vel agnitione vel correctione, ne quid pristina existimationis in vulgus sibi pereat: quæ solent esse consilia illorum, quibus potior est vani honoris quam pietatis cura. Nullus scilicet dubito, superesse in tanto Sodalium numero, & bonos & pios & doctos, qui saltem clam doleant & deplorent vices sui ordinis, moniti autem infelicitate etiam suorum qui vel mutire hæcenus fuerunt ausi contrarium Sodalitatis criminum, publicè tegunt animum & dissimulant. Quin imò dixerim fortè haud injuria, eodem esse animo Alexandrū ipsum cum sua Congregatione, qua Jesuitica factionis Romana in Curia hodie est potentia: et si haud vacet gravissimā culpā dans corvis veniam & vexans Censura columbas.

Sed fortassis non est, quod nos magnoperè illorum qui extra sunt caussa mordeat.

Te verò, Clarissime Racheli, etiam illo nomine gratias magnas apud intelligentes aquosque inventurum confido, quod volueris addere operi alieno Tuum insigne de Probabilitate opusculum. Quamvis enim Novam illam improbam doctrinā sic satis egregiè & prolixè VVendrockius persecutus sit, Tuum quoque tamen ferrum omnino postulavit virulentia tanti carcinomatis. Actum scilicet est de omni probitate, actum de omni religione, nisi in tempore radices ipse usque adeo improba doctrina evellantur. Mirum verò, ni stuporem illum magnis magistrorum ingeniis afflaverit idem ille Spiritus, qui Rabbinos olim fecit profiteri, suas omnes quamvis contradictorias sententias Deo perinde probari. Certè si à peccato est alienum quicquid ex sententia sit alicujus probabilis magistri, eodem recidit res, & sibi adversantia licet magistrorum placita Deo accepta

687
 accepta sunt. Utinam, Clarissime Vir, Tibi supersit tantum opus
 uti parem industriam possis impendere in exagitanda equivoca-
 tionum portentoso artificiol. Hunc Jesuitarum proprium dixeris
 factum, ut quem ipsemet magnus aliquandiu Jesuitarum parasti-
 taster, eorum tamen malis artibus tandem loco motus, (sic credimus
 Valeriani Capuccini Defensione pag. 52.) Caramuel, non dubitavit
 artem mentiendi appellare. Tetigit enim quidem hoc etiam ul-
 cus Montaltius Epistola nona sed parè admodum, nec uti
 exigebat vis mali. Et verò perit fides ab omni fere humano com-
 mercio per illud monstrum. Thomas sanè Sanchez operis Moralis
 lib. III. n. 15. disertè proficitur, iustas esse utendi amphiboliis
 causas, quoties id necessarium est aut utile ad salutem corpo-
 ris, honorem, res familiares tuendas: cuius quàm latus est
 ambitus! Ex hoc Opere disco, illius etiam locum aliquem esse in
 promissis, imò in ipsis sacris criminum confessionibus. Brevis
 omnia inficiet illa pestis nisi caveas. Etiam Tua itaque opera
 hic multum proderit bono publico. Feceris verò laboris precium
 & circa unumquodque reliquorum in hoc Opere confessorum, imò
 & aliorum (multa enim hic intacta abierunt) portentorum. Ni-
 hil sanè non ad examen Tuum pertinet. Sed & poteris Tu nihil
 horum non feliciter expedire, modo animum attenderis. Quod
 Te facturum simul licuerit, haud equidem dubito: conscius & in-
 dustria Tua non minus quàm eximia doctrina. Non possum verò
 non laudare etiam, Vir doctissime, quod subungere volueris
 qua novissime agitata sunt Parisiis de Papa Romani circa facti
 quaestiones infallibili auctoritate. Enimvero qui Papa fuerit Chri-
 sti vicarius, quatenus sese venditat, sine illa circa tota exacta divina
 quadam facultate, non equidem video: quandoquidem admini-
 stratio rerum in singularibus maxime est occupata, & in hisce po-
 tissimum opus est prudentia. Hinc sanè manifestum omnino vi-
 detur, aut Papam vicedeum non esse, aut alterum etiam illud ipsi
 competere. Cum nemo itaque Paparum hactenus in facti qua-
 stionibus infallibilem sibi auctoritatem adscribere fuerit ausus,
 equidem etiam illud magno semper apud me fuit argumen-
 to, totum illum vicedeatum nihili esse & merum commentum.

(†††)

In

In publicum itaque multum profuerit, de hoc quoque argumento concertantes videre Jansenistas pariter & Jesuitas; in ruinam scilicet impii illius vicedeatus Papalis. Nihil sane est certius, quam novam haresin esse Jesuiticam, Papam esse in facti questionibus infallibilem. Nihil itidem est certius quam quod profiteantur nunc hi Jesuita, absque tali infallibilitate non constare sibi vicedeatum.

Sed quo prolabor? Absolvam me paucis. Perplacet, Clarissime Racheli, illa quam impendisti opera & in volumine isthoc Montaltio-VVendrockiano secundum edendo, & cum primis in turpi illo Probabilitatis monstro singulari disputatione conficiendo. Non temerè profecto potuisses nunc rectius de humano genere mereri. Nec tamen est quod mihi uni hoc credas, firmam jam tum & inde subnixus, adeoque nullo indigens suffragio. Habebis vero brevi consentientium testimoniorum vim magnam ex omnibus partibus, omnibusque hominum ordinibus, etiam illis quibus nostra alias suspecta sunt, prevalente scilicet vi veritatis, saltem bonis quibusque & aequis Jesuitarum pessima nota (nec enim vel illi promiscuè omnes succenscebunt) odia secure poteris spernere, sat Deo felix amico. Solis sibi obnoxii metuenda illa infausta potentia est. Quin potius Tu id egeris, quod Te paulo ante rogavi: hoc est, perge quaso in reliquis etiam illis monstrosa Philosophia capitibus, cum primis illa mentalium restrictionum hydra, contundendis. Non minus sanè Tibi quondam gratias referet pia posteritas, quam Herculi ad Euxinum. Ego Deum venerabor, uti & vires & facultates tam praeclaro facinorosi suppare Tibi benigne largiatur. Helmsstadii in Academia Juliae, Nonis Martii, cl. D. c. LXIV.

De



De
PROBABILITATE
JESUITARUM, NOVORUMQUE
CASUISTARUM.

CAP. I.

*Pramittuntur quædam in genere ad doctrinam
Probabilitatis pertinentia.*



Veritatis studium amplecti, omnemque mentis aciem eò convertere, res profectò per se, hominisque præstanti natura dignissima est. Cum vero sapientissimus quisque non difficulter agnovit, quanta intellectus nostri sit imbecillitas, quàm frequens hallucinatio; ipsam Veritatem nescio in quas tenebras aut Democriti puteum multi coniciunt atque præcipitant, quæ sua semper luce radiat, nec fūco aut persona identidem mutata fallit, sed semper una est & eadem. Hac causa factum est, ut plurimi hanc Deam ejusque sacra coluerint, ritu licet multum diverso, & ad illius arcem contenderint, sed viis incesse-
rint sæpe contrariis, perplexis & aviis. Hi sunt quos sapientes appellarunt veteres, modestia Pythagoræ Philosophos nuncupavit. Quod sanctum nomen, uti est ipsa Veritas, quàm multi involarint, suoque contactu velut Harpyæ scedarint, nemini non manifestum esse puto: aut si præter expectationem hic quisquam hæsitaverit, mox ei fidem faciam. In quàm multas enim & sententiis variantes sectas scholasque divisi fuerint veteres Philosophi, in vulgus est notissimum. Hi Philosophiam reclamantem renitentemque,
velut

EXAMEN PROBABILITATIS IESUITICÆ.

velut in partem prædæ traxerunt, vestem, quam suis texuerat manibus, disciderunt, abreptisq; ab ea panniculis, totam illam sibi cessisse credentes abiere: uti eleganter hoc exprimit Boëthius *de consolat. Philos.* Interim, si Lactantio credimus *lib. 7. de div. præm. c. 7.* nulla Secta fuit tam devia, nec Philosophorum quisquam tam inanis, qui non aliquid ex vero viderit. Ut rem in compendium conferam, omnes illas Philosophorum nationes in tres classes rectè compingi posse existimo, si variam discendi docendiq; methodum illorum inspexeris; ipsam enim si spectes Veritatem, dux suffecerint classes, quarum una pars vera, altera falsa tradiderit. Unum itaque genus fuit valde superbum, quod ingenio & prompta lingua præfatum omnis generis accuratam exactamq; sapientiam profiteri non verebatur: qui veteribus Sophistæ dicebantur. Alterum genus nihil sciri posse docebat, omnia esse incerta ac dubia, non magis esse verum hoc quàm illud, pulchramq; scilicet nobis prolem ἀναλαλῆσιαν, ἀπρεσίαν & ἐποχὴν peperit. Medium inter hos locum obtinent illi, qui ἀσέβειαν mentis rebus cognoscendis ita applicarunt, aut saltem id operam dederunt, ut harum modulo illam cohiberent, nullasq; sibi mens chimæras aut ideas fingeret, sed tantum de rebus cognosceret, quantum in iis revera est, ad plus aut minus ad sensum neutiquam inclinans. Cum vero res non sint ejusdem naturæ, & aliæ magis, aliæ minus constantes, scientia una aliâ solidior est. Interim qui quamque rem ut est cognoscit, is veram ejus habet scientiam: qui autem rei quid addit aut demit suo intellectu, adeoq; vel plus vel minus de ea concipit, veram ejus scientiam non habet. Non dicam de omnibus his prolixius: hoc tamen dissimulare nequeo, posterioris generis philosophos verè tales esse, quiq; tanti nominis mensuram impleant: pessimos autem fuisse illos, & philosophorum nomine planè indignos, qui dubitationum librâ suspensi semper hæsitant, nec cælum nec terram tangentes. Temerè, hoc est, sine ratione ac sensum præbere, semper vitiosum fuit. Nullam rationem admittere aut sequi, sed omnia veritatis νεκρῶτα, sensum,

EXAMEN PROBABILITATIS IESUITICÆ.

= 3 = 681

sensum, mentem, experientiam, tollere: etiam impium est. Quo enim quæso sine DEUS tot hominis animæ facultates in-
 fevit, nisi ut expedite quæque suo munere fungi, ratio autem
 omnia disponere ac dirigere ad veritatem cum theoreticam
 tum practicam possit? Hoc vero quæ fieri queat, si subservien-
 tes rationi facultates non certæ sint vel de suis objectis, vel o-
 perationibus? aut denique illud sequetur maximè ἀπορον, cum
 hæc tum alia omnia esse frustra. Perniciosissimæ verò sunt il-
 læ disputationes ζήτησις, & nusquam subsistentes, ubi in eam
 incidant materiam, de qua ut certi sint, hominum unicè in-
 terest, quod ipsa hæsitatio sæpe suo non careat crimine ac pœ-
 na. Non enim parvi, sed maximi refert, ut scias quomodo ti-
 bi vivendum sit, possitne illa actio, quam animo agitas, sine
 peccato suscipi, nec ne. Sed disertius ac planius hac de re o-
 mni dicemus in progressu. Inter veteres igitur non æquè
 alii mihi semper displicuerunt, quam Academiæ mediæ novæ-
 que sectatores, Pyrrhonii, & quotquot Scepticorum nomen
 ac placita (si ulla habent) amant. Prolixior est disputatio,
 quam ante secula jam contra hos instituit Lucretius, propter
 elegantiam tamen & rei momentum digna prorsus quæ hic
 legatur. Ita igitur ille lib. 4. p. 122. edit. Gifan.

Nam nihil egregius est, quàm res discernere apertas

A dubiis, animus quas à se protinus abdit.

Deniq, nil sciri si quis putat, id quoque nescit,

An sciri possit, quom se nihil scire fatetur:

Hunc igitur contra mittam contendere causam.

Qui capite ipse suo instituit vestigia retro.

Et tamen hoc quoque uti concedam scire; at id ipsum

Quæram, cum in rebus veri nihil viderit ante;

Unde sciat, quid sit scire, & nescire vicissim.

Notitiam veri quæ res, falsiq, creavit;

Et dubium certo quæ res differre probavit.

Invenies primis ab sensibus ipse creatam

Notitiam veri, neq, sensibus posse refelli:

Nam majore fide debet reperiri illud,

Sponsa

Sponte sua veris quod possit vincere falsa.
 Quid maiore fide porro, quam sensus haberi
 Debet? an ab sensu falso ratio orta, valebit
 Dicere eos contra, quæ tota ab sensibus orta est?
 Qui nisi sint veri, ratio quoq; falsa fit omnis.
 An poterunt oculos aures reprehendere? an auris
 Tactus? an hunc porro tactum sapor arguet oris?
 An confutabunt nares, oculive revincant?
 Non, ut opinor, ita est. Nam seorsum cuique potestas
 Divisa est; sua vis cuiq; est. ideoq; necesse est,
 Quod molle, aut durum est; gelidum, fervensve; seorsum
 Id molle, aut durum; gelidum, fervensve videri:
 Et seorsum varios rerum sentire colores,
 Et quæcunq; coloribus sunt conjuncta necesse est.
 Sensus item sapor oris habet vim; seorsus odores
 Nascuntur; seorsum sonitus: ideoq; necesse est
 Non possunt alios alii convincere sensus.
 Nec porro poterunt ipsi reprehendere sese:
 Aequa fides quoniam debet semper haberi.
 Proinde, quod in quog; est his visum tempore, verum est.
 Et, si non poterit ratio dissolvere causam,
 Cur ea, quæ fuerint juxtim quadrata, procul sint
 Visa rotunda: tamen præstat rationis egentem
 Reddere mendosè causus utriusq; figuræ.
 Quàm manibus manifesta suis emitte quaque;
 Et violare fidem primam, **ET CONVELLERE TOTA**
FUNDAMENTA, QVIBUS NIXATUR VITA SA-
LUŠQUE;
 Non modò enim ratio ruat omnis; vita quoq; ipsa
 Concidat extemplo, nisi credere sensibus ausis,
 Præcipitisque locos vitare, & cætera, quæ sint.
 In genere hoc fugienda; sequi, contraria quæ sint.
 Illa tibi est igitur verborum copia cassa.
 Deniq; ut in fabrica, si prava est regula prima;
 Norma; si fallax rectis regionibus exit;
 Ex libella aliqua si ex parti claudicat hilum;

Omnia

*Omnia mendose fieri atq; obstipa necessum est,
Prava, cubantia, prona, supina, atq; absona recta;
Jam ruere ut quædam videantur velle, ruantq;
Proditæ iudiciis fallacibus omnia primis:
Sic igitur ratio tibi rerum prava necesse est,
Falsaq; sit, falsis quæcunque ab sensibus orta est.*

Hæc Poëta ille, qui licet Epicureæ sectæ sit addictissimus, hæc tamen philosophia (fas mihi sit hoc nomine jam cum vulgo abuti) agnovit convelli fundamenta, quibus nixatur vita salusq;. Ubi enim hanc philosophandi rationem ad τὰ πρῶτα attuleris, expeditissima ad ἀβυσσὸν via erit. Sed quid est quod Academicos, Pyrrhonios, ejus generis gentiles alios miramur, eorūq; perniciosam fluctuationem detestamur? Etiam si enim ab hisce corruptelis dudum auferta sit philosophia cum primis practica, de qua nobis jam unice sermo erit, & optimo jure vindicias instituere possit Verbum Dei revelatum; in eodem tamen, licet multum profundiori tenaciorq; hærent luto illi, quibus hæc gratia illuxit, modò ea vel rectè vel integrè uti vellent. Quid enim quæso sibi vult monstrosum PROBABILITATIS dogma, quod à Jesuitis novisque Casuistis varia arte manuq; expolitum totius Theologiæ Moralis fundamentum seu ἀρχὴ πόλις constituitur. Hinc enim tam impiæ, absurdæ, profligatæque adserciones ac sententiæ ab iis producuntur, ut arrogans temeritas ad sublimius insanientis sapientiæ fastigium illos provehere nequiverit. Scilicet si alibi, luculentissime hic veritas axiomatis Aristotelici apparet, *1. de cælo c. 5.* *Ut si quis initio parumper tantum recedat à veritate, fieri aberrationem in progressu decies millies majorem.* Item, *Errorē, qui in principio parvus sit, in fine evadere longè maximum.* Etsi autem non diu latere soleat Veritas, sed faciliè caput efferre; errorumque nebulas sua luce dissipare; pestilentissimum tamen PROBABILITATIS dogma satis diu Autores illius & magistri a uerunt, autoritate partim, qua apud suos pollent, partim speciosissimo religionis prætextu fallentes, donec tandem omnium oculis hoc monstrum se ingessit, & cujusvis saltem non

non extreme improbi justissimam indignationem in se concitavit. Si quis enim penitus hujus doctrinæ regulas inspexit & pensitaverit, de rebus maximi momenti & quibus nixatur vita salusq; planè Academico more disceptant ac fluctuant: & dum temerè autoritatem quorumlibet Doctorum, spretis veris ac genuinis rationibus, sequuntur, & contrarias sententias probabiles approbant, minus probabilem sententiam etiam tutam conscientiam reddere ajunt, & omiſſa solidiori propria, alterius probabilem opinionem cupiditati agentis velificantem amplecti licere statuunt, Academicos quidem impietate longè superant, & in easdem se difficultates induunt, quibus dementati hærent Hebræorum magistri, quos Rabbinos vocitant.

Hi quippe omni ratione proculcata non dubitant profiteri, contradictorias Rabbiorum sententias utrinque veras esse. Nam, uti Lipmannus docet, *Ex utraq; parte quæ profertur, sunt verba DEI viventis*. Ex tali igitur hypothesi talis emergit adfertio. Refert idem Lipmannus sequentia: *Integro triennio dissensere domus Schammai & domus Hillel: illi dicebant, juxta nostram sententiam statuendum: hi referebant; imò vero juxta nostram ferendum est judicium. Egressum est atq; auditum oraculum divinum, UTRAQUE SUNT VERBA DEI VIVENTIS; statuendum tamen juxta sententiam domus Hillel.* Lepidum caput! utraque dicit esse verba DEI viventis, & tamen judicium ferendum secundum domum Hillelis, hoc est, hujus conclusionem esse veram. Ita domus Schammai contendit, cælum terrâ prius esse conditum, quod *Gen. 1. v. 1.* cœli prior fiat mentio. Contrarium tenebat domus Hillelis, confisa textu *Gen. 2. v. 4.* ubi terra prior nominatur. Utraque sunt verba Dei viventis, sed juxta oraculum illud divinum, domus Hillelis erit vera. Ut obiter hoc addam, fuerunt illi Doctores celebres, Schammai & Hillel, tempore Augusti & Herodis. Perquam crassam hanc absurditatem ut defugiant, remedium petunt ab Intentione; ceu

Proba-

Probabilista sæpe ad Methodum dirigende intentionis, confugere solent. Ita enim in libro □□□□ Cracoviæ impressio part. 5. c. 3. n. 5. legitur: *Rabbini nostri dixerunt, quanam dissensio non fit propter DEum? illa est dissensio Corachi & congregationis eius. At quis est dissensus, qui fit propter DEum? Is est dissensus Hillelis & Schammai. Expositio hæc est: etsi prima fronte apparet, ac si DEI nomine non susciperetur, cum impossibile sit, verba utriusq. vero esse consona, hoc tamen nil obstante dicimus, cum intentio eorum in DEum feratur, utraq. esse verba Dei viventis. Agnoscit igitur Autor hic contradictoriam utramque veram esse non posse absolutè consideratam, sed ex intentione Dei esse posse. Pulchrè scilicet! Nimirum placet illis adhuc commentum vetus & vitiosissima interpretatio textus *Deuteron. 17. v. 8. seqq.* Verba hæc sunt: *Si difficile & ambiguum apud te iudicium esse perspexeris inter sanguinem & sanguinem, inter iudicium & iudicium, inter plagam & plagam, verba contentionum in portis tuis, surges & ascendes ad locum, quem elegerit Dominus Deus tuus, & venies ad sacerdotes, Levitas, & ad iudicem, qui erit diebus illis, & quæres, & indicabunt tibi iudicii veritatem, & facies quæcunq. dixerint, qui præ sunt loco, quem elegerit Dominus, & docuerint te juxta legem ejus, sequeris sententiam eorum, neq. declinabis ad dextram neq. ad sinistram.* Postrema verba quid sibi velint, cuivis facile apparet, nisi planè hospes sit in S. Scripturæ lectione: videlicet Synedrii sententiæ standum & sine ulla tergiversatione parendum esse. Quomodo se hic gerunt Rabbini? *Etiamsi, inquit, offensa manu dextra, eam sinistram dicant, & sinistram dextram esse adfirmant, tu tamen eis obtemperes: uti in libro Siphre legitur. R. Salomo ita: Etiamsi dixerit tibi de dextra, eam sinistram, & de sinistra eam dextram esse, quantomagis vero obtemperes dicenti, dexteram esse dexteram, & sinistram sinistram. R. Gerundensis: Etiamsi tibi persuaseris, eos errare & in oculis tuis id tam evidens appareat, quàm liquidum est discrimen inter dextram & sinistram, tamen facias oportet, quæ illi præceperint. Etsi vero alii nonnulli emolliere & descobinare studue-**

runt

runt has absurditates, Lipmannus tamen antiquum obtinet; *Eriam si, inquit, dicant tibi Rabbini dextram esse sinistram, ratum erit & verum quod confirmant.* Et paulò antè: *Apparet legem à Deo S.B. juxta cum tredecim modis argumentandi hac fini datam, ut quilibet sapiens exponeret eam pro captu ingenii sui: quin tantum quo operaretur atq; scrutaretur eam, quoad ejus fieri potest, citra pigrum.* Quod si visum fuerit Synedrio juxta legem illosq; modos colligendi, rem quandam esse mundam, erit munda: et si alii surrexerint post eos, atq; his ipsis videatur juxta eandem legem modosq; argumentandi illam ipsam rem esse immundam, habebitur immunda. Inter illos argumentandi modos fortè & is est, quo utitur R. Abarbenel: *Omnis judex, qui judicat judicium veritatis secundum veritatem suam vel unica hora, perinde se habet, ac si ipsi DEO in opere creationis coopere- tur.* Hic enim scriptum est, (Exod. 18. v. 13.) *Et sedit Moses ad judicandum populum à mane usq; ad vespèram:* & hic (Genes. 1. v. 5.) scriptum est, *& fuit vespèra & fuit manè.* Ita igitur illi homines insanunt, & evidentissimum axioma; idem non posse simul esse & non esse, abolitum eunt. Adde Cl. Hornejum de Process. disput. cap. 5. Sed quæso unde est hæc tanta pervicacia ac improbus stupor? Non aliunde, quàm ut maximam quamque auctoritatem suis magistris & Doctoribus concili- ent; quorum dictata pro divinis accipiantur oraculis, & tan- tum, quantum DEO debetur, obsequium his seductoribus præstetur. Ecce enim quæ daturus sum ex Talmud Massechet Berachot: *Dilectiora sunt verba Scribarum præ verbis Legis.* Et Massechet Sanhedrin c. 10. § 3. *Gravius peccatur circa verba Scri- barum, quàm verba Legis.* Et in Medresch Mischle: *Etiam pro- fanus illorum (Rabbinorum seu Doctorum) sermo toti legi est equiparandus.* O os ferreum atque impudens!

Paulò prolixiùs de Rabbinorum Philosophia, aut potius *doctrina* dixi, ut si illam cum Probabilitatis doctrina contule- ris, mirificam harum similitudinem tantò faciliùs depre- hendas, & eadem arrogantia ac pervicacia Probabilistas suum dogma tueri, qua Rabbinos Rabbinica placita, videas. Quem- admodum

admodum enim Poëtæ sua carmina amant, licet à Bavio aut Mœvio conscripta; ita portentosæ Probabilitatis architecti oculis suis chariorem hanc suam prolem habent, & quibus possunt ratiunculis ac scriptis suas imposturas incrustant. Primum omnium autem Viri quidam docti ac religiosi in Gallia signum videntur extulisse pro vindicanda veritate, bonisque moribus, corruptissimam Probabilistarum doctrinam depravatis, restituendis. Cœpit vero majori studio novorum Casuistarum Theologia Moralis, ejusque basis Probabilitas, examinari inde ab anno hujus seculi quadragesimo tertio, quod sciam, variis ultro citroq; scriptis ea de re evulgatis, gallico latinoque idiomate. Inter hos vero morum doctrinæque moralis censores non alius quisquam majori industria, fide, accuratiori que judicio & doctrinæ præsidio hanc rem aggressus est, quàm LUDOVICUS MONTALTIUS, quisquis etiam ille fuerit, cujus Literæ Provinciales ad Amicum, vel si ita mavis, Literæ ad Amicum Provinciale, ante paucos annos gallicè latineque editæ, novisque subinde typis iterum iterumque expressæ sunt, quibus cum larva Probabilitati penitus esset detracta, uno ore & sententia plerique Archiepiscopi, Episcopi, & Clerus Gallicanus profligatum hoc dogma damnarunt, & proscripserunt: ceu pluribus videre est ex illa Epistolarum editione, quæ Anno dno 1706 LIX, gallicè prodixit, & in quinque partes tributa est. Has deinceps non solum in linguam latinam transtulit, sed etiam notis Theologicis illustravit quidam V Vilhelmus V Vendrockius, Salisburgensis Theologus, nomine non magis vero, quàm ipse fertur Montaltius: atque hujus V Vendrockii studium cum publice plurimum prodesse posse existimem, mea quoque opera illud nobis in his terris latius innotescere volui, simulque ostendere, quàm & fallax & impium moralis Philosophiæ aut Theologiæ sit fundamentum Probabilitas, & quo pacto solidè ac piè in eo argumento quivis versari & possit & debeat. Age igitur hac de re p.ura dicamus.

CAP. II.

*Quæ causa seu occasione impulsus Montaltius Epistolas
suas scripsisse videatur.*

Qua vero causa aut occasione ad has Epistolas de Morali & Politica Jesuitarum Theologia scribendas impulsus fuerit Montaltius, paucis dicendum est. Per integrum penè seculum agitata in Romana Ecclesia controversia est de divinæ Gratiæ auxilio & hominis libero arbitrio: in qua dirimenda Patrum Ecclesiasticorum Princeps D. Augustinus primas tenuit, ut qui hac de re omnium eruditissimè contra Pelagianos disputasset. Tandem Ludovicus Molina admodum superbè se supra Augustinum efferre, & Romanam Ecclesiam, quæ tot annos tanti Patris ductum secuta fuerat, haut obscurè erroris insimulare cœpit. Quæ nova Theologia (ita illam ipse Molina appellat) cum ex Hispania, ubi orta erat, in Belgium transisset, sectatores Jesuitas ibi & Academiam Lovaniensem ac Duacensem vehementer collisit, accedente etiam his Archiepiscopi Mechliniensis & Episcoporum Cameracensis ac Gandensis autoritate. Reversa inde contentio est in ipsam Hispaniam, ubi Salmanticensis Academia Lovaniensium Theologorum exemplum secuta gravi censura novam illam Molinæ Theologiam damnavit. Ventum tandem est ad Inquisitionis Romanæ tribunal, quò tanquam hæretica erat delata. Huius tum controversiæ is fuit eventus, ut Clemens IX. D. Augustini autoritatem majorum suorum exemplo stabiliret. Hic vero fremere Jesuitæ, ac Molina sui patrocinium suscipere instituerunt, frustra dehortante Cardinale Baronio, monenteque, ne ejusmodi disputationibus Societatis existimationem in discrimen adducerent, nec opinionem ex unius privati hominis ingenio natam universa Societas defendendam arriperet, præsertim quod illa plurimorum sententiâ valdè ad finis esset Pelagianorum dogmati ab Ecclesia dudum damnato. Quæ de re legi

pote-

poterant Petrus Matthæus *tom. 2. lib. 7. hist. Franc.* & Jacobus Fuligartius nec non Sylvester Petra Sancta, Jesuitæ, in vita Cardinalis Bellarmini *lib. 3. cap. 5.* Interea decedit Clemens II. cui successit Leo XI. paucorum dierum Pontifex. Hunc excipiens Paulus V. controversiam hanc omnem ad mentem D. Augustini decidendam esse Bulla composita sanxit: cujus promulgationem cum ille callidè differret, atque interim vetuisset, ne interea pars una alteram erroris argueret, secundum se in hac causa pronuntiatum esse Jesuitæ jactitarunt, cum primis sibi gratulantes, quod Molina opinio ceu erronea non fuisset damnata. Major hinc fastus succrevit Jesuitis, ut nec D. Augustini nec illum sequentis D. Thomæ in hac materia auctoritatem aut doctrinam admitterent, sed superciliosè his verbis respuerent. *Transcat Augustinus; Transcat Thomas:* Non tulit hunc fastum æquo animo Salmantica, sed legem scivit, & Theologiæ Doctores juramento obstrinxit, ne quidquam docerent, quod D. Augustino, aut D. Thomæ, ubi quidem de sententia illorum constaret, adversare ut, excepta opinione de Immaculata Virginis conceptione, jam tum animo præfagiens, novum hinc aliquando existurum Fidei articulum. Hac sanctione cum Jesuitæ suam Majestatem denuo laesam esse conquererentur, quidam Basilus Pontius, Theologiæ in illa Academia Doctor firmis rationibus ostendit, Academiam Salmanticensem ea re de Ecclesia optime esse meritam, approbato mox libello suo Romæ & Duaci à Censoribus. Cæterum, cum Clementis II. decretum adhuc obtineret, omnia in hoc argumento secundum D. Augustini sententiam esse decidenda, atque insuper Lessius Molina adfecta, qui doctissimum Patrem arrodere non erubuerat, acriter à Sixto V. fuisset castigatus; eò tandem artes suas Jesuitæ converterent, ut omnibus modis in suum sensum Augustini verba detorquerent. Tum vero de Prædestinatione, Gratia divina, totoque Redemptionis opere, magis aneeps ac dubia reddita est omnis disputatio, quam antehac unquam. Causæ hujus gravitate motus Cornelius

EXAMEN PROBABILITATIS IESUITICÆ.
Janſenius, Epifcopus Iprenfis, viginti annorum laborem & indefeffum ftudium, veræ Auguftini ſententiæ eruendæ, in hac materia impendit, eamque Chriftiano orbi exhibuit libro, quem eapropter AUGUSTINUM nuncupavit. Hoc itaque dum ageret Janſenius, non potuit fieri, quin Jeſuitarum opiniones ac temeritatem ſubinde perficere, cumque liber ejus magno etiam applauſu exceptus à quam multis legeretur, nihil non egerunt Jeſuitæ, ut Janſenio ejusque libro omne pretium demerent, ſuamque exiftimationem adferrerent. Ille igitur hæreticus audiebat, & impoſtor Calvinio Spiritu repletus, cum primis cum mortuus reſponderet non poſſet, oſſaque ejus combuſtione digna judicabatur ab adverſariis. Contra hunc Janſenii librum mox acerbiffimæ Theſes publicatæ ſunt ab iisdem Jeſuitis, quibus aliæ pro Janſenii defenſione oppoſitæ ſunt, atque ruſum his ab adverſariis aliæ. Romæ interea nullus non lapis movebatur à Jeſuitis, ut Janſenii AUGUSTINUS cenſura Papali damnatus proſcriberetur. Atque ita factum eſt Ao. M.DC.XLI. eo prætextu, quod gravi cum ſcandalo editus eſſet, quod parendum & ipſi fuiſſet decretis Pauli V. & Urbani IIX. vetantibus, ne quid de hoc argumento ſine Sedis Apoſtolicæ venia ſcriptum prodiret. Hac de re certior factus Joannes Janſenius, Canonicus Furnenſis, Cornelii Epifcopi nepos, à Rege Hiſpaniæ contendit, ne decretum Papale in Belgio promulgaretur, donec plenius conſtaret, an revera Janſenii liber ſcandalum peperiffet, atque ea de re rectius Papa edoceret. Belgii itaque Epifcopi, hac de re conſulti, tantum non omnes negarunt, ullum ſcandalum jure ipſi huic libro imputari poſſe, nihilque præter ipſiſſima D. Auguſtini ſenſa continere, adeoque lectoribus non ſcandalum, ſed eximium fructum adferre. Interim ſuæ cauſæ non deſuerunt Jeſuitæ, qui unâ cum tribus Academia Lovanienſis Doctoribus, ſuperioris Cenſuræ à Theologis ipſorum profectæ non amplius memoribus, tantum ſuis calumniis effecerunt Romæ, ut graviori nota Janſenii liber iterum proſcriberetur. Hac eſt illa Bulla, quam Archiepi-

Archiepiscopus Mechliniensis in Belgio promulgare (absque qua promulgatione Bullæ Pontificiæ in Belgio nullam legem vim habent) detrectavit. Varia quidem contra hanc Bullam à Jansenistis tentata sunt, etiam apud Innocentium X. ut Jansenii liber debito examini submitteretur, & cum D. Augustini scriptis contenderetur, ea lege, ut si vel in unico capite Jansenius fuisset convictus, totus liber in acie Campi Floræ ulticibus flammis traderetur. Sed hi quidem frustra fuerunt. Econtrario Jesuitæ, impetrato etiam hoc altero decreto, triumphare, & in Ecclesiastica cathedra non magis ferre D. Augustino, quam Jansenio parcere, sed utrumque acerbè perstringere. Vix autem pejus audiebat Jansenius, quam in Gallia, quod autor crederetur libelli, Martis Gallici nomen præferentis. Proinde & ibi Jansenio à Jesuitis nihil non sustinendum fuit, variis maledicis scriptis divulgatis, quibus defuncti memoria magis magisque obscuraretur, nulla Bullæ Papali reverentia delatâ, qua non solum pro Jansenio, sed & contra eundem aliquid procedi vetitum erat. Patronum in hac causa Jesuitæ Gallicani propudiosis adulationibus quærebant Principem Condæum, qui una cum Cancellario & Cardinale Grimaldi, Nuntio Apostolico, eò Reginam ipsam jam flexerant, ut Bulla illa Pontificia in Gallia reciperetur. Sed haut alibi majori libertatè acriorique studio defensum fuit Jansenius, quam in Gallia, cujus Episcopis ac Theologis bene multis liber illius AUGUSTINUS, tanquam genuinus mentis Augustini interpres, fuit acceptissimus. Congregati quoque eo nomine Sorbonistæ totusque Galliæ Clerus refragati sunt Bullæ istius receptioni, ut Regina de periculis etiam atque incommodis majoribus monita ab instituto destiterit. Plenius res omnis cognosci poterit ex Rationibus Archiepiscopi Mechliniensis, quibus inductus à Promulgatione bullæ Papalis abstinuerit, viri celeberrimi H. Conringii cura apud nos editis, unde hæc contraximus.

Hæc itaque contentio videtur etiam Ludovicum Montaltium excitasse, hominem magno judicio, & in scriptis suo-

rum adversariorum versatissimum; qui tamen non satis habuit, prioribus Epistolis Ianseniam illam disceptationem de Gratia persequi, sed sequentibus aliis gravissimos, quos in sua Morali ac Politica doctrina Iesuitæ ac novi Casuistæ commiserunt, errores detexit, ut his perniciosissimis adsertionibus ac corruptelis non solum Ecclesia sed & Politia liberaretur, & Iesuitæ tantorum errorum tam evidenter convicti aliquid de vegrandi suo fastu remitterent. Epistolæ illæ ea profecto arte, iudicio, ac fide scriptæ sunt, ut non sine magna voluptate minorive fructu legi queant, adeoque legi ab omnibus veritatis studiosis impietatisque osoribus debeant.

CAP. III.

Quidnam sit Probabile, seu Probabilitas.

RECTE jam à Wendiocckio observatum est, sententiam de re quapiam, sive morali, sive alia, vel in se & absolute spectari posse, vel relatione facta ad intellectum nostrum; cognoscendi modum. In se spectatæ hæ sententiæ, vel veræ sunt, vel falsæ; nulla ex his probabilis est. Nam inter Verum & Falsum absolute consideratum nec medium datur, nec aliud quiddam ab his diversum. Proinde nec Falsum probabile, sed sua natura penitus improbabile ac rejiciendum: & Verum plusquam probabile est, quod nihil dubii reliquum faciat, sed sit certum. At si ejusmodi sententias ad cognoscentis acumen intellectumque nostrum examines, omnino cum summo Philosopho agnoscere ac fateri cogimur, in plurimis vespertilionum more nos hallucinari ac cœcutire, in aliis probabiles opiniones colligere, non tamen sine formidine oppositi, in quibusdam verum & falsum certò pervidère.

Protinus vero homonymia quædam hic detegenda est, quam cum Boëthius 1. libro *Comment.* in Topica Ciceronis non observasset, non leviter impegit, existimans, argumenta

Pro-

Probabilia & Verisimilia esse eadem, cum tamen hæc Sophistæ, illa Topicæ sint accensenda. Hinc Aristoteles artem Dialecticam, quam Organo suo complexus est, traditurus, tria facit probationum genera: unum Apodicticum ac necessarium, Analyticis libris expositum: alterum Probabile, seu ἱκανόν, Topicis libris explicatum: tertium est verisimilium & apparentium, quibus Sophistæ fallere amant, duobus Elenchorum libris comprehensum. Dialecticus enim his non utitur ad decipiendum, sed ne decipiatur, fraudibusq; Sophistarum implicetur: ut licet notitia Dialecticus non differat à Sophista, ὁμοίως tamen plurimum ab hoc dissideat. Potest enim, sed nō vult fallere. Unde cum Aristotele rectè distinguere debet inter τὸ ἱκανόν & τὸ φαινόμενον ἱκανόν. Syllogismus ἐξ αἰσίων (quo Sophistæ victoriæ obtinendæ gratia utuntur) est, qui exstruitur ex iis, quæ videntur probabilia; nec tamen sunt: & qui ex probabilibus, vel iis quæ videntur probabilia, videtur esse; nec est. Non enim, quidquid videtur probabile, etiam est probabile.

Quanam igitur revera sunt Probabilia? Ex Aristotelis quidem sententia dicuntur esse ἱκανὰ, τὰ δοκῶντα πᾶσιν, ἢ τοῖς πλείστοις, ἢ τοῖς σοφοῖς. καὶ τοῖς, ἢ τοῖς πᾶσιν, ἢ τοῖς πλείστοις, ἢ τοῖς μάλα γινώσκουσιν καὶ ἐνδεχοῖς. Probabilia sunt, quæ videntur omnibus, vel plerisque, vel sapientibus; atque his vel omnibus, vel plerisque, vel maxime notis ac claris. 1. Topic. 1. Ejusdem libri capite 10. explicaturus quid sit Propositio Dialectica, ita docet: Ἐὰν ὁ ἑταῖρος ἀγαλῇ καὶ ἡρώταται ἐνδεχόν, ἢ πᾶσιν, ἢ τοῖς πλείστοις, ἢ τοῖς σοφοῖς. καὶ τοῖς, ἢ πᾶσιν, ἢ τοῖς πλείστοις, ἢ τοῖς μάλα γινώσκουσιν, μὴ ἐνδεχόν. Propositio dialectica est interrogatio probabilis, quæ vel omnibus, vel plerisque, vel sapientibus, atque his etiam vel omnibus, vel plerisque, vel maxime celeberrimis probetur; modo non sit ἐνδεχόν; communi hominum opinioni repugnans. Hic itaque posteriori membro quædam adjicitur liminatio, illud videlicet ἐνδεχόν, quod celeberrimis quibusdam autoribus probetur, non debere esse ἐνδεχόν v. gr. Omnia esse unum, quod Parmenides olim venditabat: Hinc
 mox

mox addit Aristotelis: *Θείη γάρ αἱ τις ἴο δοκεῖν τοῖς σοφοῖς, ἐὰν μὴ ἐναντίον τῶν πολλῶν δόξης ᾖ.* Concesserit enim quispiam, quod videtur Sapientibus, nisi contrarium sit opinionibus multorum. Eadem quoque repetit ejusd. l. c. 14.

Ex hac τῶν ἐνδόξων descriptione Aristotelica facillè apparet Probabilitatis complures esse gradus. Plurimum certè Omnium aut Plerorumque consensui est tribuendum, cum primis si illi Omnes aut Plerique sint Sapientes.

At tanta Probabilitas non est adsertionum à Paucis, aut Uno, quamvis Sapientibus, aut Sapientissimo credito profectarum. Quis nescit quanta autoritas fuerit Pythagoræ? Interim quando ille *Θεὸς μεταμψυχώσεως* seu *παλιψηρεσίας* delirat; mereturne tyrannide quadam extortum ad sensum, si quis in-clamet, *Αὐτὸς ἔφα?* Plato quando rerum communionem in sua somniat Republ. debetne *Θεῶ* haberi? Estne probabilis sententia nihil moveri, nivem esse nigram, ignem non urere? quod tamen visum fuit etiam iis, qui Philosophorum nomine insigniti sunt. Sed jam tum cognovimus, tales sententias ut probabiles tum demum haberi posse, nisi *ἑνδόξον* quid præferant.

Docet præterea Aristoteles 1. Topic. 10. quædam simpliciter esse Probabilia, de quibus modò dictum est: quædam vero, quod similia probabilibus sint aut reddi possint, pro *ἐνδόξοις* accipi ac numerari. Ita Probabiles reddi possunt, comparatè, seu propter aliud, quædam propositiones, ob similitudinem. Ita simpliciter probabile est. Eandem esse contrariorum scientiam. Quia vero Scientiæ quodammodo similis est Sensus, (ut enim Scientia ad scibile, ita Sensus se habet ad objectum sensibile) hinc etiam probabile redditur, Eandem sensum esse contrariorum. Ita probabile redditur, unum esse habitum Musicæ, similitudine Grammaticæ, cujus uno habitu Grammaticus aliquis esse dicitur.

Deinde propositionum, quæ probabilibus contrariæ sunt, vel ratione subjecti, vel ratione prædicati, contradictoriæ, fiunt ipsæ quoque probabiles. Ita huic propositioni probabili;

De

De amicis est bene merendum, ratione subjecti contraria est hæc, De inimicis est benè merendum; ratione autem prædicati, ista, De amicis est malè merendum: harum ergo duarum posteriorum contradictoriæ erunt probabiles, De inimicis non esse bene merendum: Et, De amicis non esse malè merendum.

Probabiles quoque fiunt propositiones, per contrariorum consecutionem, quò idem etiam exemplum Aristoteles accommodat. Ut, quia probabile est, De amicis bene esse merendum; probabile quoque fit, De inimicis male esse merendum.

Denique Probabilia fiunt, quæ autoritate artificum & professorum in quaque disciplina rata habentur ac probantur: ut in Theologicis disputationibus, quæ approbant Theologi: & in Medicis quæ Medici pro veris habent; aut in Geometricis, quæ à Geometris approbantur. *Ἐνδοξον* enim est, cuique in sua arte credendum esse. Horum quidem probabilium exempla apud alicujus autoritatis doctores reperire facile est.

Hæc ita ab Aristotele differuntur, non sanè eo fine, ac si omnino tutò quis ejusmodi propositionibus inniti queat, cum manifestum sit, quam lubricæ multæ ac fallaces sint; sed ut Dialecticus in Philosophum feliciter evasurus, & de variis argumentis more veterum promptè per interrogationes ac responsiones disputaturus copiam habeat talium propositionum, delectumque habeat earum, ut maximè probabilibus utatur. Proinde vult, ut si non suppetant propositiones simpliciter probabiles, quæ probentur opinionibus omnium, aut plurimorum, aut sapientum; horumque aut omnium, aut plerorumque, aut maximè celebrium: tum adsumendas esse illas, quæ fiunt probabiles vel propter contrariorum contradictionem, vel consecutionem: aut propter fidem alicujus præclari artificis, aut propter rerum similitudinem, ejusque generis alia.

Ex his jam apparet, alia esse revera *ἔνδοξα*, alia esse *φανόµενα* *ἔνδοξα*, alia *ἔνδοξοις* similia esse, atque pro *ἔνδοξοις* haberi, horumque

rumque omnium varios esse Probabilitatis gradus. Cæterum uti Aristoteles quidem propriè dicta ἐνδοξα describit, duplex oboriri possit scrupulus. Primò enim si probabilis est propositio, quæ ab omnibus, aut plerisque, aut ab omnibus sapientibus approbatur, quid fiet de ipsis principiis? quid de principiorum habitu, quem ille Νῦν appellat? quæ tandem erit Σύνδεξις aut Scientia? Deinde si ἐνδοξα ab Aristotele descripta ad consensum & autoritatem adeoque ad locum Testimonii referenda sunt, quæritur qualia sint ἐνδοξα, quæ ex reliquis quamplurimis Dialecticæ classibus peti solent, atque ab eodem Philosopho in suas sedes digesta sunt, sintne aliûs generis, an prorsus ejusdem. Posterius sine dubio locum non invenit; quid enim reliqua mole opus fuisset? Si prius obtinet, quæritur, quomodo Probabilibus ex reliquis locis Dialecticis arcessitis data descriptio quadret?

Prius dubium quod attinet, in progressu illud iterum tangemus, accuratiori discussione Logicis commendata: alterum vero plenius paulò à nobis explicandum erit.

CAP. IV.

De Scientia, Opinione & Fide.

Q Vicquid Mens nostra ratiocinando colligit, vel Scientia est, vel Opinio, secundum Aristotelem. Præter hæc duo tertiumne sit ab his distinctum variè à Logicis disputatur. Recentiores enim addunt Eidem: de qua Aristoteles in Organo suo nihil peculiariter aut disertè tradit, in Rhetoricis verò illius quod *ἡ δὲ πίστις* differitur, paulò aliter se habet, cum non solum argumenta probabilia, sed & alia ad fidem faciendam idonea sint, pluraque Rhetoricæ propria ibi considerentur. Interim ut quædam inter ἐνδοξα, ab Aristotele descripta, & reliqua Dialectica argumenta, differentia appareat,

reat, postulo mihi concedi tria esse, quæ Mens nostra ratiocinando apprehendat, Scientiam, Opinionem, & Fidem. Hac enim hypothese admissa commodissime reliqua deinceps disputatio expediri poterit. Nec puto adversariorum ququam ea in re difficilem futurum, modo meminerint plurimos sui gregis Philosophos ita docere. Ex iis unus Antonius Rubius Rodensis, in Provincia Mexicana, ubi Jesuitæ Collegium habent, nec non Domum Professam, quam vocant, Professor Regius, scripsit Logicam Mexicanam, eamque, uti ipse in Præfatione ad Lectorem profitetur, potissimum Societati Jesuiticæ consecravit: Is eandem hypothese non solum admittit, sed etiam, quod conclusionis ipsi loco esset, multis comprobata ac confirmat.

Singula hæc quid sint, Scientia inquam, Opinio, & Fides, jam erit dicendum. Priora duo quid differant, eleganter tradit Aristoteles 1. post. Anal. c. 30. Ersi igitur Scientia & Opinio de eadem re esse possint, quamvis non simul & in eodem subiecto, non tamen idem est τὸ ἐπιστῆναι & τὸ δι᾽ αἰσθῆναι, neque idem ἐπιστήμη & δόξα. Modus enim cognoscendi per Scientiam & per Opinionem valde est diversus. Scientia enim triplicem requirit necessitatem, cum primis πρῶτος ita dicta. Primum itaque exigit necessitatem objecti, ut res scibilis sit immutabilis & necessaria: Deinde necessitatem subiecti, ut animus scientis sit ἀμετάλητος, certus & constans in sua cognitione: Denique necessitatem medii, ut sciat rem per necessariam causam. Illud enim demum est Scire, causam cognoscere, propter quam res est, & quidem ejus rei causam esse, nec posse eam aliter se habere, inquit 1. post. anal. c. 2. Qua descriptione hoc vult, primum ut cognoscatur causa rei, seu ut medius terminus demonstrationis sit causa conclusionis: deinde ut ea causa conferatur cum effectu, ita ut sciamus eam esse causam conclusionis: postremo ut sciamus, conclusionem ita necessario se habere, nec posse aliter se habere. Primum & secundum in re ipsa, postremum in animo demonstrantis spectatur. Hæc verò triplex necessitas in Opinione locum non habet. Primo

enim versatur circa objectum ἐνδεχόμενον, non necessarium, sed quod aliter atque aliter se habere potest. Deinde etsi animus opinantis ad alteram contradictoriarum magis propendeat, plerumque tamen formido oppositi ad sensum inoratur ac turbat. Atque hoc ipsa inde accidit, quod tertia etiam necessitate destituatur, & rem non ἀποδεικτικῶς sed ἀπολεπτικῶς & ἀδοξαστικῶς solum cognoverit. Mitto reliquas differentias, quas d. c. 30. subtiliter inculcat, quod jam traditæ nostro instituto sufficere videantur.

Hic vero quis mihi illa objecerit, quæ Philosophus tradit 7. Nicom. 3. §. 11. seqq. his verbis: *Nonnulli eorum, qui aliqua de re opinantur, prorsus nihil dubitant, sed se rem exquisitè scire existimant. Quod si ii, qui opinantur, propterea quod leviter & remisse credunt, ita rem esse, de qua opinantur, facilius, quam qui sciunt, contra, atq. existimant, agent; nihil inter Scientiam & Opinionem intererit. Nonnulli enim non minorem fidem habent iis, quæ opinantur, quam alii iis, quæ sciunt.* Idque comprobatur exemplo Heracliti, qui omnia sua decreta, etsi opinione non scientia niti diceret, tamen tam pertinaciter tuebatur, & vera esse credebatur, quam alii Philosophi, qui scire se sua dogmata dicerent. Hæc ergo ut concilientur, facilè Scholasticorum illam distinctionem admitto, qua Formidinem faciunt duplicem, unam Radicalem seu Aptitudinalem, alteram Actualem. Istam non consistere dicunt in reali aliquo timore seu dubitatione, sed in eo solum, quod medius terminus, quo Opinio utitur, aut ejus objectum propter contingentiam ea sit conditione ac natura, ut ei non repugnet subesse falsum. Atque hæc Formido Radicalis dicitur, quia radix est & origo actualis. Hinc enim sæpè evenit, ut opinans actualem timorem habeat de veritate oppositæ partis, & falsitate ejus, cui jam ad sensum applicat, quia vel contingens est, vel per medium probabile atque contingens ei assentitur. Sæpè hoc evenire dixi, non semper; Proinde quando Opinionem semper cum formidine oppositi conjunctam esse dicimus, de Radicali formidine hoc solum verum est, quæ licet sæpè etiam Actualem pariat, multi

multi tamen suarum opinionum adeò tenaces sunt, ut vix quisquam verè philosophus suæ scientiæ.

Præterea si varios opinandi modos expendamus,prehendemus, Opinionem non solum circa contingentem, sed & necessariam propositionem versari, idque vel per medium probabile, ut tale cognitum, vel per medium revera probabile, sed pro necessario putatum & arreptum. Posterius ubi contingit, sanè qui ita opinatur de veritate suæ conclusionis nihil dubitat, nec ullam actualem formidinem habet de veritate oppositæ. Discrimen itaque Scientiæ & Opinionis non solum à conditione objecti necessarij & contingentis, nec solum ex parte medij adfertiendi secundum se sumpti petendum est, sed etiam ipsum subjectum, sciens & opinans, inspiciendum est. Accidit enim, ut quispiam ex præmissis necessariis, per medium item verè necessarium seu *ad sensum* conclusionem colligat, nec tamen scientiam illius habeat, sed duntaxat opinionem. Ratio est, quod vel præmissam verè necessariam, vel medium verè necessarium pro probabili reputat. Hinc Opinio à nonnullis definitur cognitio, vel adensus rei contingentis aut necessariæ per medium verè probabile, vel *ut tale* existimatum genitus.

Quemadmodum igitur Scientia & Opinio potissimum certo & incerto differunt, ita Fides ab his aliquid videtur esse distinctum, quod rationes seu media Fidei, quibus cognitio & adensus evincitur, formaliter differant à medijs & rationibus Scientiæ & Opinionis. Quod ut eò rectius accipiatur, notandum est Fidem esse duplicem; Divinam & Humanam. Divina fides à Scientia differt specie, propter diversum adfertiendi medium à divina autoritate petitum. Ab Opinione differt eadem Divina Fides, ut ab incerto seu dubio certum & infallibile. Humana Fides à Scientia quidem differt, ut incertum abs certo: at hæcenus ab Opinione non differt; nam & Opinio & Fides Humana ita sunt comparatæ, ut iis falsum subesse possit. In eo tamen Opinio & Fides Humana distant, quod ista ratione probabili, hæc fide digni hominis testimonio seu

autoritati innitatur. Hæc itaque tria, Scientia, Fides, Opinio, aliquid habent commune, & aliquid proprium. Commune illis est, quod ad producendum adsensum facultatem singulæ habeant: differunt autem in modo adfentiendi, & ad hoc proprio singulæ medio rationeque utuntur.

Fidem Divinam diximus esse infallibilem ac semper certam. Quod ipsum vix quenkum in dubium vocaturum esse existimo. Nam quod DEus dicit verum est; ut qui sit ipsa Veritas. *Joh. 14. v. 6.* Præterea quod Sacra Scriptura Canonica comprehensum est, est illud ipsum Verbum Dei: adeoque hoc omne verum est, siue fidem siue mores concernat. *2. Pet. 1. v. ult.* At Fides Humana multis modis fallere potest, & incerto mirificè obnoxia est. Hinc Apostolus tali oppositione utitur ad *Rom. 3. v. 4.* ὁ Θεὸς ἀληθής, πᾶς δὲ ἄνθρωπος ψεύτης, *DEus semper verax, omnis vero homo mendax.* Quinimo ipsa Humana Fides infinitis gradibus variat, ut modò majus modò minus incertum, aut incerti periculum ac metus subsit, prout alius homo alio fide vel majori vel minori dignus est. Quid quod alii sæpe falluntur & fallunt aliquo cœcutientis intellectus errore: alii etiam malo animi proposito & consilio: quibus temere fidem tribuere, præsertim in moralibus, admodum est periculosum, cum primis si aliunde certior esse possis; sic enim cum aliena tum sæpe etiam tua culpa modo faciendo, quæ jure Naturæ aut à Deo vetita sunt, modo omitendo, quæ facienda iisdem autoribus jussa sunt, conscientiam faucias, teque peccando poenæ criminis obnoxium reddis.

CAP. V.

De pia adfectione Voluntatis.

DE motu Voluntatis quando Scholastici disputant, quomodo illi membra externa, quomodo appetitus sensiti-

VUS

vus pareant, disquirunt etiam, quomodo Intellectus operationes eidem obsequantur, nec ne. Duplici igitur ratione illas intellectus energias Voluntati parere ajunt, vel quod ad exercitium illarum, vel quod ad Specificationem. Ratione Exercitii omnes Intellectus operationes sunt voluntariæ ac liberæ; ut enim quadraturam circuli contempleris, nec ne, Oceani reciproci fluxus causas investiges, nec ne, tui est arbitrii ac voluntatis. Quo pacto vero se res habeat ratione Specificationis, tum recte cognoscetur, si intellexerimus, quid in Schola ipsorum nata hæc *propositio* sibi velit. Quando igitur Intellectus veritatem rerum inquirat, & per genuinas causas ad sensum vero applicat, aut per æquæ legitimas causas falsum fuerit detectum, eoque nomine dissentiat, tum Intellectus aut operationum illius Specificationem fieri dicunt. Jam vero ejusmodi Intellectus ad sensum vel apodicticis rationibus evincitur, & ille Specificus Intellectus actus Voluntati non subjacet; nec enim tui est arbitrii, sententiam ejus generis argumentis extortam repudiare, aut ejus aliquam *εποχή* in mente librare. Quinimo cum nonnunquam accidat, ut Intellectus verè apodicticis rationibus ad assentiendum aut dissentiendum non constringatur, sed aliis, quæ tamen pro talibus arripiantur, ne tum quidem actus ille specificus Intellectus voluntarij paret. Cæterum quando Intellectus necessariis causis convictus non est, aut saltem se non convictum esse existimat, ad sensum suum vel dissensum liberè vel suspendere, aut simpliciter assentiri aut dissentire pro arbitrato suo poterit. Proinde illis adsertionibus aut sententiis, quæ *ἐκ τέρπου* disputantur, & probabilibus rationibus suffulta sunt, ad sensum vel damus liberè, vel negamus: aut, si ita visum fuerit, ad sensum vel dissensum potius suspendimus. Quia igitur, ut ostensum est, Opinio & Fides humana non necessariis ac evidentibus demonstrationibus innititur, liberè Intellectum Voluntas nō solum ad exercitium movet, sed etiam ad Specificationem. Atque hæc quoque locum inveniunt in materia practica, modo observentur Regulæ à Thoma aliisque rectè sentientibus circa

ta doctrinam de Conscientia traditæ, & quæ à nobis infra dicentur cap. IX. His ita positis, non jam meis sed Antonii Rubii verbis protinus perspicuum fiet, quæ in re pia *Voluntatis affectio* consistat. Ita igitur ille *Tractat. de Habitib. Observandum est, actum voluntatis, per quem voluntas intellectum applicat ad ad sensum Opinionis aut Fidei, duplicem esse. Unus est simplex quedam electio, per quam ratione vel autoritate præsuppositis voluntas eligit potius credere, vel probabiliter assentire, quam discredere vel dissentire, aut operari circa objectum harum cognitionem, quam operationem suspendere: ita ut in tali electione non moveatur potius ex majori affectu, vel inclinatione ad unam partem, quam ad alteram, sed solum ex majori vel minori convenientia objecti, vel certè à propria libertate. Alius est actus electionis quidem liberæ, in quo potius voluntas movetur ad determinandum intellectum ex affectu ad unam partem, quam non habet erga alteram. Unde solet procedere, quod hanc potius opinionem quispiam sequatur, quam alteram, quia magis erga Patrum ejus afficitur, & motus voluntatis ex hoc affectu procedens vocari solet PIA AFFECTIO VOLUNTATIS. Cum vero Jesuitarum rationes ita sint comparatæ, ut Socius Socium quo jure quave injuria defendat ac tueatur, hinc pia Voluntatis affectione ad impios sæpè errores corroborandos illos abuti, passim in illorum Theologia Morali deprehendas licet.*

CAP. VI.

*An Probabilitas in Moralibus locum habeat?
qua occasione primum de Materia Morali
agitur.*

EX superioribus, ni fallor, liquidum est, quid sit Probabilitas, seu quæ argumenti probabilis vis sit, sive ab autoritate & testimonio alicujus hominis arcessita, sive argumenti

Diale-

Dalectici, Opinionem parere idonei, ope obtema. Sequitur jam ut ostendamus, An Probabilitas in Moralibus locum habeat: deinde si quidem hoc concessum fuerit, quanta ejus sit latitudo. Hac de re ut rectè statuamus, primò omnium moralis objecti natura ac conditio investiganda est, sitne necessaria, an contingens. Objectum igitur morale sunt Actiones humane, quæ sanè in se & absolue spectatæ, propter libertatem, qua in agendo gaudent homines, sunt contingentes. Sed cum DEUS hominem non voluerit vagam agere vitam, adeoque quod libeat non protinus liceat, certum finem illi præfixit, ad quem vitam actionesque suas componeret: absque quo si foret, hoc absurdum sequeretur, Appetitum, proximū agendi principium, homini à Natura frustra esse tributum. Quæcunque igitur actiones ad finis istius consecutionem per se faciunt, ad illas persequendas, tanquam sua natura honestas justasque nos obligatos esse existimabimus: è contrario, quæcunque actiones viam ad illum finem consequendum obstruunt ei que officiant, suæque natura aduersantur, ad eos, tanquam turpes suæque natura injustas, fugiendas nos obligatos esse existimandum est. Cum vero operationes hominis non sint unius generis, hinc illarum etiam non unus est finis. Nos jam solùm de tribus Finibus aliquid dicemus, quorum duo Natura, tertius per Revelationem gratiosam nobis notus est. Si enim præstantissimam hominis partem, Mentem, consideres, Finis illius est Theoria rerum divinarum ac coelestium, præsertim ipsius Dei. Si vero eundem cum Aristotele consideres ut *ζων πολικόν*, Finis illius eodem Autore rectè statuitur, *εὐαγγελία*, operatio ex virtute. Quod si hominem consideres, ut Christianum & renatum, diversissimus & prioribus multò sublimior ac perfectior est, Vita æterna. Ratione postremi hujus Finis, & quatenus renatus est, à Casuistis & Theologiæ Moralis Doctoribus Homo considerari solet. De his Finibus jam non prolixè ac operosè dicam: fiet id aliàs, si Deus otium & vires concesserit. Hæc duo modò tangam. Si Homo ut renatus consideratus fuerit, & de illius actionibus

d

quæ-

quærat, quales esse debeant, ut iis ἀνεμπόδις. Quod ad vitam æternam pervenire possit, ubique ferè evidentissimis demonstrationibus doceri regi que potest. Petuntur enim ex ipsius Dei infallibili Verbo; peti certè debent & possunt. Nec interest, disertisne verbis vitæ Christianæ regulas invenias, an per legitimam consequentiam eruas; nisi forte, quod posterius hoc non ita facili ac promptè in quibusvis casibus à quovis expediri possit. Interim quotiescunque de hominis Christiani & renati, quàm talis, vita morib⁹ q; quæstio est, hæc, quàm dixi norma tenenda est, cui profectò nec Humana Fides nec ullū probabile argumentum præponi sine piaculo potest.

Quod si cum Aristotele Hominem ut ζῷον πολιτικόν supponas & consideres, & quæras qua norma rationumque robore illius actiones ad finem suum politicum, hoc est εὖ ζῆν, adstringantur, non profectò cum vulgo sentire debemus, nihil hac de re nisi solum probabiliter dici disputari posse. hoc enim quàm falsum sit mox ostendam. Primum vero hoc: Casuistis aliisque Theologiæ Moralis Doctoribus opponere possum, optimas vivendi regulas Homini etiam civiliter considerato in Lege Mosàica aliisque S. Scripturæ Canonicis libris esse præscriptas: de quibus prorsus idem sentiendum, quod paulò antè de norma actionum hominis renati, ut talis, proutiarum est: videlicet rationes ab humana fide petitas aut qualibuscūq; argumentis, potissimū merè probabilibus, suffultas, testimoniis & oraculis divinis omnino esse postponendas.

Sed, etiamsi S. Scripturam Canonicam seponas, soloque Naturæ lumine confusus rerum practicarum veritatem inquiras, non solum hoc non erit frustra, sed de plurimis planè ἀποδεικνύως certus esse poteris, modo ne sis ita improbus, ut qui ipsa principia à reliquis mortalium, tali improbitate non infectorum consensu comprobata, rejicias. At dicat quis, hoc videri ἀποδεικνύον, quandoquidem ipse Aristoteles Scientiam dicat esse rerum necessariarum δ. Nicom. 3. §. 4. seqq. cum ego suprà dixerim, philosophiæ morales materiam, videlicet actiones humanas morales, esse contingentem. Primò itaque, ut

huic

huius objectioni occurratur, repetendum hic est, Contingens dicitur tripliciter : raro , æqualiter & plerumque contingens. Raro contingens est, piscatorem aureum ex aquis tripodem extrahere. Æqualiter contingens dicitur aliqua propositio, cuius prædicatum ita est comparatum, ut non magis subjecto inesse velit, quam non inesse, seu, quod ita de subjecto dicitur, ut non minus aliud prædicatum æquè aptum sit de eodem subjecto dici. V. gr. Hic homo ambulat. Plerumque contingens propositio dicitur, cuius prædicatum, mavult inesse subjecto, quam non inesse. Tales sunt plurimæ Legum naturalium propositiones, veluti, Depositum est reddendum, Promissa sunt servanda, Homo hominem ne lædat, Magistratui & Parentibus mos est gerendus, ejusque generis alia. Quidquid enim in his, iisque similibus propositionibus, prædicatur, sua natura cum subjecto mavult coherere, quam ab eo divelli. Proinde licet actiones humanæ in se sigillatim spectatæ sint contingentes, naturalem tamen obligationem, cui obnoxia sunt, si videas, hætenus nonnunquam sunt necessariae aliæ, alia contingentes ut plurimum. Hætenus inquam; nam ne sic quidem libertatem velim sublatam. Non enim, ut supra dixi, qualibuscunque actionibus ad ultimum finem civilem pervenire possumus, sed certis duntaxat & ad illum accommodatis. Unde vero modum & normam capiunt illam actiones nostræ? A Legibus Naturæ, quarum autor Deus est: unde apparet, à quo, & quantam obligandi vim habeant. Illæ vero Leges vel sunt Communes vel Speciales. Istas appello, quæ obligant omnes & singulos in genere & societate humana viventes. Hæ vero obligant non omnes omnino, sed in speciali aliqua societate degentes. Ita ad officia paterna non est obligatus, nisi qui pater sit: ad officia maritalia non est obligatus, nisi qui maritus sit: & sic deinceps. Cæterum cum nulla Lex cum effectu obliget, nisi facta illius fuerit promulgatio; quaeritur porro, quando Leges Naturæ promulgentur? Hic primò illud monendum fuerit, nonnullos, quando Legum Naturæ mentionem faciunt, ad autorem respicere, &

per Naturam intelligere Deum Legislatorem. Non malè. Ego verò malè in Leges Naturæ ita accipi, quæ naturæ humanæ ejusque actionibus sint lata. A Deo enim vim obligandi, quæ his Legibus inest, aptam esse, nihilominus paret, quod supra homines in universum, qui illos sibi Legibus adstringat, Deo nemo sit superior. Talis enim utique Legislator esse debet ratione illorum, quibus leges suas fert. Quæ jam est Natura nostra? sine dubio Ratio. Præter hanc enim quas habemus alias facultates non certè nostræ sunt, sed communes, partim cum animabbus, partim cum vegetativis rebus. Homo vero quamdiu est, vivit. Vivere est operari: ita quidem ut tum demum Homo se intelligat vivere, eaquæ re gaudeat & lateatur, si operetur. *9. Nicom. 9. §. 27. seqq.* Nihil verò æquè incumbit homini quàm ut vivat vitam humanam, hoc est, Naturæ suæ consentaneam. Hæc Natura, uti dixi, est Ratio. Benè itaq; hætenus dixerunt Stoici, secundum Naturam, vivere, Convenienter naturæ vivere, Naturam sequi, DEO parere, DEum sequi, DEo assimilari, esse prorsus idem. Cæterum cum Ratio sit naturalis in homine facultas, eaquæ alii rectè utantur, alii abutantur, illa propositio, debere nos secundum naturam seu rationem vivere, non ita promiscuè est accipienda. Et si enim hæc Facultas Naturalis ita sit comparata, ut se habeat *ἀπὸ τοῦ ποῦρος*, & ad bonum & malum æquè sit comparata; hoc tamen ita demum verum est, si hominum arbitrium spectes, quorum alii liberè agunt benè, alii liberè male. Sed hoc perpendendum est. Omnem Facultatem à Natura datam esse ad certam operationem seu munus perficiendum. Ita ergo se quoque habebit Ratio. Hujus munus vel est Contemplatio, vel Actio, vel Effectio; unde alia solet dici Ratio Theoretica, alia Practica, alia Effectiva. Jam vero Facultas Rationalis nunquam suo munere rectè fungetur, nisi omne suum studium & curam ad hos fines conferat. Industria igitur opus est. Ea inquam, qua certa qualitate Rationem imbuas ac perficias, quò promptè, commodè ac cum voluptate, munus quodque suum absolvat. Hæc qualitas & perfectio
Ratio-

Rationis, Virtus illius dicitur. At cum diversa sint Rationis munera, hinc quoque diversis habitibus seu virtutibus instruenda ac perficienda est. Et quidem Theoreticâ, Sapientiâ, Scientiâ, Intelligentiâ: Practica Prudentiâ: Effectiva Arte. Atque tum Ratio dicitur meritò Recta. Nos vero jam, quando de Legibus Naturæ loquimur, unicè Rationem Practicam considerabimus. Illarum itaque promulgatio fit cuique homini, quamprimum quisque homo aliquid incipit intelligere, quod in vita vel sequi vel fugere oporteat, seu, quamprimum usus illius Rationis se explicare incipit. Quæ sanè Rationis scintillatio & explicatio uti magis educatione & debita adfectione adjuvatur (id quod fieri necessum est) usumque suum diffundit, ita indies aliæ atque aliæ leges ipsi innotescunt, juxta quas vitam moresque componat: quæ cum faciendi suâ naturâ honesta jubeant, fugienda suâ naturâ turpia verent, agnoscit paulatim plurima, multa protinus, quæ observare debeat, & ubi vel omissione vel facto delinquere, Legesque naturæ temerare queat.

Fufius paulò hæc explicanda fuerunt, ut appareat, quomodo Actiones humanæ Scientiæ Moralis subiectum sint, ut non in se & absolute spectentur, sed cum nexu Obligationis, quales eas esse Leges Naturæ velint: atque hætenus dixi materiam illius Scientiæ partim esse necessariam, partim contingentem ut plurimum. Necessitatem ego intelligo (nam item hoc monendum est) obligationis. Hinc plurimæ actiones, quæ sua natura illicitæ sunt & turpes, nullo casu aut tempore possunt reddi licitæ saltem, nedum honestæ. Ita Adulterium nunquam potest reddi licitum, quemcunque etiam comminisceris singularium concursum aut varietatem; quamvis olim secus (matè tamen) senserit Eultratus, qui non semel docet, Tyranni interficiendi gratia cum ipsius uxore licitè quem possit consuefcere. Idem de Furto & aliis similibus statuendum est. Nam quod nonnulli de Vasis Ægyptiorum ab Israëlitis Dei judicio & jussu absportatis obijciunt, alienum est, cum minime sit Furtum. Hinc non dubitavit ita

scribere summus Vir Philip. Melanchchton Epistola Enarra-
tionibus suis Ethicis præmissa: *Contumelia est adversus DE-
um, lucem discernentem honesta & turpia, inditam mentibus no-
stris divinitus, seu principia practica & demonstrationes practi-
cas velle delere, sublata certitudine. Non dicat falsum testi-
monium, inquit vox divina. Non delectemur corruptelis veri-
tatis, nec quæramus prestigias ad eam eludendam. Est omnino
vera aliqua doctrina, & certa de moribus, exstructa ex illa luce,
divinitus insita humanis mentibus, seu ex Legibus Natura. Ut
mens ipsa sua luce cernit hanc propositionem veram, certam, &
immutam esse, Bis quatuor sunt octo; sic vera, certa & immota
est hac sententia, Adulterium est turpe & vitandum. Etsi vero
Philippus videatur præsupponere Notitias congenitas, atque
hactenus nos nondum habeat consentientes, de certitudine
tamen demonstrationum moralium rectè statuit. Revoco
mihi jam in memoriam, si quis ita argumentetur, Quidquid
sua natura turpe est, illud vitari oportet, Adulterium, Fur-
tum, &c. talia sunt, Ergo hæc vitari oportet; responsum mi-
hi olim esse, non esse hanc demonstrationem; Intemperan-
tem enim & Avarum non admissurum esse Minorem. Imò
vero non hoc solum concedo, sed addo, illum neque Majo-
rem admissurum esse. Ecqua enim vis sit Habitus vitiosi, si
ignoras, cedo Magistrum? Ille ita scribit 6. Nicom. 12. §. 33.
*Pervertit & depravat iudicium rationis vitiositas, efficitq; ut
de principis actionum falsum iudicemus.* Idem docet eod. lib.
cap. 5. §. 16. & 7. Nicom. 8. §. 12. Si ergo quis vitiosus circa
ipsa principia cœcutiat, quid quæso mirum est, quod ejusmo-
di demonstrationes ex talibus principis collectas admittere
iisque assentiri nolit? Bene igitur docet idem 1. Nicom. 4. §.
12. seqq. *Qui de rebus honestis & justis, & ut uno complectar
verbo, de civilibus audisurus est, eum oportet esse more & consue-
tudine recte ductum.* &c. Quemadmodum enim alia Principia
sensu aliove modo cognoscuntur, ita Principia Practica & iustis
tali certa debitaque aduefactione. Ceu ex eodem discimus
1. Nicom. 7. §. 6. Non igitur ejusmodi hominum iudicia morari
debe-*

debemus, sed ad illa attendere, quæ bene educati, & omnino Vir aliquis bonus, de his sentiant ac judicent. Quod enim normæ ac regulæ vicem sustinere debet, rectum sit necesse est. Ut enim corporibus bene constitutis salubria sunt ea, quæ revera talia sunt: morboſis autem & ægris alia: itemq; amara, dulcia, calida, gravia, & cæterorum unumquodq;. Nam verè de singulis rebus judicat vir bonus, & ei statim, quod in unaquaq; re veri est, elucet. Ex animis cujusque enim habitu honesta & jucunda finguntur. Atq; eo ipſo fortaſſe longè præſtat reliquis vir bonus, quod ſingulis in rebus verum perſpicit, quaſi earum norma ſit ac menſura. Verba ſunt Ariſtotelis 3. Nicom. 4. §. 9. ſeqq. qui in eandem ſententiam diſſerit etiam 1. Nicom. 8. §. 24. 9. Nicom. 4. c. 9. 10. Nicom. 5. §. 43. & c. 6. §. 17. Præterea etiam Jura naturæ hinc facilè cognoscuntur, ſi inſpicias cujusque Societatis Naturalis finem. Cum hoc enim quæ congruunt, & ad eum obtinendum neceſſariò requiruntur, certò tibi perſuadeas, illa Jura Naturæ eſſe, & ad illorum te obſervationem obligatum ſtatuas, ſiquidem in illa ſocietate vixeris. Quæ vero actiones iſti fini per ſe ac ſemper adverſantur, eumque pervertunt, eam Juribus naturæ ejus ſocietatis repugnare certum eſt. Jam verò eſt communis aliqua ſocietas hominum, & cognationem quandam inter nos Natura conſtituit, inquit JCtus Florentinus, cujus Societatis finis eſt Bene ac feliciter vivere; Si igitur ipſo uſu & experientia deprehendimus, non niſi actionibus Juſtitia, Temperantia, Liberalitatis, Fortitudinis, Manſuetudinis aliarumque virtutum hunc finem obtineri poſſe, hæ actiones uti Juribus Naturæ, quibus hæ univerſalis ſocietas conſtituta eſt ac continetur, conſentaneæ ſunt, ita erunt ſua natura honeſtæ juſtæque. Quod ſi eadem experientia convincimur, contrariis actionibus vitiorum illum finem perdi ac corrumpi, certiffimi eſſe poſſumus, tales ſua natura turpes & fugiendas eſſe.

Percepimus ex jam dictis, quo pacto Scientiæ Moralis materia partim ſit neceſſaria, quando videlicet Principia illius, Leges inquam Naturæ, ita univerſaliter omni que tempo-

re

re vera sunt, ut nunquam contingere possit, ut actio humana, quæ his conformari debet, si quam ab illa norma & principio diversitatem habeat & ei repugnet, à peccato excusari aut absolvi queat. Præter talia verò Principia sunt etiam alia, quæ plerumque etiam actiones sibi volunt esse conformes; accidit tamen nonnunquam & propter singularem varietatem contingere potest, ut obligatio talis legis cesset, ac propter alius & maioris ferè præcepti obligationem, actio ab illius Legis ut plurimum obligantis norma recedens, non solum non sit licita, sed nisi ita faciat, & superioris præcepti obligationi se accommodet, à peccato non sit futura immunis. Exempla jam supra dedimus, sed nondum explicavimus. Plerumque subditi & liberi obligati sunt, ut Magistratui & Parentibus morem gerant; sed hæc obligatio interdum cessat. Si enim aliquid jusserint quod Deo, quod Patriæ salutis manifestò repugnet, mos iis sine peccato non geretur. Talis quoque est illa Legis naturalis propositio, Homo hominem ne lædat. Malefici enim, facinorosi, invasores omnino excipiendi ab illa sunt. Imò tantum abest, ut hi non possint lædi, ut aliquando ne quidem lædenti resistere illis fas sit, etsi aliàs defensio sui Juris dicatur naturæ. Unde illud axioma natum fuit: *Ubi offensio est licita, ibi defensio est prohibita.* Sed audiamus elegantè hac de re differentem præstantissimum Romanorum Philosophorum circa *fin. 3. Offic.* Ergo, inquit, & promissa non faciendâ nonnunquam. *Neg. semper deposita reddenda sunt. Si gladium quis apud te sana mentis deposuerit, repetat insaniens: reddere, peccatum sit: non reddere officium. Quid, si is qui apud te pecuniam deposuerit, bellum inferat patriæ, reddesne depositum? non crede; facies enim contra Remp. quæ debet esse charissima. Ad multa, quæ natura honesta videntur esse, temporibus fiunt non honesta. Facere promissa, stare conventis, reddere deposita, commutata utilitate (quam ille semper cum honestate copulat) fiunt non honesta. Sed ipsum adi, si vis, Autorem, atq; insuper exempla apud eundem lege.*

CAP.

CAP. VII.

*De Demonstrationibus Practicis moralibus
speciatim agitur.*

Cum itaque luculentè, ni fallor, ostensum sit, Materiam Philosophiæ Moralis partim necessariam esse, partim contingentem ut plurimum; vix videtur dubium cuiquam relictum esse, certamne de his rebus veritatem habere possimus. Hanc vero non nisi per Scientiam impetrari, supra positum est. Moralem autem disciplinam Scientiam dicere, plurimis hætenus lectu audituve intolerabile visum fuit. Multos enim idem sentire, quod nōnemo his scribit verbis, dubium mihi nullum est: *Scientiam Practicam dicere est, quasi ego dicerem nigram albedinem, aut falsam veritatem. Monstrum enim in Philosophia Aristotelis est Scientia Practica, cum praxis & theoria ubique à Philosopho statuuntur differentie oppositæ.* Cæterum hoc non esse monstrum, sed methodo ac Philosophiæ Aristotelis planè consentaneum, ex ipso illo tam clarè ostendam, ac si solem, quod ajunt, manibus portem. Primum ita colligo. Ubi demonstrationi locus est, ibi Scientia est: In Philosophia morali demonstrationi locus est. E. Minorem (nam de Propositione per se manifesta non laboro) probo, primò ex Aristotelis, *poster. c. 27. edit. Pac.* ubi disertis verbis dicitur, Scientiam per demonstrationem locum habere non nisi in necessario, & contingenti ut plurimum. In eandem sententiam docet 6. *Metaph. 2. Omnis scientia ejus est, quod aut semper, aut ut plurimum est.* Manifestissimè vero idem colligitur ex 1. *Endem. 6* ubi de methodo & ratione docendi moralia ita scribit: *Rationes in unaquaque methodo vel philosophice, vel secus adhibentur, quæ etiam in politicis (ita ille more suo generali voce materiam Practicam appellat) haut supervacue ita accommodantur, ut non solum quid, sed quare quid (quod Philosophi est proprium) intelligatur.* Quibus cum fructu reliqua
c
etiam

etiam, quæ ibi sequuntur, addi possunt. Scilicet in eo nonnulli errore hæcenus hæsisse videntur, ac si nulla sit Scientia nisi Theoretica, rerumque talium, in quarum contemplatione acquiescimus. Verum non ita se res habet. Aristoteli certè Scientia est cognitio δι' ἀποδείξιν, per demonstrationem acquisita, sive illa de Theoretica, sive Practica, sive Effectiva materia colligatur; ut licet Scientia Theoretica sit πρώτως talis, nihilominus τὸ θεωρητικόν, sicuti τὸ πρακτικόν & τὸ ποιητικόν differentias Scientiarum constituent. Hujus rei testimonia penè ὅλα τῷ θυλάκῳ dabo. Libro 8. Topic. c. 1. edit. Pac. hæc leguntur: *Divisio ita fieri potest: veluti scientiam scientia meliorem esse, vel quia exquisitior, vel quia rerum meliorum est: & scientiarum alias esse contemplativas, alias activas, alias effectivas.* Libro 6. Topic. c. 6. in fine easdem planè Scientiæ differentias tradit. Ejusdem Libri cap. 3. sub fin. Medicinam ἰατρικὴν ἐπιστήμην, & alibi passim vocat. Libro 1. Nicom. c. 1. cum Artium & Scientiarum meminisset, exempla subicit ἰατρικῆς, ναυπηγικῆς, τεχνηγικῆς, οἰκονομικῆς. Mox cum meminisset etiam ἱππικῆς, χαλινόποιητικῆς, πολεμικῆς, in fine illius capitis λεχθεῖσας ἐπιστήμας nuncupat. Libro eod. 1. Nicom. c. 2. §. 7. non solum τὰς πρακτικὰς ἐπιστήμας memorat, sed & τὴν πολιτικὴν paulò antè §. 3. & 4. τὴν κυριωτάτην καὶ μάλιστα ἀρχιτεκτονικὴν ἐπιστήμην pronuntiat. Libro 1. Eudem. c. 5. ita docet: *Alius est activis scientiis,* (quibus hic includit effectivas, uti saepe alias) *alius cognitioni contemplationique finis propositus, ut sanitas Medicina, recta juris legumque constitutio Politica.* Libro 1. Metaph. c. 1. & 2. Scientias item dispescit in Theoreticas, Activas & Effectivas. Et quidem cap. 1. etiam illud adjicit, quod paulò antè memini, *Speculativas aliis scientiis proponendas esse.* Aristoteli consentanea docent eruditissimi Interpretes cum veteres, tum recentiores. Ita enim scribit ὁ Εξηγητὴς Alexander Aphrodisiensis in Lib. 1. Top. c. 2. Κατὰ φιλοσοφίαν ἐπιστήμας εἶπε τὴν φυσικὴν, τὴν ἠθικὴν, τὴν λογικὴν, τὴν μετὰ τὰ φυσικά. Verè philosophicas scientias esse dixit, Physicam, Ethicam, Logicam, & Metaphysicam. Simplicius item Proleg. Comm.

in *Categor. Arist.* *Moralia ἀποδεικνύσας, & μετὰ διαιρέσεων καὶ ἀποδείξεων ἐπισημονικῶτάτων* ac per ἐπισημονικὰς λόγους proponi posse, atq; ita ab Aristotele proposita esse testatur. Agnoverunt idem ex Latinis veteribus non exiguæ autoritatis Doctores. Ex recentioribus sit unus instar omnium ὁ πᾶν Conringius noster *Libro de civil. prudent. c. 9.* Quinimo non paucos ex Iesuitis idem rectè profiteri videas.

Sed cum de Demonstrationibus rerum moralium jam vindicias instituerimus, non frustra quis mihi illud objecerit, cur Aristoteles toties in Opere Morum limatissimo protestatus fuerit, & quasi stipulatus à suis Auditoribus, ne exquisitas demonstrationes ipsi à se exigent: ceu videre est ex 1. *Nic. 3. §. 5. seqq. c. 7. §. 1. 2. Nicom. 2. §. 5. 9. Nicom. 2. §. 10.* Cæterum salva res est, modò probè mens Aristotelis perspiciatur. Nec enim hoc vult, ac si nullis demonstrationibus in sua philosophia morali sit locus, cum aliud res ipsa doceat; sed τὸ ἀκριβές hic non debere ita exigi, veluti in Mathematicis, quibus disciplinis initiatos, pro istius ævi more, habebat auditores: Sicuti ex §. 8. *lib. 1. Nic. c. 3.* aliisque textibus facillè apparet. Unde etiam in hunc textum Paraphrastes græcus scribens, talem huic capiti titulum præfigit, Ὅτι ὁ δὲ ἀκριβεστάτην ἀποδείξιν ὡς τοῖς πλείοσι πολικῶς λόγους ζητεῖν, ὅτι ὁ δίδωσιν ἢ κατ' αὐτὴν ὕλην. In tradenda civili scientia non agendum esse demonstrationibus accuratissimis; quia id subjectum ejus non permittit. Proinde non negat Aristoteles dari demonstrationes rerum moralium, sed accuratissimas, veluti mathematicas, dari negat. Manifestè verò excipit illas, quas materiæ conditio & natura admittit. Materiam vero illam ita describit 1. *Nicom. 3. §. 3. seqq.* Est vero, inquit, in iis rebus, quæ honestæ & justæ sunt, quas Politica considerat, tanta varietas, tantaque versatur in eis erratio, ut hominum placito, non autem natura constare videantur. Similisq; inconstantia ac mutatio versatur etiam in iis, quæ ut bona experuntur; idque propterea, quod ex his multi detrimenta capiunt. Reperti enim sunt, quibus divitiæ, etiam quibus fortitudo exitio fuerit. Huic objectioni repono, quod

suprà jam ostenderim, aliquam actionum moralium varietatem ac mutabilitatem oriri solere, atque hinc sæpe demonstrationes quam multas obtinere *ὡς ἐπὶ τὸ πολὺ*. Tantam vero fluxitatem illarum ac *πλάην*, uti ille loquitur, esse, qualem hic proponit, pernego, & Aristoteli, cui aliàs plurimum tribuo, nunquam hac in re adfentiar. Causa vero, quæ talia ut scriberet, philosophum impulerit, hæc est, quod vel providentiam divinam circa actiones nostras, & immortalitatē animæ prorsus negaverit, vel saltem in dubium vocaverit. Nam quod modo audivimus illum dicentem, fortitudinem multis exitio fuisse, causam illius ex *Nicom. 6. §. 14.* cognoscas licet: *Omnium, ait, rerum nihil horribilius est morte, nam ea omnium rerum est extremum: nihilque reliquum videtur esse mortuo neque bonum neque malum.* Numquid plura paucis planius potuit proloqui? Scio quidem hunc textum quibusdam coloribus incrustari, quò impietas Viri excusetur. Sed nihil profecto suis lecythis proficiunt. Materiam itaque moralem, etsi ea non suppeditet aut admittat mathematicas demonstrationes, tamen solidas exigere pro sua conditione ratum esto. Superesse ex eodem Opere Nicomachico videtur unum adhuc obstaculum, quod etiam removendum est. Quando Aristoteles *lib. 6. Nicom. c. 3.* Virtutem Intellectus Scientiam nobis depingere instituit, dicit illam versari in materia planè necessaria, qualis sint *τὰ αἰδία, æterna*. Jam vero suprà à nobis concessum fuit, moralem materiam ita simpliciter necessariam non esse, sed sæpe contingentem ut plurimum. Primò itaque dicendum est, hic quidem exactè agi, vel potius actum esse (multa enim hic meritò desideramus) de prudentia, non item de reliquis virtutibus dianoëticis. De his enim *παρέρχας* solum agitur, quo ex qualibuscunque harum differentiis propria prudentiæ natura perspiceretur. Atque hanc ob causam bis brevissimo illo capite lectorem suum ad Analytica remittit, ubi de scientia *κατ' ἀνάγκην* egit. Intelleximus autem suprà, in Analyticis expressè profiteri Aristotelem, scientiam dari rerum vel necessariarum, vel contingentium *ἐπὶ τὸ πολὺ*.

Si

Si itaque Aristoteles Scientiam d. l. 6. dixit esse rerum necessariorum & æternarum, non alio id factum est ab ipso fine, quam ut inter Scientiam πρώτας maximeque propriè dictam & Prudentiam tantò major & evidentior appareret diversitas. Hoc vero non potuit commodius fieri, quam si primum Analogatum deligeret. Qui enim de proprietate rerum quæ ἀφ' αὐτῶν dicuntur, velit differere, & differentias harum aliarumque proponere, debet certè in eo genere sequi, quod primum est ac præcipuum. Hinc cautè noster Stagirita, cum Scientiam dixisset versari circa necessaria, addit, d. l. 6. c. 3. §. 4. εἰ δὲ ἀπεβολογῶνται, καὶ μὴ ἀκολουθεῖται οἰσιότησι. *Si subtilitatem exquisitè rimari fas est, & similitudines jam non attendere.* Denique & illud contra nos moveri queat, non semel ab Aristotele dici, Prudentiam & Artem versari circa singularia: dici quoque ab eodem, Scientiam esse universalium. Certum item illud est, Prudentiam esse illam virtutem, quæ homini præscribat & dictet, quæ in rebus humanis bona vel mala, fugienda vel facienda sint. Recipio hæc omnia. Sed Philosophus idem ille Prudentiam etiam dicit esse universalium. Nec dispar ratio est circa Artem. Ita enim legimus 6. *Nicom.* 7. §. 23. *Neque vero rerum universalium modò prudentia est, sed debent etiam ei esse notæ res singulares.* Et ne temerè hoc illi excidisse putes, idem repetitur *cap. seq. 8. §. 22.* Ita enim res se habet. Et Prudentiæ & Artis cujusque sunt quædam universalia, sunt item singularia. Horum est Experientia, istorum Scientia. Si itaque Prudentia in agendo, Ars in efficiendo rectè, expedireque versari ac progredi velit, necessum est, ut universalium ad singulare fiat applicatio, seu, ut Prudentia universalibus practicis in singularibus actionibus, Ars universalibus suis effectivis in singularibus effectionibus utatur: id quod fit per διδόντας Prudentis & Artificis. Atque ex hoc fundamento ipsa Prudentia & Ars dicuntur habitus μετὰ λόγον ἀληθῆς: uti ex utriusque definitione apud Aristotelem liquet 6. *Nicom.* 4. §. ult. & c. 5. §. 9.

CAP. IIX.

*Quatenus Probabilitas in Moralibus admitti possit :
ubi de Conscientia in genere, & de Consensu.*

Explicatum hætenus à nobis est, quid sit Probabile seu Probabilitas. Ostendimus etiam proximè, nonnumquam probabiles rationes in praxi nos posse sequi. Jam ordo postulat, ut dicamus, Quatenus Probabilitas in moralibus locum inveniat, & tutò tales rationes probabiles in vita civili sequi liceat. Dicendum itaque, omnis vitæ actionumque nostrarum esse quasdam regulas & normas. Atque has esse statuo, Leges, sive Naturæ, sive divinas, sive civiles, sive alias. Lex Naturæ & ipsa quidem Divina dici potest, si obligationis, quam habet, vim atque originem spectes : uti ex iis cognoscetur, quæ mox infrà de Legibus divinis dicam. Jam verò hanc ab illa distinguere lubet, ut Lex Naturæ sit, quam lumine naturæ cognoscere, eique accedente debita adsuefactione ad sensum tribuere possumus. Lex vero divina hic jam intelligatur, quæ libera Dei voluntate lata nobis per gratiosam revelationem innotuerit. Legem civilem illam denoto, ad quam quisque civis in sua Rep. obligatus est quatenus est talis. Præter hanc normam, LEGEM dico aliquam, Theologiæ Moralis Doctores constituunt etiam alteram, Conscientiam. Unde etiam sua volumina maximam partem explicatione doctrinæ de Conscientia consumunt. Sed uti illi quidem Conscientiam accipiunt, mihi hætenus probari non potuit, rationibus his ductus. Vel Conscientiæ vocem propriè usurpant, vel improprie. Si propriè, tum Conscientia vel erit Bona, vel Mala. Bona conscientia nihil aliud est, quam *eudymia* seu Tranquillitas animi, pars consequens ipsius Felicitatis. Mala conscientia è contrario ipsius extremæ Infelicitatis pars & pedissequa est. Apparet hinc Conscientiam propriè dictam actiones nostras, pro diversa harum qualitate, vel Bonam subsequi

sequi, vel malam. At illi Doctores principium actionum humanarum faciunt conscientiam. Hinc Thomas *part. 1. q. 79. art. ult.* Conscientiam dicit *esse cognitionem sive scientiam ad vitam actiones applicatam*. Quem vir quidam doctissimus secutus ita tradit: *Scientia quæ principium est actionum nostrarum proprie aliàs Conscientia vocatur*. Imò improprie. Quomodo enim id, quod actiones morales demum subsequitur, illarum sit principium? Principium enim actionum moralium quod sit, necessum est, ut iis moralitatem conciliet, adeoque iis prius sit. At Conscientia proprie dicta actiones vel moraliter bonas vel moraliter jam tum malas, bona sequitur, vel mala. Nihil igitur est certius, quam Conscientiæ vocem improprie ab iis usurpari, pro iudicio Intellectus practici actionem præcedente: atque hoc ipsum luculentè ostendi potest ex Vasquesio, qui in *1. 2. tom. 2. disp. 59. art. 1.* definit Conscientiam, *Intellectus iudicium, quod dicat bonum quid aut malum in vita esse*. Sed de vocabulis non sumus amplius solliciti, cum jam de re constet; monendum tamen hoc fuit, quod unicam vivendi normam constituerim *LEGEM*, atque huic adsertioni reliquam disputationem accommodare decreverim. laudare interim sententiæ nostræ adstipulantem possum Cl. Horneum *Philos. Moral. l. 3. c. 4. p. 318.* ubi ait, Legem naturæ & divinam esse primam & unicam actionum humanarum normam. Proinde si & ipse iudicium Intellectus practici ad actiones applicatum easque præcedens fortè recepto more Conscientiam dixerit, improprie meloqui profiteor. Nec aliter sentire videtur dela Chambre (Camerarium latinè dixeris) insignis Medicus ac Philosophus, Regisque Galliæ Consiliarius in elegantissimo Libro suo, quem inscribit *l'Art de connoître les Hommes*. Verba ejus hæc sunt cap. 5. *Les actions morales sont conformes à la Droite Raison, quand elles sont réglées, ou par le Loy divine, ou par les Loix naturelles & civiles, ou par le raisonnement de la philosophie morale*. Lex vero omnis vel jubet, vel verat. Nam quod Modestinus quatuor dicat esse Legis virtutes *l. 7. ff. de Legg. παλαιὸν dictum fuit,*
non

non *ἀνεξάρτος*. Omnis enim Lex propriè dicta vel ad faciendum præcisè obligat, vel ad omittendum. Prior obligatio ex Lege iubente, posterior ex vetante nascitur, cui parere omnino necesse habeas, siquidem Legislator auctoritatem te obligandi habuerit, & reapse etiam te obligatum universali Legis suæ propositione esse voluerit. Quæ vero permittuntur, illa licitè possunt fieri, nec ne; sic ut ad faciendum aut omittendum non sis præcisè obligatus. Obligationem vero ipsam animam Juris Legisque esse adfirmo, ut adeo τὸ Permittere minimè Legis virtus censi debeat. Nec etiam τὸ Punire propriè Legis virtus est. Lex enim intendit hoc primariò, ut obedientiam illi præstent subditi: poenam non nisi secundariò, & ex eventu; si videlicet morem Legi gerere subditi detrectaverint. Unigitur ubique in vita nos rectè geramus, duo necesse est rectè se in nobis habeant, Intellectus & Appetitus. Quales enim hæ fuerint in nobis Facultates, tales erunt etiam cum internæ energiæ, tum externæ actiones. Rectè se habebit Intellectus Practicus, si Prudentia sit perfectus, si non exactissima, quam tamen fieri potest exacta: Appetitus vero virtute Morali perficitur. Hæ enim virtutes & perficiunt illas Facultates, & operationibus illarum *ὁρθότητα* conciliant. Unde sapienter Philosophus *δ. Nicom. 12. §. 16. & 17.* *Ex Prudentia & virtute morali opus Honestatis absolvitur. Virtus enim scopum propositum agenti rectum efficit: Prudentia vero ea, quæ ad scopum ducunt.* Quia igitur Appetitus semper in suum objectum fertur sub ratione boni; etsi reapse non sit semper bonum; facile apparet quantum ad bene agendum virtus Moralis conferat, ut verum finem à falso, &, quod idem est, verum bonum ab apparente non solum prudentiæ adminiculo & *συζεύξει* discernere sciat, sed etiam non nisi in verum finem & bonum tale inclinet. Cum item multa sæpe se offerant, quæ tanquam media ad illius finis consecutionem conducere videantur, prudentia suum quoque facit officium, & accurato eorum delectu utitur, atque inutilibus segregatis, accommodatissima ratione, via, modo ac tempore usa finem

sine

sine impedimento adsequi novit. Si igitur quædam in vita actio occurrat, quæ aliquam deliberationem mereatur, Intellectus practic^{us} prudentis protinus dispiciet, possitne referri ad debitum finem: posse vero videbitur, si Legi congruat. Tum dispiciet de modo, reliquisque singularibus, ut & ipsa bonitati finis sint consentanea. Hinc jam ejusdem Appetitus eundem & non alium finem promptè ac cum voluptate expetet, qui tum dicitur Voluntas: parique facilitate ac jucunditate modum ac media finis honestati convenientia deliget, actionemque bonam perficiet; atque tum ille Appetitus dicitur προαιρεσις. Quod jam Leges cum Naturæ tum à Deo revelatas attinet, sunt illæ φιλοσοφικῶς consideratæ vel ipsa Principia, vel Conclusiones. Atque hæc vel sunt Principiis suis propiores, vel ab iisdem remotiores. Quæ suis Principiis sunt viciniores, majorem habent evidentiam, quam alteræ illæ; imò sæpe tantam, ut pro ipsis Principiis in praxi ab omnibus (quibus non prorsus læva aut improba mens sit) accipiantur. v. g. Deum esse colendum, Parentes esse honorandos. Quandocunque igitur certam per demonstrationem veritatem colligere de illa actione, de qua consultatur, poteris, probabilem profectò opinionem, utpote cum formidine oppositi si non semper actualiter, radicaliter tamen conjunctam, apodicticè collectæ veritati sine peccato non poteris in praxi præferre. Quomodo autem illa demonstratio institui debeat, jam suprà tetigi, & plenius ex Analyticis ipsaq; praxi & adsuæfactione addiscitur. Videlicet si Lex Naturæ aut divina aliqua jubens majorem Syllogismi practici propositionē constituat: & deprehenderis actionem illam, de qua jam quæstio est, sub Legis illius subjecto comprehendendi, protinus hinc sequitur talis Conclusio, Ergo hoc est faciendum. Sin fuerit Lex vetans, atque item actio, de qua deliberatur, sub illius subjecto contineatur, non potest non sequi hæc Conclusio, Ergo hoc est fugiendum seu omittendum. Quidquid enim Syllogismo practico concluditur, ad praxin pertinet; sic quidem, ut quælibet conclusio subjecti loco Actionem singularem

f

ponat,

ponat, de qua prædicetur quod vel facienda sit, vel fugienda. Hic vero notandum est, apodicticam veritatem in Practicis non solum obtineri per prima atque immediata principia; sed etiam per mediata, sic ut primæ demonstrationis conclusio fiat principium seu Major propositio secundæ, & sic deinceps; modo Leges bonæ consequentiæ attendas, juxta quas una ex alia apta est. Verbi gratia non solum apodicticè colligo hunc in modum. Quidquid sua natura honestum est, illi omni studio est incumbendum: Atqui Justitiæ exercitium atque administratio est sua natura honesta; Ergo Justitiæ exercitio atque administrationi omni studio est incumbendum. Sed hæc jam Conclusio fieri potest principium sequentis Syllogismi Practici: Quidquid ad Justitiæ exercitium & administrationem facit, in id omni studio est incumbendum. Hic jam varia subsumi possunt singularia: Atqui patrocinium præstare homini innocenti adversus potentem adversarium, coercere calumnias, prævaricationes, animadvertere in facinorosos, ejusque generis alia facere, ad exercitium administrationemque Justitiæ faciunt: Ergo hæc sunt facienda. Si ita cautè quis in consultando & agendo progredietur, non facile crediderim quæstionem ex his Legibus definiendam repertum iri, de cujus veritate non possit ~~certitudinē~~ constare. Quod si quis morosior sit in posterioris generis demonstrationibus admittendis, velitque omnia ad ~~duci~~ ^{adhiberi} Mathematicam exasciata esse; primo quidem ~~antiquioris~~ ^{antiquioris} suam prodit, de qua videatur jam citatus textus 1. *Nicom.* 3. §. 7. *seqq.* Cum meritò tales admittendas esse ex ipsa Demonstrationis definitione apud Aristotelem 1. *Topi.* c. 1. certum sit. *Demonstratio*, inquit, *est, cum ex veris & primis Syllogismus constat; vel ex ejusmodi, quæ à quibusdam veris & primis sui cognitionis principium sumpserunt.* & 1. *post. Anal.* c. 2. dicit, quod propter prima sciamus & credamus posteriora. Deinde Conclusiones illas videtur in dubium vocare, quæ nulla demonstratione indigent, sed communi consensu omnium bonorum ita corroboratæ sunt, ut his *fidere tam fas sit, quam dubitare nefas.* Lo-

quor

quor jam de Conclusionibus legum Naturalium. Leges enim D. vinas quod concernit, non opus est anxie disquirere præ eos gratia, utrum sit Principium an Conclusio hæc illave propositio; quia quodlibet Dei præceptum aut interdictum scimus esse infallibilis prorsus veritatis. Jam vero Legum naturalium conclusiones Consensu bonorum corroboratas quanti facere debeamus in praxi, inde facile est colligere, si videamus quid Philosophi de iis propositionibus dicant, quæ ὁμοδοξήματα, seu communi consensu ratæ habentur. *Quod omnibus videtur, ita esse statuitur. Nec qui communem illum consensum tollit, probabiliora est allaturus.* Verba sunt Aristotelis 10. *Nicom.* 2. §. 23. eorumque rationem colligere possumus ex 1. *Nicom.* 8. §. 2. *Quod verum est, cum eo congruunt omnia, quæ exstant, inter homines: à falso autem cito verum disidet ac discrepat.* In quem textum ita commentatur Eustratius, Episcopus Nicenus: *Uritur in hoc communi consensu, utpote ex se fide digno, nulloque extrinsecus ad confirmationem indigente (ὡς ἀποδείκτω)* Nam ubi quid communi consensu probatur, quid in eo opus demonstratione est? Nec secus sentit Alexander Aphrod. lib. de Fato: *Neque vana, inquit, aut à vero aberrans est hominum natura, ubi de re aliqua consentitur.* Atque ad has ἀγανάκτους seu νομὰς ἐνολὰς, uti ipse appellat, quoties, quæso, in illo libello provocat? quod profecto ὁ ἐξηγητὴς nequaquam fecisset, nisi magnum iis pondus inesset. Ita Cicero, ita Seneca, & alii quoque sentiunt. Hic quidem 1. de Nat. deor. De quo ait, *omnium Natura consentit, id verum esse necesse est.* Idem 1. Tusc. qu. In re consensio omnium gentium *sus natura putanda est.* Hic Epist. 117. ita disserit: *Multum dare solemus præsumptioni omnium hominum. Apud nos veritatis argumentum est, aliquid omnibus videri; tanquam Deos esse inter alia sic colligimus, quod omnibus de Diis opinio insita est, nec ulla gens usquam est adeo extra leges moresque projecta, ut non aliquos deos credat. Cum de animarum aternitate differimus, non leve momentum apud nos habet Consensus hominum aut timentium inferos, aut colentium.* Hæc quidem Senecæ verbis

sunt mala mixta bonis. Ego vero jam eo nomine illa adscribo, ut appareat quantum ipsi gentiles fecerint Consensum. Addatur his illud Hesiodi:

φήμη δ' ἔστι πάμπαν ἀπόλλυται, ἥνεκα πολλοὶ
λαοὶ φημίζουσι.

*Non etenim penitus vana est sententia, multii
Quam populi celebrant.*

Quintilianus: Pro certis habemus ea, in quæ communi opinione consensum est. Alibi Aristoteles: *κεῖνται πάντας ἀνθρώπους φαίνομαι συνομολογέτας τοῖς ῥηθισμένοις*, *Potentissima probatio est, si in id quod dicimus omnes consentiant.* Nec immerito tantum Consensui tribuitur. Ipse enim usus & Experientia extorsit illum consensum, quod potissimum illas propositiones eo confirmatas videmus, quæ per se ad Felicitatis humanæ consecutionem & energiam pertinent: è contrariò tali consensu damnatas potissimum esse illas sententias, quæ ipsi fini obsunt, & ad contrarium prorsus, Infelicitatem & extremam Miseriam abducunt. Jam vero quæ talia sunt, ut per se ad Finis ultimi humanæ Societatis consecutionem nos ducant, Jura sunt Naturæ illius Societatis: Et quæ ab illo fine abducunt & abhorrent, suæque natura illi contrariantur, naturaliter sunt injusta.

Sed hunc Consensum non nemo elidi posse sine magno negotio putet, instantia ab iis petita, qui contrarium de præcipuis sæpe Juris naturæ capitibus senserunt. Ita Diagoras & Theodorus, ἄθεοι cognominati, Dei existentiam, Epicurus Providentiam, Dicaarchus animæ immortalitatem, alii alia capita sustulerunt. Non plus talium hominum judiciis tribuendum est, quam si biliosus amarum dicat esse saccharum, aut ictericus si nivem esse flavam contendat. Hinc rectè Philosophus 10. Nicom. 3. §. 31. & 32. *Non si qua hominibus malè affectis jucunda sunt, absolutè & sua natura etiam sunt talia. Sicuti nec ægrotis salubria, dulcia, vel amara, absolutè talia sunt: neque etiam lippientibus alba putata, vere talia sunt.* Et cap. 5. ejusdem libri cum de variis voluptatibus doceret, disputat ibi, turpes voluptates non esse voluptates, licet secus videatur

videatur improbis. Quapropter ita differit §. 41. seqq. Eadem res alios quidem molestia adficiunt, alios vero delectant: his odiosa & intoleranda sunt, illis amabilia & jucunda. Atque hoc ita & in rebus dulcibus usu venit: non enim eadem dulcia sunt febricitanti & valenti: neque idem calidum videtur debili, & corpus firmum beneque constitutum habenti. Idem vero etiam in aliis usu venit. Sed in hisce omnibus id videtur verum esse, quod viro bono esse videtur. Quod si hoc rectè dicitur, ut certè videtur, sique virtus est rei cuiusque mensura, itemq; vir bonus, quàm bonus: sanè & voluptates estimanda sunt quæ huic videntur, illaque item verè jucunda, quibus hic delectatur: illa autem, quæ huic molesta sunt, si cui alteri suavia videantur, non est mirum. Multa enim sunt hominum pestes & corruptela. Vere tamen talia jucunda non sunt: sed his solummodo atque sic affectis. Quæ igitur communi omnium hominum consensu turpes habentur, non debent voluptates vocari, nisi hominibus corruptis, &c. Locus hic quamvis prolixior exscribendus fuit, quod Instituto nostro exasse respondeat. Ubi cum primis notari velim, communem Consensum in moralibus comprobata dici Philosopho, etiam si contrariū statuunt omnes improbi, etsi numero illos hi vincant. *δὲ γὰρ σκοπεῖν ἐν τοῖς κατὰ φύσιν ἔχουσιν μᾶλλον τὸ φύσει, καὶ διὰ τοῖς διφθαρμένοις.* Quid enim naturale sit spectandū in his quæ bene secundū naturam se habent, non in de pravis: inquit, 1. Polit. 3. p. 14. Nam ut rectè docet Porphyrius. Quadam nationes effrata sunt, & facta inhumana, ex quibus non oportet ab æquis iudiciis estimatione facta humana naturæ convitium fieri. Ita quoque Justinus colloquio cum Tryphone excipit illos, qui ab impuris spiritibus abrepti & per malam educationem, instituta prava & leges iniquas corrupti, naturales nationes perdiderunt. Sicuti igitur monstrum hominis, non pro homine; ita quoque opinio monstruosa, ut illam in praxi sequi velis, pro nihilo reputanda est. Non solum igitur Juris naturæ capita disertè negare aut tollere impium est, sed & de iis, cum primis si bonorum consensu corroborata fuerint, dubitare flagitio non vacat. doceat meliora tales improbos, minimè profe-

Etō aliās in talibus credulus, gentilis homo Aristoteles. *Nec vero*, inquit *Topic. 11. sub fin. oportet omne problema aut omnem thesin in quaestionem revocare: sed eam de qua dubitare quispiam possit egens rationis, non pœnæ, aut sensus. Nam qui ambigunt, Utrum oporteat Deos colere, & Parentes diligere, nec ne, pœna; qui vero dubitant, Utrum nix sit alba, nec ne, sensu indigent.* Ex illius igitur sententia, qui evidentia Juris Naturæ capita in dubium vocaverit, non rationibus docendus, sed suppliciis est adficiendus. Abderites Protagoras, Sophista suo tempore maximus, cum in principio^o sui Libri posuisset: *De Diis neque ut sint, neque ut non sint, habeo dicere*; Atheniensium iussu urbe atque agro est exterminatus, librique ejus in concione combusti: teste Cicerone *1. de Nat. deor.* Rectissime; quippe cum pœnam, etiam severiorem, ne dubitatio quidem talis effugere debuerit.

Pro vitæ humanæ regulis & normis, uti supra dictum est, non solum Leges Naturæ, sed & Divinæ nobis sunt observandæ. Cum autem illæ non sint unius generis distinctæ de iis agendum est. Dividere igitur Divinas mihi Leges liceat in Æternas & Positivas. Illas voco Providentiæ divinæ decreta, ab æterno menti divinæ impressa, juxta quæ omnes res creatas, cum primis hominem, ad suos fines dirigere voluerit. Ita de his Legibus & gentiles & Christiani locuti sunt. Videatur modo unus instar omnium Cicero in suis de Legibus libris. *Hanc*, inquit, *video sapientissimorum fuisse sententiam, Legem neque hominum ingenis excogitatam, neque scitum aliquod esse populorum, sed æternum quiddam, quod universum mundum regeret imperandi prohibendique sapientia.* Ita principem legem illam ac ultimam mentem esse dicebant omnia ratione aut cogentis aut vetantis Dei: ex qua est illa lex, quam Dii humano generi dederunt. Et post aliqua: *Orta est Lex sempiterna cum mente divina.* Augustinus *lib. 1. de lib. arb. c. 5.* illam ita describit: *Lex æterna est ratio in mente Dei existens, qua res omnes per consentanea media in suos fines diriguntur.* Hæc Lex Æterna Dei quatenus Hominem obligat, à Lege Naturæ nihil differt, sed eadem cum illa

illa est. Per talium enim jurium observationem, qualia Legibus Naturæ comprehenduntur, Deus ab æterno hominem ad suum finem destinavit. Unde Aristoteles juri Legitimo Naturale contrā distinguens, illud τὸ νομιμὸν δίκαιον appellat, hoc τὸ πᾶσι, *primum*. De his igitur cum dixerimus, agē de Legibus Dei arbitrariis & tempore certo revelatis videamus. Sunt autē illæ duplices; vel enim universo generi humano latæ sūt, vel certo alicui populo. Prioris generis ter latas fuisse Grotius vult d. J. B. P. lib. 1. c. 1. n. 15. Primò quidem statim post mundum conditum: Deinde post diluvium: Denique post ~~evangelium~~ Christi. Posterioris generis leges sunt, quas Deus à populo Judaico in certam regiminis formam à se conscripto peculiariter observari voluit: quales sunt quæ vel ad ipsorum politiam speciatim, aut ritus & ceremonias pertinebant. Si jam quæras, quasnam ex his Leges pro vitæ regulis nos sequi oporteat, facillè constat ad æternarum (de quibus jam dictum est supra) nec non universo humano generi positarum legum observationem omnes omnino obligatos esse: Ad postremas vero, Judæis peculiariter latas, non præcisè alios præter illos obstrictos fuisse. Interim quem usum vel Christiani vel alii ex legibus Politicæ Hebræorum propriis petere possint, Grotius docet d. l. n. ult. Nos jam illud præcipuè spectamus, quinam iis obligati fuerint.

Præter has magna quoque Legum humanarum civilium est autoritas, in usum Rerump. conditarum. Ipsa enim Natura ordinem imperantium & parentium instituit. Hic vero sine *εὐνομία* consistere nequit. *Εὐνομία* vero hæc duo complectitur: primò ut Leges rectè sint latæ: deinde ut ex illarum præscripto vivatur. --- --- *Alterius sic*

Altera pascit opem res, & conspirat amice.

Alterutra si malè se habeat, aut negligatur, protinus ille ordo turbatur, & Naturæ decretum violatur. Ut vero appareat, quatenus Legibus civilibus actiones nostræ obnoxie sint, ipsæ illæ sunt distinctè item considerandæ. Quia enim Civilis societas certo jure ac legibus constituitur, certamque

Recip.

Reip. formam hinc consequitur, accidit, ut non ejusdem notæ Leges ferantur, sed aliæ quidem ex iis bonæ sint, aliæ malæ. Malas enim Leges & ipsas esse Leges nullum dubium est, ut ut sint malæ. Atque hinc ipsarum Rerump. discrimen existit, ut aliæ sint bonæ aliæ vitiosæ. Qua de re convenienter differit Philosophus 2. *Nicom.* 1. §. 12. & 13. *Legislatores cives ad virtutem eos adsuesfaciendo bonos efficiunt. Atque hæc quidem est omnium, qui Leges ferunt, mens & voluntas. Quotquot autem minus rectè eos adsuesfaciunt, voto suo frustrantur. Atque hoc uno Reip. administrandæ forma altera ab altera differt, bona à vitiosa.* Cui geminus est textus 7. *Polit.* 8. *Quoniam, inquit ibi, summum bonum est beatitudo: beatitudo a. virtutis operis functio, & usus quidam perfectus est: resque ita cadit, ut alii possint ejus esse participes & compotes, alii parum aut nihil: hæc videlicet causa est, quamobrem civitatum & Rerump. plura & dissimilia genera exstiterint. Nam dum alii aliis modis, aliisque viis ac rationibus singuli hoc aucupantur atque investigant: & vitæ genera diversâ efficiunt, & Reip. administrandæ formas dissimiles.* Ut igitur rem omnem summatim complectamur, Leges humanæ arbitrariæ in salutem Rerump. sanciri solitæ, vel comprehendunt ea, quæ Legibus Naturæ sive jubentibus sive vetantibus sunt prorsus consentanea: vel continent ea, quæ ab iis quidem diversâ sunt, non tamen ei repugnant: vel denique ea complectuntur, quæ illis penitus sunt adversa & contraria. Prioris generis Leges sunt ipsius Juris naturalis stricturæ, quæ hætenus forte possint civiles haberi, quatenus ad certam Reip. formam ejusque utilitatem applicantur. Hæ igitur Leges si forte ipsa Juris Naturæ præcepta contineant, eaque hac nova repetitione civibus suis inculcent, his quidem quo pacto morem gerere debeant, facile Intellectus Practicus pervidet: quod talibus principiis positis, facile demonstratione facta solidè Intellectus certior fieri queat. Si vero illæ Leges Juris Naturæ conclusiones sunt, atque satis manifestè appareat, ex quibus principiis aptæ sint, & quo pacto illæ ipsæ conclusiones porro demonstrationibus

ulteriori-

alterioribus inservire possint, tum item haut facile illius Judicium errabit. Quod si illæ leges tales fuerint propositiones, quæ non sine aliquo negotio ad sua principia revocari queant, si tamen omnium bonorum consensu illas ut Juri naturæ consentaneas comprobari intelligas, & ipsæ illæ pro norma & principio actionum tuarum tibi esse debent, siquidem tale quid faciendum aut omittendum propositum fuerit, quod his recte subsumi possit & debeat. Quisquis igitur fuerit civis, in quacunque etiam Rep. sit constitutus, tales Leges tanquam infallibiles & extra omne periculum positas normas sequi in agendo poterit, modò talium legum quæque Resp. sit capax. Etsi nec Resp. aliqua omnibus modis aut partibus ita soleat esse corrupta, ut nulla bona lex in ea obtineat. Et licet officium boni viri & boni civis multum differat, tales tamen leges in vita sequens, utriusque officium hactenus explevisse videtur.

Alterius generis Leges civiles quod attinet, major civi ac subdito difficultas atque sollicitudo oritur. Quia enim Natura non omnia suis Legibus certo jure definivit, sed plurima *adversus* esse permisit, arbitrio humano relicta; hinc primò quisque civis pro suo statu, conditione, & quo potest studio ac industria, explorabit omne illud jus legitimū, propterea quod illius observantia sedulo nobis inculcetur illa Juris Naturæ regula, Magistratibus est parendum. Illi vero suam voluntatem vel expresse tali jure vel tacite sufficienterque declarant: cui adeò parere fas sit. Etsi enim jus Legitimum tale sit, ut ante sanctionem nihil interfuerit, vixerintne ex eo homines nec ne: post illam vero vel maximè refert, s. *Nicom. 7. §. 3.* Ubi ergo hoc jus Legitimum, diversum quid à Jure naturæ non adversum constituens, ut quidem potest & debet civis exploratum habuerit, tum jam ita secundum illud vivendum est, uti illa quæ ante sanctionem talem & Jure naturæ erant *adversus*, jam vel ut debita sequatur, vel ut prorsus illicita fugiat. Proinde Intellectus ejus practicus dispiciat, an illud de quo consuetatur lege civili determinatum sit sub
8 condi-


conditione Iusti vel Injusti, nec ne. Sin posterius, tum *ad id* *poetæ* Jure naturali tali negotio relicta integra est, nisi forte hinc incommodum aliquod in societate civili sit metuendum. Sin prius, tum vel planè constat Civi, quomodo determinatio à Lege sit facta, vel non constet. Prius quando obtinet, pari ut supra dictum est modo Intellectus Practicus procedit, & in consultando talem Legem pro norma seu principio supponit: Illi quoque rectè fuerit subjunctum, & in conclusione de eo pronuntiatum, prompte Appetitus vel persequi, vel fugere debet. Quod si forte non planè sit certus, quid juris determinatum sit: aut dubitet, an illud, quod quidem latum constat, etiam Naturæ aut Deo adversetur; tum vero oritur anceps & perplexa magis consultatio. Sanè ut scias, quid constitutum lege sit, prudentiores non solum adscisci in consilium possunt & debent, sed sæpe ipse rogandus est Legislator, ut suam *divinam* planius representet. Quia vero, uti etiam supra monitum est, Respp. magnam partem sunt vitiosæ, aut malè mixtæ, vel melius pejusve mixtæ, & infinitæ penè sint negotiorum civilium trica, sapissimè anceps illa deliberatio civi oboritur, ut quidem boni civis officium explere velit, modò ut boni viri notam factam rectamque retinere possit. Hic fateor propter allatas & plures etiam alias causas sæpe non apodicticas suppetere rationes, adeoque probabiles esse admittendas; non tamen promiscuè, sed observatis quibusdam cautelis ad praxin necessariis, de quibus Capite sequenti.

Postremo quod illas Leges civiles concernit, quæ quædam jubent aut vetant, quæ directò Juri naturæ repugnant, sic ut contraria illo vel jussa vel vetita fuerint, iis nequaquam Civi parere licitum est. Etsi enim Naturæ lex sit, Magistratui morem esse gerendum: atque item Divina jubeat, Omnem animam debere esse subditam potestati civili, quod à Deo sit; facile apparet, hætenus illas Leges obligare, quatenus Magistratus facienda jubet, non facienda vetat, quæ vel Naturæ aut Dei legibus universalibus item jussa sint aut vetita, aut
saltem

saltem illis planè contrarium non sanciant. *Sunt nonnulla ejusmodi*, inquit gentilis Philosophus 3. *Nicom.* 1. §. 19. *ut fortasse nulla vi aut necessitate coacti ea agere debeamus, ut que potius mors nobis sit appetenda, gravissimique cruciatus perferendi.* Etsi vero Honestum atque Inhonestum aliud sua natura & ubique sit tale, aliud opinione hominum, facile tamen quemvis videre arbitror, me prioris generis intellectum velle, ut si sua natura turpe quid jubeatur a nala lege, ei tali casu non esse parendum. De aliis legibus non addo, quod ex jam dictis facile colligi queat quo pacto & hæ actionum normæ sint ponendæ; Lex enim omnis actionum quædam est regula.

Quod si nonnunquam gravis Necessitas exceptionem hanc, *Ex malis minimum*, aut similes alias dictitet, tum non solum huic cedere licet, quin etiam sæpe cedere oportet. Hanc igitur diligentiam si quis in agendo adhibuerit, prudenter, uti par est se geret, nec facile ad aliquem scopulum impinget, quin potius priusquam incipiat rectè consultans securè certam plerumque veritatem sequetur. Etsi autem commonstraverim, quo pacto ex variis legibus tanquam principiis practicis demonstrationes faciendæ sint, atque hæ non sint unius generis, sed aliæ sint vel τὸ διότι, aliæ τὸ ὅτι, aliæ item vel Directæ, aliæ Indirectæ appellatæ; ex his tamen nullam esse repudiandam in hac philosophia existimo. Bene expendi merentur quæ leguntur verba 1. *Nicom.* 4. §. 13. *Principium doctrina Politica in illo est, quod vocamus τὸ ὅτι; & hoc sibi sit satis perspicuum, tum vero alterum, quod est τὸ διότι, non magnopere desiderabitur. Et is, qui τὸ ὅτι habet, aut jam tenet principia, aut ea facile percipere poterit.* Quem locum hoc sensu accipit eruditissimus Paraphrastes Græcus, cujus hæc sunt verba: *Vel ab effectis demonstrantur principia, aut à principis effecta. Nos autem utramque suo tempore adhibebimus rationem. Et à principis quidem demonstrabimus, cum manifesta erunt illa: contra vero, cum effectum erit manifestum, &c.* Addatur geminus huic textus 1. *Nicom.* 7. §. 54. Pro-

inde hic locum habent tam Indirectæ, quam Directæ demonstrationes, etsi hæc istis sint potiores. Directæ (quæ & Ostensivæ appellantur) vel sunt Affirmativæ vel Negativæ: utriusque generis in moralibus usurpari possunt. Et licet utraq; sint præstantiores Indirectis, seu ad incommodum ducentibus, nihilominus sæpe & hæc ipsæ magnam hic vim habent.



CAP. IX.

*Proponuntur Cautelæ quædam seu Regulæ in
Praxi observandæ.*

EX superioribus certæ quædam Cautelæ erunt repetendæ, juxtaque cum aliis una quasi tabula consignandæ. Sed, inquis, quid opus est novis regulis, cum supra actionum humanarum regulæ, videlicet Leges Naturæ, Divinæ & Civiles, jam sint constitutæ? Ita est, sed jam aliud agitur. Traditurus enim sum regulas, quas Intellectus Practicus in dijudicando & Appetitus in eligendo debito modo sequatur. Hæc verò multum differunt ab actionum humanarum regulis finalibus, Legibus. Quemadmodum enim peritus nauta in pyxide magnetica certam lineam observat, cujus ultimo puncto locus ille designatur, quo cursum destinat. Interim alia atque alia tamen ratione navis gubernaculum torquet, aliaque facit, quæ maxime artis κυβερνήτης propria sunt, ut breviora vadosaque loca, ut item gravius incumbentes procellas aliaque pericula ipsumque naufragium effugiat. Ita quoque quilibet homo bonus & prudens ad Leges tanquam normam finalem actiones suas componit. Sunt enim leges præcepta virtutum, in quorum observatione ipsa εὐπείθεια seu Felicitas hominis consistit. Interim ne Intellectus Practicus in via erraret,

aut

aut impingat: ne item Appetitus turbulentorum adfectuum tempestate præceps agatur, sed secunda Rationis aura usus verum bonum anhelet, certæ Moderationis hujus regulæ administrantes sive cautelæ sunt constituendæ.

Cum igitur perinde uti in alia materia ita quoque in Morali illa tria supra exposita locum inveniant, Scientia, Opinio & Fides: circa prius hæc sunt observandæ cautelæ:

I. Quandocunque per demonstrationem certus esse potero de faciendis & fugiendis, tali veritati Opinionem probabilem, cum primis à scientia illa dissentientem, sine peccato mihi præferre non licet.

Qui de Conscientia docent Doctores, hætenus rectè tradunt, Conscientiam dubiam esse, cum quis dubitat & anceps hæret utri parti contradictionis adsentiendum sit, vel simpliciter existimans rem omnem esse incertam, vel secum quidam rem satis diligenter versans, non tamen uni contradictoriarum magis quam alteri adsentiens. Qui vero talem conscientiam (si qua dicenda fuerit) in praxi sequitur, peccat; qui enim se exponit peccandi periculo, utique peccat. Quin imo dum id agit, quod nescit bonum sit an malum, scit vero ita dubitans & bene & male illud fieri posse, in peccatum quodammodo consentire atque illud velle videtur. Rectè idem gentiles intellexerunt. Sic enim post Stoicos Cicero i. *Offic. Bene præcipiunt, qui vetant quidquam agere, quod dubites, æquum sit an iniquum. Æquitas enim lucet ipsa per se: dubitatio autem cogitationem significat injuria.* Probabilem Conscientiam vocant cujus judicium sit probabile, seu opinioni probabili innitatur. Opinionem vero describit ita cum Thoma Angelus de Clavasio, cum Intellectus rei adsentitur, non quidem sufficienter aut plenè convictus, sed quod voluntas propter probabilem rationem magis inclinet in unam partem, quam in alteram, cum formidine tamen oppositi.

Etsi igitur Conscientiam probabilem aliquando ut Rectam sequi fas sit, nefas tamen est illam sequi, si de probabilitate cognitæ propositionis contradictoria apodicticè tibi constet. Tunc enim per conclusionem apodicticam ita est convictus intellectus tuus, ut contradictoriam probabilem aliquando veram, non solum non possis sine peccato sequi, sed etiam illam jam ut manifestè falsam debeas abjicere atque damnare.

Præterea etiam si omittantur, illa data regulæ verba, **SCIENTIA ILLA DISSENTIENTEM**, reliquis sine integritate relictis, nihilominus illam obtinere existimo. Etsi enim formido oppositi, quam conjunctam habet Opinio, non sit semper realis dubitatio, nihilominus tamen peccatur, cum possis certam tutò veritatem sequi, malis tamen cum periculo falsi probabilem opinionem amplecti, etiam si idem probabiliter per hanc concludatur, quod per demonstrationem apodicticè. Negligenter enim aut præfidenter res practicas tractare, & probabile certum apodictico forte per pravam Voluntatis adfectionem præponere, & ipsum est peccare. Non equidem immemor sum eorum, quæ supra dicta sunt, eundem hominem de eadem re simul non posse Scientiam habere & Opinionem, ut videri possit nihil hac Regula opus fuisse, propter vesanas tamen Probabilistarum sententias & adfersiones illa poni debuit. Et sæpissimè Opinionem præponi solere scientiæ, & hanc ab illa extrudi, exemplo sint Incontinentes, qui contra Scientiam suam agunt, & Opinionem ab adfectibus Intellectui non satis bene disposito commendatam sensuique gratam sequuntur. Quæ de re subtiliter contra Socratem disputat Philosophus 7. Nicom. 3.

II. Demonstrationes practicas eo discrimine in agendo sequi oportet, quo ipsa illarum constabunt principia.

Practicarum Demonstrationum principium Legem aliquam esse dixi; harum vero cum magna sit diversitas, cum primis

primis humanas positivas si videas, Prudentis sanè hic opus est iudicio. Malas enim Leges, hoc est, Juri Naturæ ac voluntati divinæ penitus repugnantes vicem Principii sustinere in vita humana hautquaquam fas est. Aliæ, quæ quidem non sunt tales, sed hominum placito præter naturæ decreta quadam constituunt, superioris alicujus Legis auctoritati sæpe obnoxia sunt, ut certis casibus modo illarum obligatio suspendatur, modò per æquitatem restringatur, imò, ut sunt res humanæ, aliquando tota extinguatur. Si v. g. Lex sit, Seditiosos esse capite plectendos, aut in exilium pellendos: talium vero tantus sit numerus, eæque vires, ut in discrimen universa adducatur Respublica, propter majoris mali metum suspendenda fuerit illa obligatio, & potius *summa* omnis injuria oblitteranda. *Qui enim in sua manu habent arma, in eorundem arbitrio est, maneat, an non maneat respublica.* 7 Polit. 9. Par queque necessitas nonnunquam jubebit, ut Lex penitus abrogetur. De Æquitatis restrictione non est cur quidquam addam, cum illa sit perfrequens. Omnia igitur ea, quæ jam supra attuli, iisque fortè pro re nata addi possunt & debent, antequam ipsam actionem aggrediaris aut deseras, providè in deliberando sunt ponderanda. Exactè enim hic omnia definire nec licet, nec consilium est; sed his ita positis, Probabilitatis Jesuiticæ absurditatem solum generaliter detexisse sufficiat.

Proinde Opinionem quod attinet, cum illa multis modis variare possit, certæ quoque de illa constituendæ sunt regulæ.

III. Quandocunque apodictica ratio non suppetit, probabilem rationem sequi oportet, sed maximè tutam.

Pluribus supra demonstratum fuit, fas esse aliquando in vita sequi Opinionem probabilem. Cæterum cum Probabilitatis sint gradus, aliaque sententia magis, alia minus probabilis sit, non continuo illa arripienda & in praxi usurpanda est, quæ

quæ maximè sit probabilis. Accidit enim ut minus probabilis magis sit tuta quàm quæ probabilior videtur, minusque est tuta. Probabiliorem appello, quæ fortè pluribus ac solidioribus rationibus nititur: Tutiozem, quæ à peccato remotior est, etsi rationes illius sint pauciores minusque firmæ. Proinde si de actione aliqua deliberes, & Intellectus Tibi suggerat utriusque generis probabiles rationes, Prudentia Te obligatum esse ostendet, ut tutiozem licet minus probabilem opinionem sequaris, propterea quod non solum peccatum, de quo penitus constat, sed etiam periculum & occasio peccandi evitari debeat, ne in ipsum peccatum consensisse tuave culpa te præcipitasse videri queas.

IV. Opinio probabilis falsa in praxi usurpata à peccato neminem penitus absolvit.

Hæc Regula ut rectè intelligatur, multa notanda veniunt. Primò quidem nulla Opinio probabilis est, nisi ejus contradictoria quoque sit probabilis. Si enim ejus sit certa atque evidens veritas aut falsitas, de opposita opinione quid judicandum sit, cuius manifestum erit, quandoquidem contradictoriarum alteram veram esse, alteram falsam, planè necessum est. Deinde sæpe Intellectus de faciendis ac fugiendis secus statuit, quam Lege vel Naturæ vel alia definitum est. Theologiæ Moralis Doctores *Conscientiam errantem vel erroneam* appellant. Atque hæc à Probabili non differt, cum falsum approbando in praxi sequitur. Errat enim, qui falsum censet esse probabile, falsamque morum facit regulam. Cum primis illi errores probabilibus opinionibus accenseri solent, si difficilioribus & fortè à paucioribus deprehendi queant. Præterea etsi ratione Conscientiæ quam dicunt Errantis discrimen sit faciendum, primò ratione rei, quod vel de re per se bona, vel de re per se mala, vel de indifferenti concipiatur: deinde ratione ipsius Erroris, qui vel sit vincibilis, vel Invincibilis; nos tamen operosius omnia & singula hæc non executi, sed hoc solum urgebimus, quisquis falsum sequendo

quendo (ut ut ipsi probabile videatur) ab æterna veritate recedit, eum peccare. Ab æterna, inquam, veritate; cuius universalia decreta ac iura neminem fugere debent. Alias si quis agat errore invincibili ductus, sic ut in sua causa (ut loqui amant Scholastici) planè fuerit invincibilis, & non fucata subsequatur pœnitentia, actio invita fuerit habenda. Operæ pretium fuerit Thomam ingeniosè hac de re differentem audire, cuius verba à Wendrockio citata legere est suprà pag. 79. Modo notes Thomam ibi more Scholasticorum Doctorum, uti suprà monui, præter Legem alteram morum normam item facere Conscientiam. Quod tamen nostræ adsertioni nihil officit; quod talis Conscientia sive Intellectus iudicium, de quo jam dictum est, Legem aliquam supponat, ac sæpe sibi fingat.

Cum vero Probabilitatis dogma maximè innitatur testimonio atque auctoritati Doctorum, circa Fidem notandæ sequentes sunt Regulæ :

V. Fides divina semper præferenda est humanæ.

DEUS enim ubique sapiens, ubique verax est, & fallere nescius: cum è contrario nemo non hominum labi, errare ac fallere possit. Nec est, quod divinæ auctoritati fortè hominum existimatione magnos, aut numero multos opponere velis Doctores; hi enim ipsi sæpè falsissimis principiis fascinati in absurdissimos ruunt errores.

VI. Imò Fides divina omnibus rationibus & argumentis humanis, non solùm probabilibus, sed & apodicticis, præponenda est.

Nam si de Dei voluntate perspicuè modò constet, quid fieri à nobis aut non fieri velit, humanas rationes non est quod operosè scrutemur, sed promptè obsequi, & vel hæc facere, vel illa omittere nos oportet. Απὸ θεοῦ sanè si legitimè se habuerit nunquam voluntati divinæ adversabitur; A Prudenti enim facta eo utetur principio, seu tali Lege, quæ illi consentanea

h

sit,

fit, ut *συμπερασμα* legitimè collectum nihil sit pronunciaturum voluntati divinæ contrarium. Interim cum non à quovis ubique expedire demonstrationes confici possint, rectius fit, si modeste Dei nutui pareamus, modo de illius sententia & voluntate nobis constet, uti dictum est.

VII. Fides humana unius aut plurium Doctorum testimonio nitens solidæ demonstrationi postponenda est.

Si de eadem questione hinc complurium Doctorum rationes proponantur, atque hinc una aliqua unius Demonstratio solida; hanc in moribus sequi, illas missas facere oportet. Demonstratio enim cum planè certum faciat Intellectum Practicum, nullo periculo obnoxius est homo, in agendo illam veritatem *ἀποδεικνύν* sequens. Testimonia vero illa & probabiles rationes, ut ut multorum Doctorum, non tamen aliam quàm probabilem efficiunt veritatem, sic ut licet Intellectus Practicus iis in alteram contradictoriarum magis inclinet, periculum tamen peccandi non omne absit, cum primis si & probabiles has rationes, & apodicticæ illius unius vim perspexeris, aut perspicere potueris & debueris. Demonstrationi enim adensus non tribuitur propter fidem & auctoritatem dicentis, sed propter vim & evidentiam ipsius veritatis.

VIII. Fides humana Intellectum Practicum aut hominem in agendo nunquam securum præstare potest, nisi Legi alicui, DEO vel probatæ, vel non improbatæ sit conformis, vel saltem Legi alicui aut Voluntati divinæ non repugnet.

Securitatem in agendo ex se nemo Doctorum præstare potest, quòd auctoritatem docendi habeat, aut sufficiat, si indigitare possis, *Ἀντὶς ἑρμ.* Quæcunque vero Fides iis tribuitur, propter rationes tribuenda est. Lex vero est optima ratio, adeoque hæc potissimum ad sensum meretur, imò sæpe illum ex-

tor-

torquet. Auctoritas verò illa & testimonium externum Doctoris opinionem solum facit probabilem, eandemque sæpissime fallacem. Tanti igitur faciendum est testimonium, quantum cum Lege aut veraratione habuerit convenientiam, cui si fidem tribuam, his debetur, non illi. Interim cum Leges multum sint diversæ, quod ex superioribus manifestum esse existimo, hinc tum demum securus in agendo sum, si testimonium Doctoris sequar tale, quod conveniat prorsus cum Lege vel Naturæ, vel Divina, vel Humana civili à Deo non improbata. Quod si negotium fortè exstiterit tale, quod nec Naturæ, nec Divina, nec Humana lege sit definitum, certa illius forma determinata, testimonium Doctoris hæcenus licite sequor, quatenus certò mihi constat, illius sententiam nulli Legi, sub cuius obligatione alioqui agens esse possit, repugnare. Si enim hac de re certus non sum, ac temerè fidem Humanam sequar, eamque forte erroneam, à peccato capropter absolvi nequeo. Bene in hanc rem Thomas *Quodlib. III. art. 10. Respondeo dicendum, quod diversæ opiniones Doctorum sacræ scripturæ, siquidem non pertineant ad fidem & bonos mores, absque periculo auditores utramque opinionem sequi possunt. Tunc enim habet locum, quod Apostolus dicit ad Rom. 14. Unusquisque in suo sensu abundet. In his vero quæ pertinent ad fidem & bonos mores, nullus excusatur, si sequatur erroneam opinionem magistri. In talibus enim ignorantia non excusat.* Quæ verba insigni perfidia adulterare non erubuit Sanctius Jesuita: cuius verba habes supra apud Wendrockium in notis pag. 59. 60. & 80.

IX. Quidquid theoreticè verum est vel falsum, idem quoque in praxi vel verum vel falsum, h. e. licitum vel illicitum est.

Hæc Regula nō speciatim Scientiam aut Opinionem aut Fidem concernit, sed universalis est. Theoreticè verum appellant, quando Intellectus Practicus Legem ita habet certò cognitam, ut ipsi de actionibus universaliter rectè constet, quæ illi vel con-

fentiant, vel ab illa abeant. V. g. Si suum cuique tribuendum esse sciam, constat iustitiam ubicunque opus est exercendam, & omnem iniustitiam esse fugiendam. Practicè verum vel falsum esse dicunt, quando quæstio est de actione singulari v. gr. an calumniatorem meum mihi occidere liceat. Ita quæri posset theoretice, An Christiano liceat bellum gerere, aut usuras capere: Practicè, an huic liceat isti bello interesse, an mihi à Sempronio tali tempore usuras capere. Distinctio igitur tolerari posse videtur, de ipsa tamen Regulæ veritate rectius constabit, si ex Aristotele repetamus, quæ ipsi dicatur Veritas Practica. Si Intellectus Practicus & de universalibus & de singularibus practicis rebus rectè iudicet, & appetitus huic iudicio promptè morem gerens ad singularem actionem perficiendam moveatur, adeoque semper recto rationis dictatu se regi patiatur, Veritas est Practica. 6. *Nicom.* 2. §. 9. Si igitur Appetitus, proximum principium *πρῶτον*, debet planè consentire Intellectus recto iudicio, atque hoc item *ὁμολόγως ἔχει τῇ ὁρεσὶ τῇ ὀρθῇ*, uti hic loquitur Philosophus, non potest non eadem esse Veritas de rebus agendis, si theoriam illarum cum ipsa praxi contendas. Illud sanè accidere potest, ut quis universalem propositionem ratam habeat, v. g. nulli Christiano licere artem scœnebre exercere; & tamen ignoret hoc vel illud, quod jam agitur à scœnatore Alphio, esse artem scœnebre exercere: hoc autem inde evenit, quod non satis rectè pervideat, hoc singulare sub illo universali contineri. Ubi vero de utroque constiterit, non potest non & in universali theoria & in singulari praxi statuere, tale quid agere esse planè illicitum. Atque hæc sunt illæ Regulæ, quas quilibet vir bonus, & præcipuè Christianus, in vita & moribus prudenter observet: præter quas & aliæ nonnullæ sine dubio constitui poterunt, & his (si argutari aut calumniari velint Probabilistæ) addendæ sunt. Nos vero ne justo prolixiores simus, jam traditis contenti erimus & utemur.

CAP. X.

*Jesuitarum novorumq. Casuistarum Effata de
PROBABILITATE, & varia hinc producta
Conclusiones proponuntur.*

PRudens profectò vox est Ciceronis 3. *de Finib.* Ut, inquit, *histrioni actio, saltatori motus, non quivis, sed certus quidam est datus; sic vita agenda est certo genere quodam, non quolibet.* Modus ille ac norma agendi, vivendique rectissimè capitur ex Legibus, cum primis Naturæ & Divinis. Lex enim nemini indulget, nihil dat adfectibus, sed est oratio à prudentia profecta, ut ait Aristoteles 10. *Nicom. ult.* Mentem autem seu Prudentiam qui actionum præsidem constituit, videtur iis constituere rectorem Deum atque Leges 3. *Polit. 12. p. 208.* ὁ γὰρ νόμος ἀνὲρ ὁπέμψας τὴν ἐξ. *Lex enim est sine appetitione mens. ibid.* eamque ob causam ita à Cicerone Lex describitur, quod sit nihil aliud, nisi recta & à numine Deorum tracta ratio, imperans honesta, prohibens contraria. Ut igitur contraria sibi invicem opposita rectissimè innotescant, videamus sanè, æquam vivendi normam Jesuitæ novique Casuistæ habeant. Est illa PROBABILITAS, quæ actionibus moralibus applicata Lesbæ regulæ vicem sustinet. Quemadmodum enim Lesbii in ædificando propter lapidum asperitatem usi regula plumbea & flexibili, quæ se inflecteret atque accommodaret ad lapidum inæqualitatem, cum alioqui lapides ad regulam dirigi & æquari soleant; Ita Probabilistæ actiones non conformant Legum normæ, sed Lesbiam PROBABILITATIS suæ regulam quibuslibet actionibus & nauseanti luxuriantique appetitui attemperant. Ut igitur superiorum veritas & Probabilitatis Jesuiticæ falsitas tantò inculentiùs appareat, pronuntiata non solum generalia de Probabilitate, sed varias hinc collectas conclusiones sub unum conspectum producam, ut monstrosa hæc bestia planè sit εὐσεβείῃ, & à quovis honestæ pietæque vitæ studio

diofo attentè cognosci possit. Primum autem ea excerpam, quæ habet Montaltius de PROBABILITATE placita Epistola quinta & sexta: tum subjungam ea, quæ à Parochis Rothomagensibus & Parisiensibus ex Jesuitarum novorumque Casuistarum libris collecta dogmata Archiepiscopis, Episcopis & Clero Gallicano Anno c15 13c LVI fuerant exhibita, & ab aliis fortè sparsim compilata attexam.

Ex Epistola Montaltii quinta hæc damus, reliqua à nobis hic omissa suo videantur loco.

ANTONIUS DE ESCOBAR, Vallisoletanus, Jesuita, in Prin. Exam. 2. n. 8. *Probabilis ea opinio dicitur, quæ rationibus innititur alicujus momenti. Unde aliquando unus tantum Doctor gravis admodum opinionem probabilem potest efficere. Quia vir doctrinæ specialiter additus, hanc adharebit sententia cuilibet, nisi præstantis sive sufficientis rationis vi allectus.*

SANCTIUS Sum. c. 9. n. 7. *Sed dubitabis an autoritas unius Doctoris probi & docti reddat opinionem probabilem? Respondetur reddere. Itatenent Angelus, Sylvius, Navarra, Emanuel Sa, &c. Probatur: quia opinio probabilis est, quæ non levi nititur fundamento: at autoritas viri docti & pii non est leve fundamentum. Si enim non est levis momenti, sed magni potius, ut aliquid Romæ contigisse credamus, id virum pium adserere; cur non magni erit in re morali dubia, quod vir pius & in ea materia doctus censuerit? Nec placet limitatio Adriani & Corduba, &c. ut hoc intelligatur, si sit error juris humani, secus si divini: quippe qui in utrisq. magni est ponderis & momenti viri gravis & pii autoritas.*

ANTONINUS DIANA, Panormitanus, Episcoporum Examiner & S. Officii in Regno Siciliae Consultor, Part. 3. Tr. 4. Resol. 244. *Hæc omnia Pontius adversus Sanchez. Sed quia fuerunt viri doctissimi, saltem ex principio extrinseco unusquisque suam opinionem efficit probabilem, & tutam in praxi.*

EMANUEL SA, Jesuita, in Aphorismis: *Potest quis facere, quod probabili ratione vel autoritate putat licere, etiamsi oppositum tutius sit. Est communis recentiorum.*

FILI-

FILIUTIUS, Jesuita Romanus, Tr. 21. c. 4. n. 128. *Licetum est sequi opinionem minus probabilem, etiamsi minus tuta sit. Est communis recentiorum.*

PAULUS LAYMANNUS, Jesuita, Th. Mor. tom. 1. tract. 1. c. 5. §. 2. n. 7. *Doctor alteri consilium dare potest, non solum ex propria, sed etiam ex opposita probabili aliorum sententia, si forte hac illi favorabilior seu exoptatior sit: qua de re Vasquez disp. 62. c. 9. n. 47. Sanct. in Sum. c. 9. n. 23. Lopez. p. 1. inst. c. 120. Imò arbitror nihil à ratione alienum fore, si Doctor consultus consulti opinionem à quibusdam viris doctis tanquam probabilem defendi, quam proinde sequi ipsi liceat, quamvis idem Doctor ejusmodi sententiam speculatione falsam esse CERTO sibi persuadeat.*

DIANA Baunium sibi faventem amplexus contra P. Lugo: *Sape premente Deo, fert Deus alter opem.*

CELLOTIUS de Hierarchia lib. 8. c. 16. n. 714. *Qua circa fidem emergunt difficultates, è veteribus haurienda: doctrina morum à recentioribus sumenda.*

REGINALDUS in præfatione Operis sui: *In definiendis quidem circa credenda occurrentibus difficultatibus, quo antiquiores fuerint autores, eò majoris ponderis censentur ipsorum placita, tanquam viciniora traditioni, doctrinaq. Apostolica. In dirimendis tamen controversiis circa agenda natis, potior ex adverso habetur ratio Doctorum recentiorum, qui præsentium temporum, morumq. condiciones perspectas habent.*

DIANA hæc secutus ita scribit Part. 5. Tr. 8. Resol. 31. *Beneficarii tenentur ne restituere proventus beneficiorum, quibus male usi sunt? Antiqui affirmabant: negant recentiores. Sed tu ne deferas prædictam sententiam, liberantem supra dictos ab onere restitutionis.*

Ex Epistola VI. Lud. Montaltii sequentia adfero.

CASTRUS PALAUS, Jesuita, Oper. Moral. part. 1. dis. 2. p. 6. *Non est controversia, quando daretur opinio probabilis ex parte subditi, quod non teneatur obedire, etiamsi contraria sententia sit probabilior. Tunc enim licitum est ex supra dictis amplecti, qua sibi gratior fuerit. Ita notavit in presenti Thomas*

SAN-

Sanchez l.6. in decal. c.3. n.7. *Neg. obstat, superiorem tunc iuste precipere, ut tu tenearis obedire; non unde quaque iuste precipit, sed probabiliter; ac proinde tu PROBABILITER solum obligatus es obedire, & PROBABILITER DEOBLIGATUS.*

Sequuntur Assertiones maximè perniciosæ doctrina Probabilitatis fundatæ, à Parochis Parisiensibus & Rothomagensibus Clero Gallicano exhibitæ: quarum inscriptio in editione Gallica hæc est: *Extrait de quelques unes de plus Dangereuses propositions de la Morale de plusieurs nouveaux Casuistes, fidellement tirées de leurs ouvrages.*

FILIUCIUS Mor. Quæst. Tract. 21. c. 4. n. 128. *Dico secundo licitum esse sequi opinionem minus probabilem, etiamsi minus tuta sit. Communis recentiorum.*

TANNERUS, Jesuita, Theol. Scholast. tom. 2. disp. 2. p. 6. dub. 3. *Esto, aliquis uni sententiæ tanquam veræ absoluto assensu adhereat, eamq; adeò ex propriis principiis veram, & contrariam falsam censeat: aut, quod adhuc expeditius est, esto, sit ille ex propriis principiis de utraq; parte dubius, nihilominus ex communibus & extrinsecis principiis, putà ob auctoritatem Doctorum ita sentientium, poterit etiam ipse oppositum suæ sententiæ, vel alterutram partem in praxi velut probabilem rectè sequi. Non enim pugnant hæc inter se, unam opinionem probabiliter credi veram, & contrariam etsi falsam haberi probabilem.*

THOMAS SANCHEZ, Jesuita, in Sum. l. 1. c. 9. n. 7. *Sed dubitabis an auctoritas unius Doctoris, &c.* Suprà enim jam ex epist. 5. Montaltii hujus verba adduximus.

LAYMAN. Theol. Moral. l. 1. Tr. 1. c. 5. §. 2. n. 6. *Notandum tertid. Probabilis sententia, uti communiter accipitur, ita definitur potest: Quæ certitudinem non habens, tamen vel gravi auctoritate, vel non modici momenti ratione nititur. Auctoritas gravis hoc loco censeri debet, quæ est saltem unius viri docti & probi: qui tamen talem doctrinam non inconsideratè ac temerè, sed post perspecta rationum pondera, quæ in oppositum afferri possunt, amplexus est: quod quidem ab ipso factum fuisse alii plerumq; præsumere possunt, præsertim qui indocti sunt.*

JOANÆ

JOANNES CARAMUEL, S. Theologiæ Doctor & Prof. Monasteratensium & Diffenbergensium (Benedictinorum Cisterciensium) Antistes, & Eminentissimi Principis Cardinalis ab Harrach, Archiepiscopi Pragensis, Vicarius Generalis, denominatus Mysia Episcopus, in Epist. ad Dianam: *Laudant te & legunt viri docti, nec est in Europa Theologus, qui sit studiosus, & te careat. Si qui obmurmurant, docti non sunt, & tota oblocutio emulorum pervenit ad Columnas Herculeas, cum dicunt DIANAM ESSE AGNUM DEI, QVI ABSTULIT PECCATA MVNDI. Idem ego frequenter inculco, ut te commendem.*

Ibidem. Ego ingenium Diana viri quidem doctissimi veneror; ejus industria multas opiniones evasisse probabiles, quæ antea non erant: invidus sit qui non affirmet. Si jam sunt probabiles, quæ antea non erant, jam non peccant, qui eas sequuntur, licet ante peccaverint; Ergo si ejusmodi peccata ab orbe literario Diana sustulit, merito dicitur esse AGNUS DEI, QVI ABSTULIT PECCATA MUNDI. Habento Navarrus & veteres Casuista gloriam suam: sunt leones, & à rigore & severitate laudantur: esto AGNUS tu, laudandus à benignitate.

LAYMAN Theol. Moral. l. 1. Tr. 1. c. 5. §. 2. n. 7. *Arbitror nihil à ratione alienum fore, si Doctor consultus significet consulenti, opinionem à quibusdam viris doctis tanquam probabilem defendi, quam proinde sequi liceat: quamvis idem Doctor ejusmodi sententiam speculative falsam esse certò sibi persuadeat, ut proinde ipsemet in praxi eam sequi non possit. Cum enim consulens in re dubia jus habeat se conformandi opinioni, quæ à quibusdam viris doctis defenditur; nihil obstante quod aliqui alii contradicant, & speculative sententiam improbabilem judicent, hoc ipsum jus consulenti Doctor indicare non prohibetur. Atq. hinc existit, quod vir doctus diversis secundum oppositas probabiles sententias opposita consilia dare possit, servata tamen discretione ac prudentia.*

ESCOBAR Prin. exam. 3. n. 20. edit. Lugdun. an. 1644. *Doctor potest ne alteri consulenti dare consilium non solum ex propria,*

pria, sed etiam ex aliena sententia probabili, quæ consulenti sit favorabilior? Posse affirmo cum eodem Laymano.

IDEM n. 24. ultimæ edit. An Confessarius ut consultor possit contra propriam opinionem, minus probabilem consulere, ut pœnitentem vel consulentem ab onere aliquo liberet? Posse Vasquez affirmat. 1. 2. d. 62. c. 9. n. 47. Becanum scio distinxisse in 1. 2. tr. 1. c. 4. q. 9. n. 16. sed idem demum asseruisse constat.

IDEM. Theol. Moral. Tr. 1. Exam 8. c. 3. Praxis circa 6. mandatum ex Soc. Jes. Doctoribus. 102. Num Bulla Pii V. contra Clericos Sodomitas obliget in foro conscientia. Henriquez sentit usu non esse receptam probabiliter, nec in conscientia foro obligare. Quod si usu recepta sit, Clericus feminam in indebito subigens vase, non committit propriè Sodomiam, quia licet non servet debitum vas, servat tamen sexum. Nec incurrit ex Suario pœnas Bullæ intra vas masculi semen non immittens; quia delictum non est consummatum. Nec ex eodem qui non nisi bis aut ter in Sodomiam sunt lapsi; quia Pontifex has pœnas Clericis exercentibus Sodomiam infligit. Nec (adhuc ex Suario) ante sententiam Judicis declaratoriam pœnas Bullæ in foro conscientia incurrunt: quia nulla lex pœnalis obligat homines ad se prodendum. Colligo Clericum exercentem Sodomiam, si sit contritus, etiam retento beneficio & dignitate omnino esse absolvendum.

AZORIUS Instit. Moral. Part. 3. l. 2. p. 105. Decimò sextò quaeritur, an si invasor percutiat v. g. alapa, vel fuste, vel verberare hominem alicujus notæ & honoris, ita ut ignominiosum sit illi, licitum sit occidere invasorem, ne alapa, vel fuste, vel verberare ledat? Dæ sunt opiniones. 1. asserentium non licere occidere. Sic videtur sentire Major 4. dist. 15. q. 20. quia vita proximi pretiosior est nostro honore. Deinde quia est inhumanum occidere alium, ne nos alapa, vel verberare, vel fuste percutiat. Opinio secunda est asserentium id esse licitum, nimirum quando alapa, vel verberare, vel fuste percuti esset valde homini percussò de decorosum. Ita Sotus, Covar. Navar. locis suprâ citatis. Certè hoc videtur probabile, cum alio modo suum honorem defendere non potest. Ali-

ter.

ter enim ex malitia hominum honor innocentis passim tolli posset.

FILIUCIUS Tom. 2. Tr. 29. c. 3. n. 50. Si factis impugnetur honor, connitendo alapam vel fustem impingere, probabilis est sententia Doctorum dicentium fas esse viro honorato occidere talem invasorem. Navar. c. 15. n. 3. Sor. a. 8. Syl. tom. 1. q. 5. & alii cum Less. n. 77. Ratio est, quia sicut licet invasorem occidere ad defendenda bona temporalia, ut dictum est preced. quæst. ita multo magis licere debet ad defendendum honorem, qui merito pluris apud homines æstimatur, quam damnum multorum bonorum vel pecuniarum. Dixi, viro honorato, quia si secundum rectam rationem non censeretur alicui talis defensio nimis utilis aut necessaria ut pauperi, Clerico, Religioso, vel personæ vulgari, tunc non liceret: nobili autem laico, militi &c. liceret.

LESSIUS de Just & Jur. l. 2. c. 9. dub. 12. n. 77. Dico 2. fas etiam est viro honorato occidere invasorem, qui fustem vel alapam nititur impingere, ut ignominiam inferat, si aliter hac ignominia vitari nequit. Ita docet expressè Sorus a. 8. Navar. c. 15. n. 3. & Sylv. v. homicidium. 1. q. 5. & Lud. Lopez c. 62. Antonius Gomez Tom. 3. c. 3. n. 23. Julius Clarus §. homicidium. n. 26. ubi dicit periculum fame equiparari periculo vitæ. Ratio est, quia hic conatur auferre honorem, qui merito pluris apud homines æstimatur, quam damnum multarum pecuniarum: ergo si potest occidere, ne damnum pecuniarum accipiat, potest etiam, ne hanc ignominiam cogatur sustinere.

ESCOBAR Mor. Theol. Tr. 1. Exam. 7. c. 3. Praxis Societ. Jesu 47. Aggreditur quis virum nobilem seu alapam seu baculo percutere, licebitne ei occidere prius aggressorem? Affirmat Lessius lib. 2. c. 9. dub. 12. n. 77. quia maximum in aliquibus regionibus dedecus est alapas vel baculi verbera absque vindicta relinquere. Limite tamen sententiam ad viros nobiles. Plebeis enim alapæ & verbera parum sunt dedecori.

MARTINUS BECANUS, Jesuita, Theol. Doctor & Professor in Academia Viennensi, Moguntina, Würceburgensi Sum. 3. par. tr. 2. c. 64. de homicidio q. 8. Secunda Conclusio. Lici-

tum est etiam viro honorato occidere invasorem, qui fustem vel alapam nititur impingere, ut ignominiam inferat, si aliter hæc ignominia vitari non potest. Ita Sotus a. 3. Sylv. v. homicid. 1. q. 5. Navarr. c. 15. n. 3. Lopez. c. 62. Gomez l. 3. c. 3. n. 23. & Julius Clarus §. homicid. n. 26. Ratio est quia hæc ignominia, qua fuste vel alapa infertur, censetur majus malum, quam damnum multarum pecuniarum: ergo si potes occidere invasorem, ne damnum hoc accipias, poteris etiam ne ignominiam cogaris sustinere.

FRANCISCUS AMICUS, Consentinus, Jesuita, S. Theol. Doctor & Professor in Collegiis, Aquilano, Neapolitano, Gracensi & Viennensi, Tom. 5. disp. 36. n. 118. Negari non potest, quin saltem honorem famamque illam, quæ ex virtute & sapientia nascitur, quicquid verus honor est, juste defendere Clerici ac Religiosi valeant, ac sapere debeant, cum hic sit proprius professionis ipsorum, quem si amittant, maximum bonum ac decus amittunt. Nam per hunc redduntur summopere æstimabiles & conspicui secularibus, quos sua virtute dirigere ac juvare possunt: quo sublato nec illos dirigere nec juvare poterunt. Ergo saltem hunc honorem poterunt Clerici ac Religiosi cum moderamine inculpate tutela ETIAM CUM MORTE INVASORIS defendere: quin interdum lege saltem charitatis videntur ad illum defendendum teneri, si ex violatione propriæ famæ integra Religio infametur. Unde licet Clerico vel Religioso calumniatorem gravia crimina de se vel sua Religione spargere minantem occidere, quando alius defendendi modus non suppetat, uti suppetere non videtur, si calumniator sit paratus ea vel ipsi Religioso vel ejus Religioni publicè ac coram gravissimis viris impingere, nisi occidatur. Nam si in tali casu licitum est Religioso, ne ipse occidatur, invasorem prius occidere, si fugâ non possit, quia nimirum hustem ante se habet, mortem evadere, licitum quoque eidem erit ad vitandam gravissimam sui suæque Religionis infamiam, si alius modus non suppetat, calumniatorem occidere. Nam quo jure licitum est seculari, in tali casu calumniatorem occidere, eodem jure licitum videtur Clerico ac Religioso, cum in hoc Religiosus & Secularis sint omnino pares, cum non minus jus in talem honorem habeat Clericus & Religiosus, quam

quàm secularis in suum: imò majus, quòd major est professio sapientie & virtutis, ex qua hic honor Clerico & Religioso progignitur, quam sit valor & dexteritas armorum, ex qua honor seculari nascitur. Adde quòd ut sequenti sectione probabitur, licitum est Clericis ac Religiosis in tutelam suarum facultatum furrem occidere, si alius modus eas defendendi non supersit: ergo multò magis id licitum videatur in tutelam famæ & honoris ex virtute & sapientia consurgentis. Verum quoniam hæc apud alios scripta non legimus, nolumus ita à nobis dicta sint, ut communi sententia adversetur, sed solum disputandi gratia proposita, maturo iudicio relicto penes prudentem lectorem.

CARAMUEL Theol. Fundam. Fund. 55. § 6. p. 544. *Queritur utrum doctrina Petri Navarra, Sayri, & Francisci Amici que allegatur, sit aliqua censura digna? Et ego addo, eandem etiam esse Gordoni de Restit. qu. 4. c. 1. n. 7. Sanctii in Selectis disp. 46. n. 8. & aliorum etiam apud ipsos. Et vicissim interrogo, utrum allegari unus possit Theologus, qui in terminis Amico contradicat? Interrogo an Censor ipse qui Amici doctrinam condemnat, auderet in tribunali confessionis subere (subere dico, non consulere) opinionem contrariam? DOCTRINAM AMICI SOLAM ESSE VERAM, ET OPPOSITAM IMPROBABLEM CENSEMUS OMNES DOCTI: Si qui enim videntur contradicere, mutant casum, & circumstantias alterant, non autem directe opponuntur.*

IDEM ibid. §. 7. p. 551. *Legisti hanc doctrinam, & inquiris: An homo Religiosus, qui fragilitati cedens feminam vilem cognovit, quæ honori ducens se prostituisse tanto viro, rem enarrat, & eundem infamat, possit illam occidere? QUID SCIO? At audi vi ab eximio Patre N. S. Theologia Doctore magni ingenii & doctrina viro. (Potuisset Amicus hanc resolutionem omisisse: AT SEMEL IMPRESSAM DEBET ILLAM TUERI, ET NOS EANDEM DEFENDERE; doctrina quidem est probabilis, sed qua posset uti Religiosus, & pellicem occidere, ne se infamaret, &c) turem accurate perpende.*

IDEM Theol. Fundam. Fund. 55. §. 6. p. 550. *Hæc omnino viderentur sufficere, sed volo adhuc breviter instantiam adungere.*

Sic discorro. Conformius rationi videtur honorem defendere gladio, quàm mendacio; generosius & sanctius famam defendere occidendo aggressorem, quàm ei falsum testimonium imponendo, cū moderamine tutelæ (id enim semper subintelligitur) at non esse mortale peccatum hoc ultimum, probabile est: ergo illud prius. Majorem probo, quia homicidium ex natura sua malum non est, multi enim interimuntur iuste: & mendacium ita malum est, ut nec divinitus dispensari aut cobonestari possit in omnium Thomistarum sententia, imò etiam in opinione Scotistarum plurium, qui putant posse Deum dispensare in aliquibus preceptis Decalogi. Probo minorem etiam, videlicet esse probabile, non peccare mortaliter, qui imponit falsum testimonium alicui, ut suam justitiam & honorem defendat: quia illud est probabile quod asseritur à viris doctis probisq;, & hæc doctrina habet pro se viginti aut plures viros magnos & doctos: qui si dicantur non sufficere, vix ulla erit opinio probabilis in Theologia. Vid. Casparum Hurtadum disp. 4. de reo diffic. 1. Dicastillum de Just. l. 2. tract. 2. disp. 12. part. 4. dub. 2. n. 404. Dianam part. 9. tract. 8. resol. 43. pag. 356.

LESSIUS de Just. & Jur. lib. 2 c. 9. dub. 12. n. 79. Tertiò si illata alicui a la pacesse vel etiam fugias, multi Doctores censent in hoc casu, si vir nobilis vel honoratus huiusmodi injuria sit adfectus, posse statim repercutere, vel fugientem insequi, & tantum infligere verberum vel vulnere, quantum putatur necessarium ad honorem recuperandum. Ita tenet Navar. c. 15. n. 4. Henr. de irregularitate c. 10. ubi citat multos pro hac sententia, inter ceteros Jasonem, Cordubam, Mantium, Pennam, Clarum, Cajetanum & Antonium. Eandem docet Pet. Navar. l. 2. c. 3. n. 380. & citat pro hac sententia Mercatum. Idem tenet Victoria relect. de Jure belli n. 5. ubi dicit eum qui colaphum accepit, posse statim repercutere etiam gladio, non ad sumendam vindictam, sed ad vitandam infamiam & ignominiam, etiam si invasor non esset ulterius progressurus. Unde sequitur si ille fugiat, posse lesum statim insequi & percutere. Si enim potest repercutere manentem, cur non fugientem?

Pro-

Probari potest hac sententia. 1. Qui rem meam accipit, & cum ea fugit, potest à me percuti ut eam relinquat, vel reddat, si aliter nequit recuperari: at qui is, qui illata gravi ignominia fugit, honorem meum secum quodammodo defert; nam in potestate illius est, eum mihi restituere, offerendo satisfactionem: ergo possum illum percutere, ut honorem meum restituat, vel saltem ut eum sic recuperem. Dices: est dispar ratio; nam res adhuc existat & manet tua, sed contumelia illata honor jam perit: ergo hic non est defensio. Respondeo: In eo est paritas, quod sicut res potest recuperari, ita etiam honor, qui in signis excellentiae & hominum aestimatione consistit.

2. Probatum; quia si damnum à te rebus meis illatum non posset alia ratione sarciri, quàm tui percussione, posses statim percuti, ut illo modo fiat damni reparatio: ergo si violato honore non potest fieri aliter reparatio, quàm si feriat is qui eum laesit, poteris feriri. Debet autem hoc fieri in continenti, dum adhuc lesio honoris veluti pendet, suspensis hominum de tua fortitudine & generositate iudicis.

3. Quia aliàs dabitur licentia improbis, quodvis genus contumelia in quemvis ingerendi; nam sola fuga vel cessatione tuti erunt, praesertim quando desunt testes, qui eos norint, vel quando non morantur in eodem loco.

Hic tamen adverte, si laesor veniam petat, offendi non posse; quia quantum in se est, honorem restituit. Unde si alter velit ipsum impetere, poterit se tueri, ut rectè notat Petr. Navarra.

80. Ob has rationes hac Quaestio est speculativè probabilis, tamen in praxi non videtur facile permittenda. 1. ob periculum odij, vindictae, & excessus. Si enim D. Augustinus ob has causas agrè admittit, ut quis pro vita tuenda alterum possit occidere, quanto minus in tali casu ob tuendum honorem concederet? 2. ob periculum pugnarum & cedium: unde qui tali casu occideret, puniretur in foro externo, ut docet Gomez suprà n. 24. et si mitius; tum quia alter dedit causam; tum quia homo intenso dolore per-motus, non est omnino sui compos.

Idem

Idem docent REGINALDUS in praxi. l. 21. n. 62.

FILIUCIUS Tract. 29. c. 3. n. 51.

LAYMAN l. 3. Tr. 3. part. 3. c. 3. n. 3.

ESCOBAR Moral. Theol. Tr. I. Exam. 7. cap. 3. Praxis. 48.

An liceat post impactam alapam percutientem insequi & interirere? Aliqui negant, quia id esset injuriam vindicare, non defendere. At LESSIUS lib. 2. c. 9. dub. 12. n. 80. licere existimat speculative, sed in praxi non consulendum ob periculum odii, vindictæ, & excessuum pugnarum, & cadium in Reip. perniciem. Alii seclusis his periculis in praxi probabilem & iutam judicant. Henriquez lib. 4. c. 10. n. 3. Ratio est, quia quamdiu damnum illatum manet in suspensio, semper est locus defensionis, ut patet in eo qui furem insequitur fugientem ad recuperandum ablatum. Nam quamvis honor non sit apud percussorem, sicut ablata res apud furem, potest tamen non secus ac res furtiva recuperari, ostendendo signa excellentiæ, & æstimationem apud homines captando. Annon alapâ percussus censetur tamdiu honore privatus, quamdiu adversarium non interimit?

CARAMUEL Theol. Fundam. Fund. 55. §. 8. pag. 551. *An licitum sit fugientem insequi ad recuperandum honorem propter acceptam alapam vel fustem, illumq. vulnerare & repercutere?*

Hanc questionem doctissime & eruditissime pertractat Diana part. 8. tract. 7. resol. 48. & adducit Patrem Dicastillum, qui de Just. & Jur. l. 2. tr. 1. disp. 10. dub. 6. n. 74. affirmativam partem judicat speculative esse probabilem. P. Gasparem Hurtadum qui tract. de Just. & Jure disp. 11. diff. 11. mordicus eandem propugnat & ait: (Victoria relect. de jure belli n. 5. Navarrus c. 15. n. 4. Rodriguez c. 136. n. 11. Mercatus in sum. l. 6. Lopez 1. part. c. 62. Henriquez de irreg. c. 10. & Petr. Navarra l. 2. c. 5. n. 380. docent id esse licitum percussio, quantum sit necessarium, ut percussus non maneat ignominia affectus, quod etiam sensit Bonacina de restit. disp. 2. qu. ult. sect. 1. punct. 10. & merito, quia statim repercutere fit in actuali ipsa congressione, antequam invasor ad alia divertatur, aut jam alibi quietus existat; quia adhuc saltem moraliter &c. & honor.

honor nondum est saltem moraliter in facto esse amissus, sed tantum est amissio illius in fieri, & inchoatio amissionis, & repercussione amissio honoris non perficitur; quia ex percussione impeditur ne sit in facto esse. Ergo id est licitum percussio.) Hanc sententiam probabilem vocat Diana part. 8. Tr. 7. resol. 48. nam contrariam dicit esse satis probabilem, & semper in praxi consulendam. Non volo examinare, utrum hæc opinio sit probabilis. Malo enim id supponere. Quis enim probabilitatem extrinsecam negaturus erit sententiæ tanto & tantorum scriptorum numero stabilitæ? Quis intrinsecam tantis rationibus firmatæ? sed infero: Ergo qui fecerit, quod hæc opinio esse licitum docet, non operabitur suadente diabolo, nec poterit probabiliter dici culpam mortalem commisisse.

TANNERUS Tom. 3. disp. 4. q. 8. d. 4. n. 83. Assertio VII. Licitum est etiam prævenire injustum aggressorem, si & alia via commoda defensionis non suppetat, & is jam actualiter in culpa, seu proposito aggressionis injustæ versetur; secus si sit adhuc innocens. Ita post Anton. Cajetanum, Sotum, Navarrum, Covar. docent Valentia q. 17. pun. 1. Bannez hic q. 64. a. 7. Sa v. homicidium. Ratio, quia primo casu est vera defensio, non item secundo.

Sotus tamen & Lessius dub. 12. excipiunt iudicem & testes mortem alicui per injuriam machinantes in iudicio: quod de foro conscientia loquendo rectè improbat Sa, Petr. Navar. Bannes a. 7. dub. 4.

SANCHEZ Oper. Moral. in Decal. 1. 2. c. 39. n. 7. Dubium autem est, an liceat innocenti id duellum acceptare sive offerre, quando certum est fore, ut actor per fraudem ipsum in iudicio opprimat, & ejus injustam condemnationem impetret? Quidam neutrum licere ajunt; quod sui defensor ille solus dicatur, qui invitus ad pugnam ab aggressore cogitur. At hic etiam ad duellum provocatus id sponte acceptat. Quare non tanquam sui defensor excusandus est, sed tanquam invasor condemnandus. Ita docent Abulensis 1. Reg. cap. 7. qu. ult. Salon. 2. 2. qu. 64. a. 3. Contror. 3.

Aliis placet licere, quando actum est, innocentem damnandum

k

ad

ad mortem mutilationemve; secus in aliis casibus. Sed melius alii dicunt, licere huic innocenti duellum ad vitam, honorem, & res familiares in notabili quantitate tuenda, quando constat omnino injustè & per calumniam actorem procedere; & certum omnino est fore, ut innocens hæc amittat, nec aliud sibi evadenti remedium suppetat. Quia si hoc duellum rationem defensionis cum moderamine inculcata tutela induit, (ut Doctores secundæ sententiæ fatentur) ea defensio contra invasorem est licita, & pro vita, & pro honore, & pro rebus etiam tuendis. Et ita hanc sententiam tenent Bannez 2.2.q.64.a.7.dub.4. in corpore, & in solutione ad 2. Manuel. 1. Tomo Summa in 2. edit. c.73.n.1. Navarra lib. 2. de restit. c.3. in 2. part. d.13. in nova editione n.289. & 290. ubi meritò rejicit limitationem Cajetani petentis consensum principis. Nam defensio iure ipso naturali absq; alicujus licentia conceditur. Atq; optimè Bannez ait, licere innocenti in his casibus acceptare, & offerre duellum ob rationem traditam: imò & non provocando ad duellum, interficere occultè actorem illum calumniosum. Cum hæc occisio sit vera defensio. Imò bene Navarra eo n.290. ait, teneri innocentem non acceptare duellum, nec indicere, si potest OCCULTE ILLUM OCCIDENDO id vitæ, honoris, rerum familiarium periculum evadere. Quippe sic proprium vitæ periculum in duello imminens vitabit, & peccatum actoris offerentis, aut acceptantis duellum.

ÆGIDIUS TRULLENCH in Decal. Tom.5. lib.5. c.1. dub.4.n.1. Et QUIDAM THEOLOGUS SOC. JESU, apud Dianam Part.6. Tract.8. Resol.37. Aliqui existimant, si aliud non suppetat remedium, licere procurare abortum fœtus, tamen inanitari, ad evitandum periculum vitæ & infamiæ puellæ prægnantis, sicut diximus licere ad evitandam mortem naturalem. Hæc autem opinio non omnino placet Dianæ, & meritò quidem, non tamen videtur improbabilis. Ita Trullench.

Et tamen non desinam hic adnotare, quod consultus de hoc casu à viro nobili & fide digno, testatus est mihi doctissimus Theologus Societatis Jesu, quem ego scio respondisse, ut supra dictum est, licitum esse pro salvanda vitæ & honore puellæ prægnantis, procura-

re.

rare ejus abortum ante fetus animationem. Sed adhuc ego non discedo à sententia negativa.

ESCOBAR Theol. Mor. Tr. I. Exam. 7. c. 3. Praxis 49. Num liceat contumeliosum seu profanum Mentiris honorato viro, inter necare? Negat Azorius tom. 3. l. 2. c. 1. q. 17. quia verbales injuria verbis possunt repelli. At Baldellus l. 3. dub. 24. n. 24. putat licitum esse occidere contumeliosum, sed in casu quo aliter arceri non potest, ne detur licentia improbitati optimos viros contumeliis afficiendi quam facta acerbioribus.

REGINALDUS l. 1. c. 5. n. 60. De 2. difficultate, quod pro defensione honoris si is sit notabilis momenti, licitum sit debito moderamine servato occidere aggressorem, eumve qui illum aufert, sentiunt Sotus in prac. a. 8. versus finem, & Navar. in Enchir. c. 15. n. 3. ac Sylv. in v. homicidium. 1. q. 2. v. 5. quos sequitur Petrus à Navarra in l. 2. de restit. c. 3. n. 370. ut & Molina de Just. & Jur. Tract. 3. disp. 17. Ratio vero est, quia si, ut ostendetur in explicatione sequentis difficultatis, tale quid licet ad defensionem rerum propriarum, quæ bona sunt inferiora honore, juxta illud Prov. 22. Melius est nomen bonum, quam divitiæ multæ, multò magis licebit ad defensionem proprii honoris, seu depulsionem contumeliæ, ac liberationem ignominie, quando nulla alia ratio suppetit. Et confirmatur, quia daretur aliqui licentia impravis optimos quosq. vexandi contumeliis, quæ acerbiores sunt, magisq. mordent animos, quàm damna rei familiaris. Neque vero, ut Petr. ipse de Navarra consequenter addit, refert, an quis honorem auferre molietur armis, an lingua, & detractione. Adde & an baculo vel alapa: an vero contumeliosis aliquibus signis. Adverte quoq. ista omnia accipi debere cum ea moderatione, quæ habetur in sequenti n. 63. v. Ceterum. id est, non videri id in praxi FACILE permittendum ob periculum odii, vindictæ, excessus pugnarum, & cadium in Reip. perniciem, quam semper vitare oportet in usu defensionis.

LESSIUS de Just. & Jur. l. 2. c. 9. dub. 11. n. 66. & 72. Licet occidere furem in defensionem suarum facultatum, si illa facultates

sunt magni momenti, nec sit probabilis spes aliter eas recuperandi.

68. Dixi in propositione, si res illa sint magni momenti, quia pro re minima non videtur concessum ius defensionis cum tanto alterius malo. Etenim valde iniquum, ut pro pomo, vel etiam uno aureo servando alicui vita auferatur, si tamen tibi verteretur probro, nisi rem furi extorqueas, posses conari, & si opus esset etiam occidere juxta Sotum. Tunc enim non tam rei, quam honoris esset defensio.

70. Idem dicendum quando in iudicio non potest nisi magnis molestiis recuperari.

74. 2. Si re accepta fugias, tunc possum insequi & ferire, vel si necesse sit, eminus telo petere, ut si quis equo meo fugiat. Ita Sotus supra a. 8. Sylvest. v. bellum. 2. n. 3. & 10. & alii passim.

ESCOBAR Thcol. Mor. Tr. 1. Exam. 7. c. 3. Praxis 44. Quasi-
serim quanti valoris debeat esse res, pro cuius conservatione pos-
sum furem occidere? Non debet esse res parva, nisi ut defendat
fur rem parvam, velit repetentem invadere, vel res parvi mo-
menti in se, magna sit in virtute v. g. lapis medicus, vel tolleretur
cum injuria. Lessius lib. 2. c. 9. dub. 11. n. 68. Regulariter autem Moli-
na to. 4. de Justit. tract. 3. dub. 16. n. 7. unum aureum assignat.

IDEM Th. Mor. Tr. 1. Exam. 7. c. 3. Praxis 96. Potestne vir
nobilis acceptare duellum in nobilitatis defensionem? Potest, si ex
illius recusatione honorem aut munia publica esset amissurus. V. g.
objicit quis viro nobili innocenti crimen dignum amissione nobili-
tatis & munerum, quod nisi ille duellum acceptet, probatum cen-
sebitur. Ratio est, quia in tali casu acceptatio duelli ad tuendam
nobilitatem & munia, medium est unicum. Petrus Hurtado 2. 2.
d. 170. sect. 8. §. 76.

97. Accusator injustus me calumniis afficit, morti addicit, li-
citumne eum ad certamen provocare? Ita quidem, si non est alia
via injusta mortis evadenda; quia huiusmodi provocatio locum
habet inculpatæ tutelæ. Nihil enim refert quod accusator non per
se sed per judicem aggrediatur. Ita Hurtado sent. 9. §. 82. Addit
Sanchez Sum. to. 1. l. 2. q. 39. n. 7. TALI IN CASU LICERE
ACCUSATOREM OCCULTE OCCIDERE.

98. An duellū possit acceptari in temporaliū bonorū defensionem? Potest, si non adest alia via tuendi, siue duellum purgativum sit, siue non purgativū, quia unusquisq. habet ius sua bona tuendi etiam cum inimici internecone. Adhuc Hurtado de Mendoza sect. 8. §. 77.

LAYMAN lib. 3. Tom. 3. Par. 3. c. 3. n. 2. & 3. Ordinariē non est licitum provocato ad duellum id acceptare. Dixi autem ordinariē. Nam si rarissimo casu eo loco res sit a sit, ut miles in exercitu, vir equestris in aula regia, officio, dignitate, Ducis aut Principis favore, ob ignavia suspicionem excidere debeat, provocanti se sistat. Non audeo damnare eum, qui mera defensionis gratia paruerit, iuxta doctrinam Nav. c. 15. n. 3. & 4. Idemq. sentiendum, si ad pugnam lacerans alterum, crebra convitia & contumelios adjiciat, qua ille molestia & subeundo dedecore aliter liberare se nō possit, nisi armis congrediatur. Nam si ob defensionem bonorum hominem mutilare vel occidere fas est, multo magis si ita necesse sit ad defendendū honorem vel avertendam contumeliam: quandoquidem honor pluris valet quam fortuna bona, & injuria persona major est quam fortunarum damnum, ut annotavit Nav. cit. n. 3. & Abb. in cit. c. olim n. 17. Dummodo spes sit contra iniustum adversarium prevalendi.

HURTADO DE MENDOZA in 2. 2. disp. 170. sect. 9. §. 82. apud DIANAM part. 5. tr. 13. ref. 26. sic ait: Licitū est offerre certamen ei, qui mihi molitur jam mortem iniustam. v. g. Antonius mihi falsū crimen objecit, neq. habeo probabilem spem illū destitūrū à ceteris diligentius, sed potius timorem moraliter certū illas ab eo adhibendas. Item expectare ut me ille provocet, est mihi multo periculosius; nec possum aliter certam mortem effugere. In hoc casu dico licitam esse provocationem.

IDEM HURTADO DE MENDOZA referēte DIANA Part. 5. Tr. 14. Misc. 2. ref. 99. Casū excogitavit qui facile potest evenire in praxin doct^r Hurtadus de Mendoza in 2. 2. to. 2. disp. 170 sect. 13. §. 106. ubi sic ait: Pone hominē nobile ab alio provocari ad duellū, qui si illud recuset, nō cēsebitur illud recusare propter legem dei, sed propter timiditatē; quia nō bene audit de observatione legis; quia se facile projicit in alia peccata, vel certe alia ex causa censebitur timidus, & ab aliis despicietur, apud quos semper

erit inglorius, ex quo non levia damna & incommoda sequerentur.

Est igitur questio, utrum in hoc casu possit provocatus exire in locum condictum, non cum absoluta voluntate pugnandi, sed cum conditionata, si à provocatore prius petatur injustè. Provocati autem absolute voluntas est, tueri opinionem viri fortis, & depellere infamiam timiditatis; quæ objecta per se sunt honesta, necessaria viro nobili ad degendam vitam decorè inter suos, præcipuè militi, qui ab exercitu censetur gallina & non vir: media autem quæ elegit ad hunc finem sunt indifferentia ad bonum & malum, nempe egredi in agrum, & in eo inambulare, quæ media honestantur ab eo fine. Hac absolute vult provocatus. Pugnare autem non vult. Si ab alio petatur injustè, vult sub ea conditione se inculpate tueri armis, si alia ratione commodè non possit. In hac occasione videtur provocatus minimè peccare, neq. acceptare duellum: quia acceptatio duelli est voluntas deliberata seu absoluta, quæ iste homo caret. Idem omnia quæ vult absolute, sunt licita ex se. Finis item amatur licitè, quia nihil mali eligitur, neq. ex parte finis, neq. ex parte mediorum; quia hæc sunt, egressus in agrum, & in eo inambulatio: quæ autem amantur conditionate, sunt etiam honesta. Amat enim sub conditione defensionem inculpata per eadem aggressoris injusti, quando sit medium unicum ad propulsandam violentiam injustam. Solum potest esse difficultas, quia provocatus videtur esse provocatori causa ruina; quia cum provocatum viderit in agro, illum aggredietur injustè, quod non faceret provocato non comparente

Hæc omnia Hurtadus, qui per alios §. subsequentes usq. ad 15. conatur sententiam mordicus probare. Verum in fine asserit, hanc sententiam esse speculative probabilem, practicè autem esse valde difficilem. Et tu ne deseras omnino communem sententiam.

GREGORIUS à VALENTIA Tom. 3. disp. 6. q. 16. par. 3. p. 2039. & seqq. Dicendum est convenienter doctrina communi hos modos (quibus contingit spirituale dari pro temporali, & è contrario, sine simonia) esse duos: primus est, quando temporale est

est duntaxat motivum conferendi vel efficiendi spirituale, aut è contrario. His modis cum spirituale datur pro temporali, vel è contrario, vitatur Simonia. . . .

Secundo etiam patet non esse Simoniacum, si quis obsequium aut **ALIQUOD MUNUS TEMPORALE** Episcopo impendat, spe consequendi ab illo titulo gratitudinis aliquod beneficium spirituale, sicut Doctores communiter tradunt. Nam similiter tunc spirituale non expectatur ut pretium obsequii, sed ut compensatio gratuita. Item neq. vicissim erit Simonia si Episcopus, ut se liberet ab obligatione gratuita, sive antidotali, qua tenetur propter acceptum obsequium ab aliquo, conferat ei beneficium spirituale. . . .

Breviter tamen ex probabiliori sententia Doctorum, quos postea citabimus, videtur respondendum, in foro quidem conscientie has & similes circumstantias (nempe quod spirituale detur principaliter propter temporale, quod interveniat pactum) non efficere Simoniam, nisi quatenus interdum efficiunt, ut temporale sit pretium spiritualis, vel è contrario; atq. adeo ut temporale non sit duntaxat motivum, aut gratuita compensatio spiritualis, vel è contrario. Hoc satis patet ex dictis in questione precedenti huius puncti. Nam ad Simoniam requiritur, ut interveniat pretium, sicut ex sententia communi recte docet Sylvester v. Simonia q. 3. reg. 3. & Cajet. in sum. v. Simonia. & Navar. in Man. c. 23. n. 100. in fine, & alii communiter. Sed non obstantibus dictis circumstantiis fieri potest, ut temporale non sit pretium spiritualis, aut è contrario, hoc est, ut non ita detur aut fiat unum propter alterum, quasi tantum unum aestimetur quanti alterum. . . .

Dupliciter potest quis conferre spirituale propter temporale principaliter, tanquam propter finem. Uno modo ita ut temporale sit apud eum finis non modo voluntatis & applicationis animi ad actum conferendi spirituale, sed etiam ipsius spiritualis; si videlicet illud temporale aestimet plus non modo quam actum conferendi hic & nunc spirituale, sed etiam quam ipsum spirituale quod confert; & tunc omnino committit talis Simoniam. Nam hoc

hoc ipso quod plurius æstimat temporale quam spirituale, æstimat etiam illud tanti quanti spirituale, siquidem æstimat illud etiam plurius, atq; adeo tanti quoque, & eo ipso spirituale pro temporali tanquam pro pretio venditur, in quo consistit perversitas Simonia . . .

Altero modo potest quis conferre spirituale propter temporale principaliter, tanquam propter finem, ita ut temporale apud eum non sit etiam finis ipsius rei spiritualis, quasi temporale plurius ab eo quam spirituale æstimetur, sed tantummodo voluntatis sive applicationis animi ad actum conferendi spirituale: & hoc non est Simonia. Nam tunc non propterea vel tanti vel plurius æstimatur temporale, atq; spirituale.

ESCOBAR Mor. Theol. Tract. 6. Exam. 2. c. 6. Praxis ex Societatis Jesu Doctoribus, n. 40. Temporale datur non tanquam pretium rei spiritualis, sed vel ante collationem ad excitandum animum Collatoris, vel postea gratitudinis ergo, an Simonia? Sanchez opusc. tom. 2. lib. 2. c. 3. dub. 23. n. 7. & 8. negat.

IDEM Mor. Theol. Tr. 6. Exam. 2. c. 2. n. 14. Simonia ficta committitur, dum quis exterius rem spiritualement pro temporali promittit, vel rem temporalem pro spirituali, absq; animo tradendi, & se obligandi ad rem ipsam tradendam: & hæc non est verè simonia, sicut fictum aurum non est aurum.

SANCHEZ Sum. Casuum 1. 2. c. 38. n. 96. Quod si loquamur de pretio accepto pro hoc iudicio ferendo, Gratianus c. Qui habetis. 14. q. 5. docet, pauperibus restituendum tanquam turpe lucrum. Sed distinguendum est sic. Si nullam operam apposuit, ut arte diaboli id sciret astrologus ille, quod nullo alio pacto sciri potuit si ve effectus evenerit sive non, tenetur pretium restituere danti, quia nullam diligentiam adhibuit, sed casu effectus evenit, aut non evenit. At pecunia datur propter operam ab illo impensam, & quidem utilem ad effectum consequendum; sicut si medicus prorsus ignarus ac inutilia agro applicaret, teneretur pretium curationis agro restituere, quamvis casu liber à morbo evaserit. Et quamvis consulens astrologum in eare deliquerit, offerens pretium

tium pro re turpi, verior sententia habet, restituendum ipse, donec per sententiam condemnatur, ut id pretium amittat. Si vero astrologus ille vel divinator operam suam apposuit, & arte diabolici res ita evenit, non tenetur pretium restituere; quia ipse suam operam et si turpem apposuit, & acceptum pro opere turpi non est obnoxium restitutioni iuxta verior sententiam. Atque hac omnia docent Navarra ibid. n. 163. & 164. & Manuel. 1. Summa. 2. editione. c. 7. n. 4. Salas 1. 2. q. 9. a. 5. tr. 5. disp. 2. sect. 8. n. 79. fine. Adduntq; indistincte tñeri pretium restituere, quando res non ita evenit; sed non credo, quando ipse diligentiam adhibuit, arte diabolici ad eum effectum necessarium. Sicut medicus quando juxta artis præcepta medicatus est, non tenetur pretium restituere egro pereunti; quia ea diligentia à mago illo apposta est pretio æstimabilis. Nec in hoc casu tenetur damna & expensas consulenti restituere, sed tantum, quando nullam operam impendit, aut ejus diabolica artis ignarus erat. Et ita limitandum est, quod n. præced. diximus: quia quando operam suam impendit, non decepit.

LESSIUS de Just. 1. 2. c. 14. d. 8. n. 52. Dico I. Si solum jus naturæ spectetur, acceptum ob turpem causam, seu propter opus quod est peccatum opere impleto, non necessario est restituendum, si ve illud opus sit contra justitiam si ve non. 2. Quia ei si opus malum pro quo dedit, non sit æstimabile pretio quia malum, tamen quia delectabile vel utile uni, & alteri detrimentosum, periculosum, laboriosum, inter homines pretio æstimatur: ergo quod hac ratione pro eo est acceptum, non est restituendum; nisi fortè quis communem estimationem excesserit: ut si meretrix quæ usuram suam concedere solet uno aureo, ab aliquo juvene extorserit quinquaginta tanquam pretium. Hoc tamen locum non habet in ea, quæ putatur honesta, ut si matrona aliqua, vel filia centum aureos pro usura corporis accipiat ab eo qui dare poterat, retinere potest. Nam tanti & pluri potest suam pudicitiam æstimare. Res enim quæ certum pretium non habent, nec ad vitam sunt necessaria, sed voluptatis causa quaruntur, arbitrio venditoris possunt æstimari, ut probabiliter docet Petrus Navarra & alii.

Notandum tamen est Covar. & Cajet. excipere id, quod acceptum

ceptum est à Judice, ut injustam sententiam ferat: hoc enim putant jure naturæ esse restituendum; quia injusta sententia & perversio judicii non est res vendibilis, sed hæc ratio non est firma; nulla enim est causa, cur magis debeat jure naturæ restitui, quod acceptum fuerit pro iniqua sententia, quam quod pro iniqua occisione; quod tamen etiam illorum iudicio non est necessario restituendum.

Dico 2. Verius etiam videtur neque jure positivo id necessario restituendum.

Idem docent MOLINA Disp. 94. & 99.

REGINALDUS, lib. 10. n. 184. 185. & 178.

ESCOBAR Mor. Theol. Tr. I. Ex. II. c. 4. Praxis ex Societatis Jesu Doctoribus 96. *Potestne Sacerdos dum accepto stipendio pro altero celebrat, partem sacrificii sibi convenientem alteri applicare, & pro ea stipendium accipere? Posse sentit Filicinus, dum non tanquam pro integro sacrificio, sed pro parte, ut pro una tertia accipiat.*

IDEM Theol. Mor. Tr. I. Ex. II. c. 4. Praxis Societatis Jesu edit. Lugdun. An. 1644. p. 146. *Satisfacitne præcepto qui eodem tempore audit unam (Missæ) medietatem ab uno, & alteram ab alio? Ita planè ex Sanchez; quia Ecclesia præcipit ut Missa audiat, dua autem medietates unam Missam constituunt. Colligo posse te brevissimo temporis interstitio Missam audire; Si quatuor v. g. altaribus varia Missæ proportionata temporis anterioritate sic celebrentur, ut dum una inchoatur, secunda ab Evangelio tunc in consecrationem procedat, tertia à consecratione in consumptionem, quarta denique à consumptione usque ad terminum.*

BAUNIUS Mor. Theol. part. I. Tr. 6. de præcepto audiendæ Missæ q. 9. p. 312. *An præcepto de Missa audienda satisfaciat, qui audit partem ex alia Missa, quam ex priore omiserat?*

Dico satisfacere; quia ex duabus illis auditionibus integratur auditio præcepta. . . . Tertiò satisficit præcepto Ecclesiæ sistendo se Missis duabus modo dicto sic ut pars una unius, alterius altera audiat, si Ecclesia patiatur & velit præceptum suum hoc modo impleri: at vult, quia citati Doctores ita docent libris impressis, nec

ea reclamant ut deberet, si id non sufficeret, ut rectè docet de Koninch.

Quid si eodem tempore audiantur dua medietates sacrificii, initium quidem ejus ab eo qui illud incipit, & finis ab illo, qui in alio altari missam absolvit? Reginaldi opinio est, ejusmodi auditione officio non satisfieri... Contraria sententia est Molfesii To. 1. Tr. 3. c. 17. n. 36. Azor. p. 1. l. 7. c. 3. qu. 3. Antonii Diana Tr. 17. c. 3. Miscell. Resol. 18. Ratio est, quod Ecclesia tantum precipit, ut Missa audiat, at dua medietates unam Missam constituent... Sed hac sententia quanquam probabilis, tamen in praxi non est sequenda sed prior.

IDEM Theol. Mor. Tr. 1. Ex. 13. c. 3. Praxis ex Societatis Jesu Schola 32. Scio frangentem semel jejunium, non peccare sæpius comedendo: quia Ecclesia à secunda comestione solum precipit abstinere. Rogo an eadem sit ratio, si quis vorisset in pane & aqua jejunare? Ita plane. Nam si is semel vinum hausisset in notabili quantitate, non teneretur ab illo amplius abstinere.

Ibidem 40. Dispensatione carnis vescor die jejunii, debeone jejunare? Excusaris, ait Lessius l. 4. c. 2. dub. 6. n. 41. quia ad fragilitatis refectionem confert non solum cibi qualitas, sed etiam repetitio. Addit: Si dispensatus es eo quod alii cibi tibi noceant, non excusaris ob contrariam rationem. Ego cum Henriquez l. 7. c. 13. n. 12. absolute à jejunio libero dispensatum ad carnes, quia abstinencia ab his est de essentia jejunii.

Ibidem 45. An defessus ex quocumq; labore licito vel illicito obligationi jejunandi subjaceat? In licito v. g. pile defatigatione, & in illicito v. g. cum feminis commistione: Aliqui asserunt delinquere qui prævidit tali labore reddendum inhabilem ad jejunium. Alii putant absolute liberandum à lege jejunii; quia quo die obligat præceptum jejunii, jejunare non potest, quando vero labor habet licite aut illicite, jejunii præceptum non illigabat.

46. Excusantur ne ab Episcopalibus jejunii Regulares? Ita plane; quia Tridentinum obligans ad festa Episcopalia Regulares, haut efficit de jejunio memoriam. Suarius de Rel. 4. l. 4. c. 20. n. 8.

67. Dormire quis nequit nisi sumpta vespere cæna, tenetur ne
l 2 jejunare

jejunare? Minime. Si sufficit manè collatiunculam sumere & vesperi canare, teneturne ad id? Non tenetur. **QUIA NEMO TENETUR PERVERTERE ORDINEM REFECTIO-**
NUM. Ita Filiucius.

72. *Anticipatur sine causa hora comedendi die jejunii, solviturne? Minime; quia determinatio hora non est de essentia jejunii: at delinquetur venialiter, nisi sit exigua anticipatio, ut dimidia. Sic Filiucius. Colligo Religiosos habentes privilegium anticipandi prandium per horam posse sine ulla culpa per horam & dimidiam ante meridiem prandere.*

FILIUCIUS Mor. Quæst. To. I Tr. 7. n. 354. *Secundò quæro, quo pacto confessor explorare possit dolorem pœnitentis? Respon-*
deo & dico 1. Confessorem non posse licitè absolvere eum, qui non est bene dispositus ad recipiendam absolutionem.

*Dico 2. Hec dispositio in duobus est posita. Primò in displicentia præteritorum: secundò in proposito futuri. Primò ergo ad explorandam displicentiam tria observanda sunt. Primum quando ex modo se accusandi pœnitens præbet signa doloris, vel pœnitens est bene moratus, & serio se accusat, id satis est, ut sibi Confessor possit satisfacere. Secundum, bene semper faciet proponendo & consulendo detestationem peccati. Tertium quando non habet signa sufficientia doloris, debet interrogare an ex animo detestetur, et si affirmat potest & **DEBET CREDERE.***

Secundò ad explorandum propositum. Primum, eadem sufficiant quando est generalis tantum obligatio non peccandi: si vero adsit peculiaris obligatio restituendi, vel relinquendi occasionem proximam, dicam sequenti dicto. Secundum, non proponat Confessor difficultates multas in peccatis vitandis, unde pœnitens constituatur, in periculo non habendi efficax propositum in futurum; satis enim est proposita generaliter peccati fœditate, Dei bonitate, & periculo damnationis, inducere pœnitentem ad concipiendum generale propositum non peccandi amplius mortaliter. Tertium, non est necesse ut Confessor sibi persuadeat aut probabiliter iudicet futurum, ut pœnitens à peccato absteat: satis est quod existimet, pœnitentem, quando est absolvendus, habere pro-
positum.

postum illud generale quod diximus, quamvis illud sit per breve
tempus mutaturus. Ita omnes Autores ex Suare disp. 32. sect. 2. n. 2.

FRANCISCUS SUAREZ, Jesuita, in 3. Part. Tom. 4.
disp. 32. sect. 2. n. 2. In quo est secundo observandum, hanc dispo-
sitionem pœnitentis ex duobus consurgere, scilicet displicentia
præteritorum, & proposito in futurum. Et quidem quod displic-
entiam attinet, facile sibi potest satisfacere Confessor; quia si pœ-
nitens in ipso modo confessionis & accusationis sue præbet signa
doloris, vel certe si est homo non valde rudis, & apparet moratus,
nullam diligentiam in hoc tenetur Confessor adhibere: bene ta-
men semper faciet proponendo & consulendo detestationem pecca-
ti: & quando non habet sufficientia signa doloris, potest & debet
interrogare pœnitentem, an ex animo detestetur peccatum, cui af-
firmanti CREDERE TENETUR. Et hoc idem dicendum est
de proposito in futurum, quando ex Confessione non oritur specia-
lis aliqua obligatio restituendi vel relinquendi aliquam occasio-
nem proximam peccandi, sed solum communis & generalis obliga-
tio non peccandi de cætero.

BAUNIUS Theol. Mor. Par. 1. Tr. 4. de pœnit. q. 15. p. 137.
Dubitatur 12. an circumstantia recidivæ sit confitenda? Teneri
pœnitentem consuetudinem peccandi confiteri, si à Confessario in-
terrogetur, tenent Vasquez, Henriquez lib. 1. c. 8. quia consuetu-
do (inquiunt) peccandi arguit in pœnitente propositum infirmum
emendationis, maxime si hoc oritur ex proxima peccandi occasio-
ne, quam pœnitens tenetur refecare. Contrarium docet Sancius
in select. disp. 9. n. 6. & hac opinio priore videtur esse probabilior,
& sequenda in praxi 1. Quia Confessarius jus non habet inter-
rogandi pœnitentem de consuetudine peccandi, nisi eius rei gravem
causam habeat, quæ raro accidit. Deinde non est in eius iure af-
ficere pœnitentem dedecore, cognita eius peccandi consuetudine,
sed debet eum statim absolvere, si dolorem de præteritis concipit,
cum proposito futura emendationis.

IDEM Theol. Mor. Par. 1. Tr. 4. de Pœnit. q. 14. p. 93. &
94. An absolvi possit qui est in proxima occasione peccandi, quam
non vult omittere? Sciendum est primo, occasionum alias remo-

tas esse, proximas alias; sunt illæ, quidquid homini potest esse causa peccati; istæ autem, id est proxime, ut habent Naru. c. 23. num. 14. Graff. primo decision. c. 8. n. 4. Sanchez. Tom. 1. Moral. l. 1. c. 8. sunt id solum, quod in se est peccatum mortale, vel quod ex genere suo ac natura est tale, ut frequenter homines similis conditionis ad mortale inducat, & experimento constat, talem effectum in illis habere ut plurimum; unde Confessarius concludere prudenter potest, nunquam aut rarò tali occasione penitentem usurum sine mortali culpa, habita ratione tam loci, quàm temporis & aliarum circumstantiarum, quæ ad peccatum inducunt. Quo supposito.

Dico 1. regulariter absolvendum non esse, qui est in occasione peccandi proxima.... Dixi, regulariter; quia ex multorum sententia cuique licet exponere se periculo peccandi, cum de aliena salute, eaque promovenda agitur. Ita Castrus Palau in Opere Morali To. 1. Tr. 2. punct. 9. §. 3. n. 13. & 11. salis in 2. part. D. Thomæ. Tr. 8. disp. un. sect. 5. n. 60. Basil. Pont. de Matrim. l. 5. c. 35. n. 4. ajunt posse omnes ad infideles expeditionem facere, ut conversioni eorum dent operam cum manifesto peccandi periculo; licere item singulis lupanar ingredi ad odium peccati ingenerandum meretricibus, etsi metus sit, ac vero etiam verisimilitudo non parva eos peccaturos, eò quod malo suo sape sunt experti, blandis se muliercularum sermonibus ac illecebris flecti solitos ad libidinem. Quod etsi Lopez... alique non probent.... etsi inquam in ea sint opinione Doctores, ut existiment nefas esse, proximi iuvandi causa ultro salutem suam in discrimen vocare, nihilo minus eorum ego lubens subscribo sententia, qui secus quàm illi opinantur. Hi sunt Basil. de Matrim. in appendice cap. 6. Eman. Sa v. peccatum. D. Thomas 2. 2. q. 10. art. 9. (It faut remarquer que cette citation de S. Thomas est tres fausse: Observeri oportet hanc D. Thomæ allegationem esse falsissimam). Quin etiam tradit Basilius ubi supra, occasionem & PRIMO & PERSE, quæri posse, ob bonum nostrum aut proximi, tam TEMPORALE, quàm spirituale.

SANCIUS in select. disp. 10. n. 20. apud DIANAM 5. part. Tr. 14. resol. 108. Infero negandam non esse absolutionem ei, qui
sua

sua concubina, quam domi habet, mutuo dedit centum aureos, quorum recuperandorum spes nulla supererit, si domo illam eiciat. Velle contra si femina non recuperatura esset centum sibi debita, si domum concubinarium defereret. Dictum est enim supra, quod nullus tenetur occasionem proximam vitare cum magno suo detrimento, nec tunc dicitur velle occasionem, sed permittere; cum non abigere occasionem, non oriatur, quia velit pœnitens in illa permanere; sed quia velit non incurrere damnum, quod abjecta occasione obveniret. Unde nec tenebitur domo eicere concubinam, si concubinario sit nimis utilis ad lucrandum bona temporalia media negotiatione. Sicut enim qui dives est, & officio laborioso fungitur, ut ferrarii vel lignarii, adstrictus non est in die jejunii ab officio cessare, nec qui ad nundinas properat, tenetur in die festo Missam audire, si ob id occasio accedendi elabatur, quantumcunque intendat ad nundinas ire causa augendi lucrum: sic nec concubinam eicere erit obnoxius concubinarium, si ex ejectione magnum emolumentum esset non acquisiturus. Sufficiet enim proponere deinceps non peccare. Imò etsi concubina, nimis utilis esset ad oblectamentum concubinarium, vulgo Regalo, dum deficiente illa nimis agere vitam, & alia epula & adio magno afficerent concubinarium, & alia famula ad id nimis difficile inveniretur, eicere illam non erit concubinarium obligandus; quia oblectamentum dictis circumstantiis consideratum est majoris estimationis, quam quodcumque bonum temporale, ob quod fas erit cuique de novo admittere feminam ad sui famulatum, quantumcunque metuat labendi periculum, si aliam non inveniat paris qualitatis illis in rebus, quæ sibi sunt maxime utiles: si namque ob hanc causam jam receptam expellere non constringitur, eodem jure de novo admittere illam erit concessum.

BAUNIUS Theol. Mor. Par. I. Tract. 4. de Pœnit. q. 14. p. 94. Dico 3. cum, qui est in occasione proxima peccandi, absolvi posse, si dolorem de præteritis habeat, firmumq. propositum non peccandi in posterum, & simul justam causam non deferendi prædictam occasionem. . . . Probatur autem assertio 1. quia cum est iusta causa exponendi se peccandi periculo, pœnitens nec occasionem
vult

vult expresse & actu, nec peccatum ex ea consequens; sed commodum suum, nempe privationem damni infamæ, honore, pecuniis: quo non frueretur, si occasionem prædictam omitteret aut vitaret.... Vel præceptum de evitanda occasione est affirmativum, vel negativum: si primum, in necessitate non obligat: si secundum, non intelligitur vim habere, nisi in casu, quo quis voluntarie se in eam occasionem conjicit; quod non facit, cum iustam causam eam non vitandi habet, juxta Laym. supra. Deinde cum occasio peccandi nec ex se, nec omnibus sit mala, sed huic tantum, non potest in classem eorum operum redigi, quæ ex natura sua & à quocumq; fiant, semper sunt mala & nunquam admittenda: & proinde non valet hoc axioma in materia occasionum: Præceptum negativum obligat semper & pro semper; cum in iis versari liceat secundum Lud. de Beia proxime citatum, quando ratio aut honesta aliqua causa suadet eas non vitare, cum præteritorum dolore, & firmo proposito non peccandi iterum. Quin etiam tradit Basil. ubi supra, occasionem primo & per se quæri posse, cum est aliqua causa eam volendi ob bonum nostrum, aut proximi, tam temporale quam spirituale.

Sequitur ex dictis 1. absolvi posse feminam, quæ domi sue virum excipit, cum quo sæpe peccat; si eum honestè inde non potest ejicere, aut causam aliquam habet eum retinendi, dummodo firmiter proponat se cum eo amplius non peccaturam. Beja. & Nav. loc. citatis.

IDEM Theol. Mor. Par. 1. Tr. 4. de pœnit. q. 15. p. 96. Secundum, an adolescenti, qui gravia ad confessionem peccata adfert, maxime verò pollutiones crebras & tactus, impertienda sit absolutio TOTIES QUOTIES? Omnino, si eum sincerè præterite vitæ pœnitet, statuitq; libidini frenos injicere, ac à modo non peccare. Ratio præter citatas antea est, quod nec lapsu in culpam frequenti, nec specifica ratione ipsius peccati, de quo agitur, absolutione indignus censeretur. Non primo; quam enim multos alit Ecclesia, qui se ferè in horas ac momenta singula gravibus culpis commaculant, quibus tamen ad gratiam Deus reditum absolutione non negat? Non secundo, quia ab infirmitate nature, levi-
le vita-

levitate ingenti qua pueris est agnata, multum de gravitate culpa detrahi est certum. Nihil est ergo rationis, quamobrem toties quoties hi ius pertasi, ac certi de ea non iteranda ad sacerdotis pedes advoluti absolutionem ab eo sibi dari petent, illam non recipiant. An autem differri absolutionem interdum expediat, res est in opinione Doctorum. Differendam censent Azor tom. 1. l. 9. Inst. c. 28. q. 18. Lopez 1. part. Instr. c. 282. Ters. sed quid si Laym. supra. Dico ego, mihi videri rem committendam esse iudicio Confessarii, qui spectatis loci, temporis & personarum circumstantiis de re universa statuet, prout ad Dei gloriam ac penitentis bonum expedire iudicaverit: & quidem si aliquid opera studii que ad correctionem vite praterita penitens attulit, veroque dolore de peccatis tangitur, hunc absolvendum illico, nec remittendum ad tempus futurum puto; quia verendum esset, ne ea prorogatio noxa ei foret, ac majorum scelerum causam daret, videndo se rejectum ad tempus aliud, quod Confessario in primis est vitandum, cui penitentium salus cura esse debet.

Quid si saepe admonitus nihilominus non sapit? Quid si de emendanda vita promissa non fecit? Quid si in expurgando animo, tollendaque peccati consuetudine non laboravit? Indignum cum esse cui ad gratiam aditus per absolutionem pateat, dixere Ledesmato. 2. summa tr. 1. c. 9. Lopez 1. part. Instr. c. 282. VERA SENTENTIA eaque tenenda habet, ne tunc quidem absolutionem ei negandam esse, dummodo dolore necessario instructus, ad confessionem vite melioris consilium afferat, de quo Sacerdori, quantum fas est humanitus, ex signis aut ejus ore voceque constet. Sic Sanchez 10. 1. Moral. l. 2. c. 32. n. 45.

IDEM Theol. Mor. Par. 1. Tract. 4. de Pœnit. q. 22. p. 100. An danda sit absolutio confitenti saepe eadem peccata sine spe profectus? Negandam asserunt Azor tom. 1. l. 2. c. 3. q. 4. Suarez tom. 4. disp. 32. sect. 2. Graff. lib. 1. decision. c. 28. n. 23. Navar. c. 3. num. 11. Contraria sentiunt Vivaldus in Candelab. tit. de absolut. §. casus reservati. n. 43. Sancius in selectis disp. 10. n. 16. Diana Tract. 16. miscel. 2. resol. 45. Dico 1. Etsi penitens

consuetudinem peccandi habeat, jurandive, aut aliud simile quid admittendi, contra legem Dei, naturæ, aut Ecclesiæ, non est tamen ei neganda absolutio, si verè eum admissorum pœnitet, ac emendandi sui propositum habet. Ratio est, quod pœnitens post factam Confessionem cum dispositione ad gratiam necessariis, ius ad absolutionem habeat: non est hæc ergo ei neganda, alioqui fieret illi injuria, nec differenda sine ejus voluntate ac consensu.

Dico 2. nec negandam nec differendam ei, ET SI EMENDATIONIS FUTURÆ SPES NULLA APPAREAT. Primo, quia cum delectu talis spei concurrere possunt omnia, quæ ad absolutionem sunt necessaria, nempe confessio integra, dolor de peccatis, ac propositum firmum ac stabile ea vitandi in posterum. Secundo, quod quis culpam venialem, in quam sæpe labitur, non modo non corrigat, sed nec speretur correcturus, hoc non impedit, quò minus dictus pœnitens ab ea possit absolvi, quando ad confessionem afferet dolorem idoneum cum proposito sufficienti: at eadem est ratio peccati mortalis quoad hoc, quæ venialis: ergo ut hujus neganda non est absolutio, ita nec illius.

Majorem admittunt adversarii; quia relapsus in peccata venialia non est signum, inquiunt, defectus propositi adeorum remissionem necessari, cum hoc possit contingere ratione frequentium occasionum peccandi, quas non ita tenemur vitare in venialibus ac in mortalibus. Minor probatur. Non minus oportet pœnitentem de peccatis suis venialibus conteri, ac proponere ea vitare, quam mortalia, maxime si non confiteatur nisi unum veniale; quia defectus alterutrius reddit sacramentum invalidum & inutile. Ergo cum ex adversariorum sententia dari debeat absolutio de veniali, quamvis occasio ejus admittendi non sit præcisa, impertinenda est quoque, inquit Saneius supra, respectu mortalium, quando aderit dolor & verum propositum ea cavendi in posterum, quia ius ad absolutionem pœnitenti competit, & ad eam dandam nihil necesse est Confessarium scire, an pœnitens sit in occasione peccandi necne, dato quod eam vitare nequeat, eo quod eum teneatur absolvere, sive occasionem cognoscat, sive non.

ESCO.

ESCOBAR Tr. 7. Ex. 4. n. 91. *Ob malum æternum debet quis pœnitere? Ita planè, ut attritio sufficiat cum sacramento. Annon sufficit ob malum temporale v. g. salutis corporeæ nocumentum; bonorum amissionem &c. Negat Suarius disp. 20. sect. 2. quia aliàs sequeretur, peccatorem posse se disponere ad sacramentum & illius effectum solis naturæ viribus. At Hurtado citatus distinguit: si quis doleat de peccato, propterea quod Deus in pœnam illius malum temporale immisit, SUFFICIT: si autem doleat sine ullo respectu ad Deum, non sufficit.*

HURTADO DE MENDOZA De sacr. disp. 6. de Pœnit. diff. 5. apud DIANAM Part. 4. Tr. 4. Misc. Resol. 193. *Aliqui docent, & merito, attritionem & dolorem peccatorum ob malum temporale cum respectu ad Deum, à quo immissum aut immitendum est in pœnam, id est dolorem de peccato; quia Deus immisit aut immittere dictum malum (ut revera fieri potest, quia quodcumque malum quod non fit culpa à Deo immititur) sufficere ad effectum sacramenti pœnitentiæ, non vero ob malum temporale, ut aliunde proveniens, vel eventurum absque respectu in Deum.*

AMICUS Tom. 8. disp. 3. n. 13. *Ex dictis deducitur, primò non modo dolorem peccati propter gehennæ metum, sed ob quasunque pœnas à Deo infligendas, etiamsi temporales sint, ut propter pœnas purgatorii, corporis ægriitudines, damnum & amissionem bonorum temporalium, esse sufficientem dispositionem cum sacramento pœnitentiæ ad justificationem.*

Sequitur alia etiam farrago Assertionum Probabilitatis fundamento innitentium, à Patrochis Parisiensibus ex Caramuele, Mascarenhas & Escobario collecta, & Clero Francico exhibita Anno 1656. d. 14. Novemb.

CARAMUEL Theol. Fund. p. 132. *Opinio cuius nec veritas nec falsitas demonstratur, si sit valde verisimilis, nominatur probabilis; & quidem probabilitas nascitur ex gravi motivo, quo quis ad assentiendum inducitur; & est duplex: Rationalis, Authenticaque. Illa consistit in ratione; hac in Autorum numero.*

Sive dicatur altera propositio altera verior, sive non, in probabilitate admittere gradus debemus, & asserere alias propositiones esse probabiliores, & alias minus probabiles. Omnes opiniones probabiles sunt secundum se aequè tute. Benigniores etiam si minus probabiles, per accidens sunt securiores.

Sed quid requiritur, ut sententia probabilis sit à ratione? Ut non sit evidenter falsa, &c.

Et quid ut sit probabilis ab autoritate? Ut defendatur à probis & doctis: Sed quot? . . . Stando communi Doctorum sententia, ad probabilitatem authenticam sufficiunt quatuor.

Ut una opinio sit probabilis, alterutra probabilitas sufficit: neutram habere debet quæ improbabilis. Probabilitas etiam minor excusat coram Deo.

IDEM p. 137. Communis Theologorum sententia postulat quatuor Autores in re quæ à multis tractatur: in hoc enim saltem omnes conveniunt, quod opinio quatuor Autorum sit probabilis. Sed contra ego hanc rationem efformo, quæ solutione huc usque caruit. Quidquid testantur quatuor Autores, est probabile. Sed ad probabilitatem non requiri quatuor Autores, quatuor testantur, imò viginti, aut plures. Ergo opinio unius Autoris est probabilis.

IDEM p. 138. Quid est demonstrare rem esse illicitam? Demonstrare eandem non esse probabilem, Definitione XIV. libri Patris n. r. p. 4. sic inquam: Qui rem esse dicit illicitam, ad multa tenetur. Primò enim debet ostendere rationes, quæ malitiam probant, esse demonstrativas, nempe tales, quibus dari responsio probabilis non possit. Secundò debet etiam ostendere rationes, quæ bonitatem probant, ne quidem probabiles esse. Ostendet si omnibus ad unam dederit solutionem, quæ evidenter sit vera. 3. Etiam debebit evidenter ostendere partem illam quæ bonitatem adstruit, non habere sufficientes auctoritates, ut dicatur probabilis. Hæc omnia tria simul ostendere ille debet, casurus causa, et si duo ex illis ostendat, modo unum non ostendat.

IDEM p. 39. Quidam Episcopus in Belgio interdixit Ant.

Diana

Diana resolutiones; iussuque ut nemo venderet, emeret, legeret, aut haberet. Et Bibliopola solliciti interrogabant, possetne liber ille interdicti?

Respondi illis . . . Si Dianæ libros Episcopus ille interdixit ut merces, viderint Consules & Reip. Patres, ad quem pertineat interdicare merces . . . Si eosdem interdixit ut nocivos per accidens, nullam injuriam Diana intulit, & suo fuit usus jure: nemo enim in sua domo tenetur tolerare librum etiam bonum, qui suis sit perniciosus per accidens. Quod si illos condemnavit, hic jam haberent docti aliquid, quod patienter tolerare non possent: non enim damnari possunt libri, qui à doctis leguntur, approbantur, laudantur.

IDEM p. 393. Hæc ego syntheses subieci examini, ne mea sensa producerem, sed grandium potius Theologorum sententias, quas rejicere sit temerarium, cum impossibile sit probabilem condemnare sententiam; & impossibile eam non esse probabilem, cui multi Doctores subscribunt. Qui enim propositioni à multis viris doctis asserta neget probabilitatem, hic negat lineæ longitudinem, superficiæ latitudinem, & corpori profunditatem: hic negat definitionem definitio competere. Nam propositio probabilis, si agamus de Authentica probabilitate, **QUA THEOLOGIAM NOSTRAM STABILIMUS**, illa est, quæ ab aliquibus magnis viris asserta.

In hunc scopulum impiegit quidam præcipue Antistes, qui simul admittebat easdem propositiones esse Doctorum plurium & easdem improbabiles esse: sed quid faciemus, aut dicamus homini incapaci doctrina! Quicquid hunc errorem non percipit, ut verum addiscat est incapax.

IDEM p. 89. Nulla ex prædictis synthesibus aliter potest sua probabilitate privari, quam si contradictoria transeat in articulum fidei. Patet, quia opinio probabilis est, quæ à magnis & multis defenditur. Et tamen humanitus non poterit fieri, quod illi Doctores, qui subscribunt, multi aut magni non sint. Vel finge quemcunque casum possibilem præter definitionem Ecclesiæ; congre-

gentur universi Europæi, docti, indocti, magni, parvi; non tamen poterunt facere aut verè definire viginti non esse viginti, aut viros eximios & summarum Academiarum lumina non esse magnos. Videas igitur quàm stupide TITIVS contra tot Academiarum illustrissimarum soles fuerit ausus. Et invidia ignorantis condoleas.

IDEM p. 652. de Secreto. Scripsit eruditissimum tractatum DIANA de Confessionis sigillo (est partis quinta undecimus) & in toto severissimè philosophatur, & merito: injuria enim sunt Christo & sacramento omnes laxæ sententiæ, quæ in hac materia circumferuntur. Utinam cum agitur de sacramentali sigillo esset bona consequentia hac: Opinio laxa condemnatur a DIANA: Ergo est improbabilis; ego enim nihil scribere aut vociferari delem: at quidquid DIANA & alii clament, opiniones contrariæ dicuntur manere probabiles, & petram offensionis non tolli; & ideo unam aut alteram questionem adjungo, &c.

IDEM p. 545. Puto hanc debere positionem admitti. Quando occurrit materia, de qua in terminis & ex professo unus solus Autor gravis tractavit, ejusdem Autoris resolutio dicenda est moraliter certa (hoc est omni probabiliore securior) quousque dentur Autores etiam graves, qui in terminis illam impugnent; tum enim remittet certitudinem & incipiet esse Probabilior, æquè probabilis, minus probabilis, prout adversarii pauciores, vel plures; & tunc demum improbabilis erit, cum ab universis rejicietur. Cum igitur hanc questionem in terminis tractarint pauci, omnesque stent ab AMICO, nemo in terminis contra: (nam DIANA, ut statim videbimus, contra non est, & ut esset, solum inde sequeretur, ut plurimum contrariam etiam esse probabilem, quod non admitto, & demonstrabo inferius; qui enim AMICI doctrinæ contradicunt, inconvenientia politica assignant; ac si ex veritatis notitia non orirentur quotidie in aliis materiis plurima inconvenientia) sequitur resolutionem AMICI esse certam & indubitam ab extrinseco.

IDEM p. 549. Anne eadem doctrina (AMICI de occidendo calum-

calumniatore poterit admitti stando iure civili aut canonico. Respondeo hanc quam modo proponis esse quæstionem de facto, nec à speculatione pendere. Addo AMICI doctrinam esse novam & legibus vulgatis JUNIOREM, atque adeo nihil de illa à Pontificibus, aut Regibus fuisse dispositum.

CARAMUEL p. 549. Dices ex hac doctrina multa suboriri inconvenientia, & ideo rejiciendam esse. Et respondeo hanc, ex aut tali assertione magna pericula & damna suboriuntur, ergo est falsa, non esse bonam consequentiam. Hinc est quod ego judicem, summa inconvenientia sequi ex multis opinionibus quæ hodie circumferuntur, nec tamen ideo illas improbables esse. Multa enim suboriuntur ex restrictionibus mentalibus; multa ex occultis compensationibus; multa ex licentia occidendi injustum iudicem aut testem, quam nonnulli concedunt; multa etiam ex illa opinione, quæ docet de occultis non judicare Ecclesiam; multa ex aliis; quibus tamen non obstantibus inconvenientibus illa sententia in terminis, quibus hodie in scholis traduntur, sunt ut minimum probabilissima, & à nemine damnari possunt.

IDEM p. 550. Hinc patet Logicam reformari debere, & totam illam Dialecticam partem, quæ à simili, ab exemplo, à minori ad majus, à majori ad minus, ab impossibili, ab inconvenienti, ab absurdo, & innumera alia, quæ ab Autoribus passim traduntur, in Moralibus claudicare, & expungi, aut rescribi debere. Hanc ego ob causam Moralem Grammaticam, Moralem Logicam, & Moralem Philosophiam scripsi, quas præmittam Novæ totius Theologiæ Moralis editioni, quam apparo.

IDEM p. 552. Non volo examinare, utrum hac opinio sit probabilis? (licitum esse fugientem insequi ad recuperandum honorem propter acceptam alapam vel fustem, illumque vulnerare & percutere.) Malo enim id supponere; quis enim probabilitatem extrinsecam negaturus erit sententia tanto & tantorum scriptorum numero stabilita? Quis intrinsecam tantis rationibus firmata? Sed infero. Ergo qui fecerit quod hac opinio esse licitum docet, non operabitur suadente diabolo, nec poterit probabiliter dici culpam mortalem commississe.

IDEM

IDEM p. 550. Probo Minorem etiam, videlicet esse probabile non peccare mortaliter, qui imponit falsum testimonium alicui, ut suam iustitiam & honorem defendat: quia illud est probabile, quod asseritur à viris doctis probisque; & hac doctrina habet pro se viginti aut plures viros magnos & doctos, qui si dicantur non sufficere, vix ulla erit opinio probabilis in Theologia. Vide Casparum Hurtadum dis. 4. de reo. diffic. 1. Dicast illum de Just. l. 2. tract. 2. disp. 12. part. 4. dub. 2. n. 404. Dianam part. 9. tract. 8. resol. 43. p. 356.

IDEM p. 202. Ut Judicem integerrimum agas, inquiris primò, An punire illum possis, qui secutus opinionem probabilem? Secundò, An excommunicari possit inobediens, si pro se opinionem probabilem habeat? Tertio, An qui occiderit ob defensionem vitæ? Quarto, An qui occiderit ob defensionem honoris? ... Et ad omnia dubia respondeo negativè. HÆC OMNIA MIHI CLARA ET CERTA.

IDEM in Commentario in Reg. S. Benedicti l. 1. n. 65. Petrus secutus opinionem benignam probabilem, non satisfecit mandato sui Abbatis in casu, in quo probabiliter non tenebatur obedire, & probabilius tenebatur. Prælatus subscribens sententia severiori iudicat illum debuisse obedire, ac propterea peccasse. Petitur, an possit contra illum procedere, & punire tanquam inobedientem?

66. Sublato omni scandalo & aliis extrinsecis inconvenientibus, quæ communiter in talibus casibus reperiuntur; si id acciderit, ut ponitur, putà si secretò contigerit, aut coram doctis, qui scandalum pati non possunt sine causa; respondeo Petrum non peccavisse. Addo posse Prælatum subscribere alterutri opinioni, ac propterea censere Petrum habuisse obligationem obediendi, sed illam invincibiliter ignoravisse ductum opinione probabili. Nilominus temere iudicat Prælatus eum peccasse, quia improbabile est eum peccare, qui sequitur opinionem probabilem, ut num. 59. ostendi. Cum ergo improbabile sit Petrum peccavisse, injustus erit ille Antistes, qui contra illum procedet: quia ubi non est culpa, nec medicina est opus nec pœna.

IDEM

IDEM in Epistola ad Anton. Dianam. p. 24. Quibus autem posteriores (sententia mitiores) arrident, non solum milites sed VIRGINES etiam appellantur. Sed cur? Exponam breviter. NAVARRUS & quotquot internam attentionem requirunt, in officio divino verbi gratia, considerata vivacitate humani ingenii, concludunt, vix aut ne vix quidem posse hominem satisfacere sine aliqua distractione veniali: Sic de preceptis aliis pariformiter philosophantur: at nos, qui contrà generosè sentimus, & sensum nostrum armato ratiocinio firmamus, non solum milites, sedet VIRGINES sumus; possumus enim ita Horis, aut aliis etiam Ecclesia preceptis satisfacere, ut ne in levem quidem culpam labamur. Pro latro enim & quacunque alia extrinseca operatio, est facillima; & humana Principum leges (Ecclesiastica aut seculares sint) non precipiunt internas. Porro conscientia qua sine veniali operata est, Virgo est; & fortissima miles, qua vinci non timet, nam invita non potest. Sic sentimus, & quia hac nos conducit Regularis hic Agnus, dum philosophamur, generosè & clementer, sequimur AGNUM (nimirum DIANAM) quocunque ierit. Certi enim sumus, tanto illius dogmata Theologorum firmari numero, ut quarenti, an hoc aut illud liceat? sufficiat respondere, ΑΥΤΟΣ ΕΦΑ, hoc est, DIANA DIXIT.

IDEM p. 134. Solent aliqui angī scrupulis & suadere, solent etiam precipere viam tutiorem in materia probabili. At ipsi videbantur mihi non percillere Probabilitatis essentiam & ideo in Commentario meo in Regulam D. Benedicti Disp. 6. de Opinione probabili n. 58. & 61. duas Theses posui. Prima erat: Omnes opiniones probabiles sunt per se æquè tutæ & securæ. Secunda: Benigniores etsi sint aliquando minus probabiles, per accidens sunt semper utiliores & securiores. Rationem dedi: & quia est solidissima, nec formam nec materiam mutabo. Primam ego sic probo: Illa opinio est tuta & segura in conscientia, qua si juxta illam exactè opereris, te liberabit à mortali & veniali: at hæc æque præstabit quacunque probabilis opinio: Ergo quacunque est æquè tuta & segura. Secundam sic: Inter duarum opinionum, aliàs æquè tutas & securas, si exactè opereris illa tutior & se-

curior dicenda adhuc erit, juxta quam certius præsire poteris te operaturum exactè: Atqui hoc habent sententia benigniores: cognita enim humana fragilitas, nos in suspensionem ac diffidentiam nescio quam inducit, cum proponuntur res ardua & difficiles, quæ abest aut cessat cum proponuntur faciles. Rem exemplo dilucido. Debeo legere Officium divinum: & quia duæ dantur opiniones probabiles; altera, quæ internam attentionem requirit, altera quæ non requirit; tamen si sit verior & certior hac posterior, ponamus uberioris doctrina gratia, internam attentionem probabilius requiri. Sed quam tunc opinionem habebo? Tutiores ais. Acquiesco; at interrogo, utra sit tutior? Porro si exactè, juxta severiorem operaturus sum, utraque est aequè tuta: & si attentionem internam habuero, seu priorem, seu posteriorem sequar, non peccabo. Sed quis me securum & tutum reddet de attentione? quis spondebit mihi, me sine distractione Horas Canonicas recitaturum? Ergo prævideo periculum non ortum ab opinione severiore, sed à propria fragilitate; periculum tamen quod severiorem opinionem comitatur, & adesse benigniori non potest. Ergo benignior, et si supponatur esse minus probabilis, est securior & tutior. Rem eandem illustro aut exemplo altero, aut priori ulterius nonnihil promoto. Sic discurre. Habes opinionem severam. Bene est. Provolueris ad pedes meos, & statim fateberis distractiones in oratione & officio venialiter ut minimum peccaminosas. Propones scrupulos, & te non raro relegisse aliquas horas dices, quia debitam attentionem habuisse non putabas. Audio patienter singula, & interrogo, an vel unica die legeris officium Canonicum sine distractione veniali? aut certò aut probabilius negas, dicesque vix id esse possibile viro ingenioso & multis negotiis implicato. Finem imponis confessioni, & absolveris. Surgis, & oro ut me sacramentaliter audias. Acquiescis, & meas ego culpas. (heu nimis multas!) qua possum contritione confiteor, & de officio divino ne quidem verbum ego. Petis an non peccaverim in horarum lectione? & respondeo, Me tota hebdomade, toto mense, toto anno, &c. legisse sine culpa veniali: & me non peccavisse venialiter.

dialiter, tam certò scire, ut possim juramento firmare. *Annon miraberis? annon pia quadam devotione inuidebis? Omnino. Sed unde ego hanc immunitatem obtinui? Respondebo. Homo sum temetipso fragilior, pradius acri & igneo ingenio: uno momento caelos verso, alitero ad subterranea trãseo. Nulla in oratorio moveatur musca, qua mihi non sit impedimento. Attendere lectioni desidero, & quam possim attendo, sed distractiones non evito; involuntarias millies, interdum etiam voluntarias: & nihilominus nullo crucior scrupulo, nullo dubio angor, quia prudenter suppono, me ad actionem internam non teneri: eam habere bonum esse, & ea carere, nequidem esse levem culpam; me ad lectionem tantum & attentionem externam obligari. Me legisse totum quod Rubrica jubent, certò scio; ita certò ut possim jurare. Ergo me ne venialiter quidem peccavisse in hac materia certo scio, & ita certò ut possim jurare. Habeo igitur immunitatem, securitatem & tranquillitatem, quibus cares, & quas habere poteris, cum volueris. Est enim tibi liberum deserre opinionem probabilem quam habes, & contrariam opinionem amplecti. Hac certa sunt & valde notanda in praxi.*

IDEM CARAMUEL p. 143. *Hæc ego Theses tanquam certas assumo.*

Prima. Qui ex duabus opinionibus probabilibus nunc sequitur alteram, potest sequenti momento licitè tenere alteram. Hanc iudico luce meridiana clariorem. Sed neque illam non admittit Lugo; ait enim num. 48. Ego tamen non facile id concedam: & aliud est, me iudice, unam propositionem non concedere, & aliud illam quidem concedere, sed non facile: Quam differentiam altè intelliget, qui legere historiam sequentem dignabitur. Vidi semel ingeniosum & doctum subditum nescio quid à severo Abbate postulare. Negat iste: instat alter iterum iterumque: & tunc Abbas: Concedo licentiam, quam postulat; sciat tamen me illibenter hoc facere. Et illi subditus: Nunquam ego petii quod libenter hanc licentiam concederet, sed quod concederet. Ergo similiter ad nostrum casum. Hanc Thesin concedit Lugo, sed non facile; Et ego ajo, modo illam concedat, me non curare, utrum illam concedat facile, vel non facile.

Secun-

Secunda. Ex hac libertate nullum præjudicium tertii sequitur, & multa inconvenientia & damna tertii consequuntur. Nullum sequi præjudicium ostendo; quoniam qui suo utitur jure, etiam cum damno tertii, nemini præjudicat: est enim præjudicium non qualecunque damnum sed illatum injustè. At omnia illa inconvenientia quæ enumerat Lugo, ex hac doctrina sequi certum est, justè tamen.

Tertia. Hac est mala consequentia; Ex hac doctrina magna inconvenientia sequuntur; ergo non est probabilis. Patet, quia ex certissimis & evidentissimis propositionibus magna damna aliquando sequuntur, & nihilominus sunt vera.

Quarta. Hac propositio, Ecclesia quæ jejunium, officium divinum, &c. præcepit, compræcipit ne quis mutet sententiam probabilem eo casu, quo ex tali mutatione hac præcepta posse non observari sequeretur, est falsa. Cum vidit Lugo ex natura rei manere libertatem mutandi opinionem probabilem, confugit ad superius præceptum. Sed hoc effugium nullum est; quia habere hanc vel illam sententiam, est actus merè internus, nec humana auctoritati subditus. Et si diceretur Ecclesiam de occultis judicare, fortè adderem Ecclesiam compræcepturam fuisse, ne quis casu posito opinionem mutaret, si hic casus fuisset illi propositus; nam aliud est, Ecclesia præcepit, & aliud, Ecclesia præcepisset si prævidisset hoc. CERTUM EST ENIM PRÆCEPTA HÆC ESSE ANTIQUISSIMA, ETHAS SUBTILITATES AB ANNIS PAUCISSIMIS MOTAS. Dico igitur veteres Legislatores hac inconvenientia non prævidisse. Suspicio eos, si illa prævidissent, laturos fuisse aliquam legem circa mutationem dictaminis probabilis; non quæ respiceret actum purè internum, sed quæ opus externum, puta si Ecclesiasticam diem juberent juxta primum horologium servari. Addo ejusmodi legem nondum latam. Et subjicio motus novis dubiis, & novis cognitis inconvenientibus, expedire ut nova lege Ecclesia veterem legem propugnaret.

Quinta. Qui inquit contractum merè probabilem, si suo jure cecidit, tenebitur stare contractui; aliàs non. At si mutet dictamen,

men, inquit, procedet in præjudicium tertii. Nego præjudicium, & concedo liberè tertii vel iacturam, vel damnum: quoniam si tertius hoc prævidit, & adhuc inivit contractum, sibi imputet, qui socium potuit strictius obligare, & omisit: Si non prævidit hoc damnum, enumeret inter infortunia, quæ ignoranter frequentissime incurrimus, & solam accuset ignorantiam.

IDEM p. 139. Propono alterum. (Petrus die Sabbathi, sub mediam noctem, ut primum audivit duodecimam, comedit carnes, & postquam satur excessit è mensa, audivit aliud horologium, significans horam duodecimam. Die sequenti communicare vult, & sic discurret. Horologia habent opinionum probabilium virtutem. At ego comederam ante quam tale Horologium sonnerit. Ergo probabile est quod comedi ante duodecimam: Ergo probabile quod sim sejunus. At opinioni probabili conformare conscientiam possum: Ergo potero communicare.) Et volo scire cur communicare non possit; nam stando doctrina præcedenti potest: & ego in toto hoc Petri discursu, quod possim aut negare aut reprehendere, non invenio.

IDEM p. 138. His principiis insistens proposui casum difficilem in Comm. in Regulam S. Benedicti Disp. 117. n. 1446. quem ex dictis poterit quicumque resolvere. Ille erat (Paulus ingressurus navim maioris commoditatis gratia contulit secum Diurnale subscribens Thoma Sanchez in sum. Tom. 1. c. 19. n. 8. affirmantis legentem ea quæ continentur in Diurnali, officio divino satisfacere. Postquam autem solverunt è portu, mutavit dictamen, & secutus sententiam Joan. Sancio in select. disp. 15. n. 2. asserentis, in Diurnali non contineri integrum officium divinum, ac proinde carentem Breviario, licet Diurnale habeat, non teneri legere officium divinum; illud non legit.) Sed quomodo respondendum hanc difficultatem proponenti? In loco citato hac scripsi. (Ut exactè respondeam, opus est omnes circumstantias expendere. Paulus primò Sanchezii sententiam sequebatur, & bene faciebat, quia est GRAVIS autor ac probabilis ejus sententia. Ex vi hujus dictaminis, potuit sine culpa gravis scrupulo relinquere

Breviarium in terra, & solum conferre Diurnale. Secundo asseritur Paulus mutasse dictamen, & hoc humanum est & rationale. Homo non est suarum opinionum mancipium. Cum probabile dictamen mutat, utitur sibi cælitus concessa libertate, & bene facit. Fidei orthodoxa, dogmatibus, demonstrationibus ac principiis per se notis subest ingenium: probabilibus sententiis superest. Ideoque quam liberè sententiam Sanchezii approbavit, tam liberè potuit illam dimittere. Potuit igitur Paulus sine conscientie scrupulo mutare dictamen; & valedicens uni Autori, sequi alterius opinionem probabilem. Tertio dicitur Paulus voluisse uti Diurnali, & defectu Breviarii multis diebus, quibus in navi fuit, horas non recitasse: nec tamen peccavit mortaliter; operabatur enim juxta conscientie dictamen, quod erat probabile ac prudens, subnixum Sancii autoritate.

IDEM p. 144. *Sed quid si Paulus cum habuit primum dictamen, etiam habuit simul intentionem illud mutandi? Negat hanc mutationem posse fieri Cardinalis de Lugo, &c. Hæc dicta sunt in opinione admittentium actus voluntatis virtuales & interpretativos, quos permulti negant. Quod si partem probabiliorum sequaris, & adseras, non dari interpretativos volitiones, &c..... Suppositionem debebis admittere..... Dices quando Paulus ingressus est navim, voluit mutare dictamen? Ergo voluit non legere. Patet quia ex mutatione dictaminis inferebatur lectionis omisso. Ergo peccavit graviter: quia mortifere peccat, qui vult non legere cum potest, & Paulus antequam e portu solveret, poterat conferre Breviarium & legere. Multa hic confunduntur, quæ expenderem, nisi timerem censerī nimis prolixus. Respondeo itaque concedendo, Paulum, cum ingrederetur navim, voluisse mutare dictamen: & distinguo Consequens. Voluit ergo non legere, hoc est omittere horarum lectionem, quam tunc iudicaturus erat obligatoriam, nego: illam quam tunc iudicaturus erat non obligatoriam, concedo. Ergo peccavit graviter; Nego subsumptam consequentiam. Ut enim actio non sit peccaminosa, correspondere debet prudenti dictamini, non futuro aut præterito,*

terito, sed illi quod est præsens, quando illa fit, & omisso autem officio divini, licet esset contra dictamen, quod habiturus erat Paulus, cum lectionem erat omisurus.

IDEM CARAMUEL p. 205. Nolo examinare an iudicet de occultis Ecclesia? Negativam esse probabilem sententiam suppono; & inquirō, an posito quod non iudicet de illis quæ sunt per se occulta, iudicet de occultis per accidens? Respondent communiter, quod sic. Et tamen ego volo videre unam rationem, quæ probet Ecclesiam non iudicare de occultis per se, quæ tamen non æquè probet, eandem non iudicare de occultis per accidens. Ideo, inquirunt, Ecclesia non iudicat de occultis per se, quia illa non potest cognoscere per se: ergo ipsa per accidens carebit autoritate iudicandi de illis, quæ cognoscere non possit per accidens; eundem enim effectum, quem causa per se dat per se, causa per accidens dat per accidens. Nam si ignis est calidus per se, & opponitur frigori per se, aqua dum est calida per accidens opponitur frigori per accidens.

Ut hanc doctrinam firmem, produco DIANAM, qui part. 2. tract. 12. resol. 2. interrogat, An qui voluntarie distractus horas recitat, precepto Ecclesiæ, & capiti Dolentes satisfaciat? Respondetque benignè & doctè; & ut responsionem suam firmet, nititur hoc argumento. (Nemo potest precipere aut vetare, quod non potest punire: sed non potest punire, quod non potest cognoscere & iudicare; sed Ecclesia extra confessionem non potest cognoscere & iudicare actus internos: Ergo dicendum, quod non potest eos precipere aut vetare.) Et ex his fundamentis statim argumentis opposita sententia satisfacit.

At ego doceri à DIANA velim, an hoc eodem argumento, quo attentio interna excluditur, non possit etiam æquè excludi lectio occulta privata? Peto, an quando non dantur testes & arbitri, teneatur aliquis legere Horas Canonicas privatim? Respondet Titius negativè, ingenio DIANÆ (imò aliorum, qui ejus sententiam amplectuntur) usus aut abusus sic inquit Nemo potest precipere aut vetare, nisi possit punire; & nemo potest punire,

nire, nisi possit iudicare: & nemo potest iudicare, nisi possit cognoscere. Ergo si res sit per se & essentialiter incognoscibilis, erit per se & essentialiter injudicabilis, per se & essentialiter impunibilis, & per se & essentialiter impræceptibilis. Ergo si res sit per accidens incognoscibilis, erit per accidens injudicabilis, per accidens impunibilis, atque etiam per accidens impræceptibilis. Atqui lectio Horarum occulta, & etiam omisio ejusdem lectionis occulta per accidens est incognoscibilis; (superior enim, qui externos subditorum actus verè occultos & secretos cognosceret, non esset iam homo, sed Angelus.) Ergo per accidens est injudicabilis. Ergo per accidens est impunibilis. Ergo per accidens est impræceptibilis. Ergo per accidens accidit superioribus, quod non possint interdicare actiones aut omissiones secretas & occultas per accidens. Huic rationi addit vires Tridentinum Concilium sess. 24. c. 1. Ibi enim agit de inconvenienti plurimo, quod ex matrimonio clandestino suboritur; & ait: Cui malo cum ab Ecclesia, quæ de occultis non iudicat, succurri non possit, nisi efficacius aliquod remedium adhibeatur, &c. Ex quibus verbis hoc potest argumentum formari. (Ideo Ecclesia de clandestino Matrimonio non iudicat: Ergo illa occulta, de quibus illa non iudicat, non sunt tantummodo occulta per se, sed etiam occulta per accidens: quia matrimonium clandestinum non est occultum per se, sed per accidens.

Videtur huic subscribere opinioni Escobar. Moral. Theol. Tract. I. Exam. 7. c. 3. Nam secutus Sanchez, Comitolum, Fagundez & Sa, docet eum, qui ex occulto duellum respicit, non incurrere in excommunicationem.

Bone Deus si hæc opinio semel admitteretur, actum esset de tota aut ferè superiorum autoritate. Subditi obedirent ad oculos, & privatim omnia mandata (Ecclesiastica aut secularia) temerarent. Nemo peccaret, qui secretò comederet carnes diebus Veneris: nemo qui diebus jejunii secretò comederet tertio vel quarto: nemo qui secretò omitteret officium divinum. Nimia omnia & improabilia, ET TAMEN LEGITIME ILLATA EX

DO-

DOCTRINA PROBABI: *Ut video* EX HAC DOCTRINA ORIRI IN NOSTRIS SCHOLIS POSSIT INDEPENDENTIUM ILLA HÆRESIS, quæ ab annis pauculis inficit Angliam. Quærenda igitur est ratio probabiliore certior, quæ hanc doctrinam perniciosam debellet. Ergo, Theologe Lector, me iuva. Ergo vel mihi ostende, cur antecedens non sit probabile, aut cur consequens sit probabile: aut tandem ostende errorem in argumentationis nostræ formæ, quoniam doctior esse desidero, nec aptos Magistros invenio.

CARAMUEL p. 216. Si me amas, Lector, & Doctrinæ consequentiæ sectariis, responde obsecro mihi, anne possim simul eodem tempore duabus ejusdem præcepti partibus satisfacere? Asserant omnes, qui tenent me posse simul tempore audire duas Missæ partes. Vide DIANAM p. 2. tr. 17. resol. 18. Infero: Ergo si eodem tempore possumus, etiam eadem actione, Concedisne omnia? Ergo prosequere, & responde sequentibus.

P. 217. De confessione & communione annua: An unica duorum annorum obligationi satisfaciat? Præcepit Ecclesia, ut singulis annis confitearis, & sanctam Eucharistiam recipias; & determinat ad tempus, nimirum à Dominica Palmarum ad Dominicam Quasimodo. Ergo his diebus poterit Petrus communicare, ut satisfaciat præcepto anni elapsi. Ergo his etiam diebus poterit, ut satisfaciat præcepto anni futuri. Ergo si bis communicet, semel pro anno priori, & semel pro posteriori, duobus præceptis & pro duobus annis satisfaciet. Admittuntur istæ tres consequentiæ communiter. Sed quid, si semel tantum communicet? Anne unica ille communione pro duobus annis satisfaciet? Probabilissima est assertiva sententia.

Ibid. de lectione diurna: An unica lectione aliquis duorum obligationi satisfaciat? Multum debent Dialectica cætera Facultates, & Theologia Moralis plurimum; multa enim opiniones in illa sola rationis paritate probantur. Peto igitur, utrum ille, qui vespere Matutinas & Laudes recitat, duorum diurnum satisfaciat obligationi? Ante questionis resolutionem suppono primo, posse

Eccle-

Ecclesiasticos vespere sine mortali culpa legere Matutinas & Laudes diei presentis sequentisque. . . . Satisfaceretne utrique penso, si semel tantum legeret Matutinas & Laudes? Patientiam habe in me & omnia reddam tibi. . . .

Opinio prima affirmat simplicem Matutinarum & Laudum lectionem, si fiat sub vespere, duorum dierum obligationi satisfacere; & probat: quia una & eadem actione potest Philippus simul satisfacere duobus preceptis numero distinctis eodem tempore concurrentibus. . . .

Huic ex diametro opponitur sententia altera, asserens non posse eadem recitatione satisfieri utriusque obligationi.

P. 220. Prima ratio timet abusus, & morum aliquam deformationem, sed perperam: quoniam sequi rationem probabilem, nec abusus, nec relaxatio, sed virtus est. Virtus enim est obligationi satisfacere, & qui operatur probabiliter, satisfacit obligationi.

Secunda ratio autores potius respicit, quam Syllogismos. Sed etsi nemo subscribat asserenti sententia, quis huc usque propugnavit negantem? Ergo æquè singularis erit qui negat, atque ille qui asserit, quousque autorum numerus alterutri parti faveat.

P. 222. Proposui hanc doctrinam eximio cuidam Doctore Iesuita, Theologia Moralis à multis annis professori, & hic Praga docenti; & respondit, sibi videri benignam sententiam probabilem. Eius nomen non exprimo, scio enim malle eum in pace vivere, nec morderi ab indoctis, quam ab ingenii perspicacitate collaudari. Ergo pro illa sit iste primus autor. Sit secundus Caramuel. Fortè alii accedent; & quæ probabilis est ab intrinseco, ab extrinseco erit etiam aliquando probabilis. Forte etiamnum est probabilis ab extrinseco benigna opinio; est enim nova, & solum à nobis tractata; habet pro se duos Autores, & contra se nullum: & quia hoc verum, cur non erit probabilis?

Hæc omnia disputando dicta sint. (Nam etiamnum proderit hoc lapide frangere dentes invidia.) Tu, amice lector, ne festines, sta severiori sententia: quousque pro benigniori quatuor vel sex autores habeas,

P. 225. Non est animus approbare aut improbare istam sententiam (de audiente simul duas medietates Missæ) sed notare, quæ debeat consequenter admittere meus Diana, si Dialecticam amat.

Rationis puritas nos deduceret ad officium divinum: nam iuxta mores & Rubricas Monasticas, in officio solenni habemus 12. Lectiones, & totidem responsoria, quæ non recitat communitas, sed audit tantum. Ergo si sint 24. Religiosi in choro, & singuli dicant simul lectionem & responsum, satisfacient præcepto legendi 12. lectiones, & totidem responsoria.

Quando duo legunt simul, non erit opus ut alter alterum expectet; sed poterit alter incipere versum sequentem, antequam alter præcedentem absolvat: quoniam potest simul se & socium audire; nec est cur ad attentionem & auscultationem recurras? quia attentionem internam non esse necessariam putamus.

In officio divino nonnulla pluries repetuntur: an hæc toties deberent repeti? Respondi olim in Commentario in Regulam S. Benedicti, esse probabile singulas horas, singulis respondere præceptis, esse certum, unico actu hominem posse diversis præceptis satisfacere; adeoque, si semel in una hora dicatur Pater, Ave, &c. quæ in horis diversis repetuntur, non debere in aliis recitari.

Si cui Rosarium legere præciperetur, hoc est quindicies Pater, & centies quinquagies Ave diceret, quia singula Pater, & singula Ave diversis præcepti partibus correspondent: & si possumus stando Diana resolutioni, eodem simul tempore diversis præcepti partibus satisfacere; an hæc omnia Diana admittet? Non puto. Quid ergo? Vel hæc omnia debet transglutire, vel à principali opinione discedere?

P. 252. Quia Bisanomenus Lutheranorum filius est in Lutherana urbe natus, inter Lutheranos nutritus, Magistros habuit & Prædicantes Lutheranos, sic ubi primum P. Valerianum Magnum Capucinum decem, & alios audit inculcantes, vel esse redeundum ad Romanam Ecclesiam, vel recedendum à Christo; fervide insurrexit, & dixit: Christianismus probabilissima re-

ligio est, & sub ipso dantur secta antiquiores, juniores, severiores, benigniores, universaliores, minus universales, & præcipue Romana, Lutherana, Calviniana) **QVÆ SUNT VERE PROBABILES**: ergo mihi Lutheranæ non est necessarè redeundum ad Romanam Ecclesiam, aut secedendum à Christo; nam præter Romanam religionem, cui probabilitatem non nego, etiam Lutherana est Christiana, & probabilis, & multo Romana benignior. *Primò* rationis jam penetras; jam vides quod respiciat Hereticus. Tenet primò esse probabile, quod Deus mentiri nequeat; secundò esse probabile, quod revelarit sacram paginam, & si velit, ut sic loquar, dictaverit; tertio esse probabile, quod eandem Romana Ecclesia bene exponat; & tamen addit, iis non obstantibus, harum Antitheses esse probabiles. Resolutionem hanc sic ille confirmat & dilucidat. Doctrina Aristotelis, inquit, prout hodie traditur, in Academiis Italicis, Hispanicis, Gallicis, probabilissima est; nec contra hanc ipsam probabilitatem militat mundi æternitas, & animæ rationalis mortalitas; nam isti & similes errores sunt expuncti, nec jam traduntur à Christianis Philosophis. Hæc ipsa doctrina & schola Aristotelis in tres sectas dividitur, Thomisticam, Scotisticam & Nominalem; omnes probabiles, omnes celebres, omnes plausibiles. Dicant Dominicani (Nostra schola Aristotelica est & antiquior Nominali & Scotistica: ergo redeundum ad ipsam, vel secedendum est ab Aristotele) Quid inde? Nam à Franciscanis ridebuntur, qui æquo jure reponent, (Vel admittendam esse Scoti scholam, vel relinquendum Peripatetum) tunc enim argumentatio urgetur, cum vel una sub Christo religio, vel una sub Aristotele schola demonstrationes produceret; nam si una secta demonstraretur esse vera, reliquæ demonstrarentur esse falsæ; & in nostro casu, ait Basanomenus, omnes hæc Religiones (Romanam, Lutheranam & Calvinianam) **ESSE CHRISTIANAS ET PROBABILES JUDICO**, & omnes hæc Scholas, (Thomisticam, Scotisticam & Nominalem) esse Aristotelicas & probabiles censeo; & hanc ob rem ratiocinio illo disjunctivo, vel redeundum est ad Romanam Ecclesiam, vel secedendum est à Christo, convin-

ci aut

ci aut urgeri non possum. Nec antiquitatem ipse, & Concilia Generalia morabitur; hæc enim, ut ait, probabilia argumenta & non evidentia ministrant; quoniam schola Aristotelis Christi religione multò antiquior, & Academia Peripatetica multò numerosiores magistros habent, quam Generalia Concilia; & si licet P. Magno doctrinam Peripateticorum de errore & tyrannide arguere, cur non licebit Basanomeno esse & cantiori? cur non dicere, Romanam quidem Ecclesiam esse probabilissimam, adeoque in foro interno esse securissimam; & tamen hoc ipso non obstante, Lutheranam, quam ipse profitetur, esse etiam probabilem, atque æquè Christianam & securam, imò securiorem omnino, QVONIAM MINUS PROBABILIS SENTENTIA, SI BENIGNIOR, ETIAM SECURIOR EST? Cur non licebit addere, se esse in quiete conscientia apud Lutherum, adeoque nec teneri redire ad Ecclesiam Romanam, nec à Christi religione fecedere?

Sic discurrit etiam Basanomenus: & deberet à te, Lector erudite, compefci. P. Valerianum Magnum audivit, & alios audire desiderat.

Antequam vero hanc dubitationem proponeret Caramel, hæc præmiserat verba: Ad solamen illorum, qui in Germania habitant, & multos viros, alias probos, infectos dolent hæresi, aliquas periodos scribo, & verius ex selectissimis Autoribus exscribo. Adde his, quæ ad Epistolam V. ex Erado Billio, Jesuita, notat Wendrockius.

Sequuntur Propositiones ex MASCARENHAS, Jesuitæ, libro excerptæ, edito Anno MDLXVI. in Gallia, & D. Virgini dedicato, à qua, ut Autor profitetur, hæc dogmata ipsi fuerint inspirata.

MASCARENHAS Tract. 5. n. 491. Dicendum absolute est, Missam de præcepto non esse necessario audiendam ab uno eodemque sacerdote, sed posse audiri ab uno v. g. usque ad consecrationem, & ab alio à consecratione usque ad finem . . . licet transverso ordine prius audiat ab uno sacerdote partem Missæ posteriorem, & postea ab alio partem priorem.

Et ratio est, quia qui ita facit, verè audit integram Missam (quamvis non unam, sed partes duarum) quod tantum precipitur. Et confirmatur, quia cum Ecclesia sciat suas leges ita à gravibus Doctores explicari, hoc ipso quod eorum explicationes permittit publicè imprimi & doceri, censetur suum præceptum secundum eas moderari.

Sed ratione huius doctrina quæres, utrum satisfaciatur præcepto, & non peccet mortaliter ille, qui simul & in eodem tempore audit duas partes Missæ à duobus sacerdotibus, quorum unus Missam incipit, dum alius medium absolvit; hoc est, audiendo simul & in eodem tempore à primo sacerdote principium Missæ usque ad consecrationem & à secundo à consecratione usque ad finem Missæ? Multi & graves Doctores asserunt sic facientem peccare mortaliter, & non satisfacere præcepto audiendi Missam. Nihilominus tamen contraria opinio docens talem non peccare, & satisfacere præcepto, est probabilis. Et ratio est, quia ad hoc ut una opinio sit probabilis, debet fundari in autoritate, seu in ratione: sed hæc opinio non solum fundatur in autoritate, sed etiam in ratione: ergo & probabilis. Quod fundetur in autoritate, patet; quia illam docet P. Hurtadus disp. 6. Bonacina punct. 11. n. 13. Molfesius in sum. tom. 1. tract. 3. c. 17. n. 36. fine. P. Azor. part. 1. l. 7. c. 3. q. 3. Diana par. 1. tr. 17. resol. 18. & part. 5. tr. 14. n. 52. & alii. Quod autem fundetur in ratione, etiam probatur; quia ut ait P. Azor citatus, quod attinet ad attentionem, potest quis ad utrumque animum intendere; & Ecclesia, cuius est præceptum audiendi Missam, non precipit, ut Missa audiatur ab uno Sacerdote, sed simpliciter precipit Missam audire, & due medietates Missæ constituunt unam Missam; & licet Missa debeat audiri secundum suum ordinem, tamen hoc non est de necessitate præcepti, ut dictum est supra n. 492.

Probatur 2. illa ratione adducta supra n. 491. quia Ecclesia scit, hoc ita à multis Doctores explicari: ergo eo ipso quod tales explicationes permittit publicè imprimi, & doceri, censetur suum præceptum secundum eos moderari. Et quamvis P. Aegidius q.

33. ar. 6. dub. 4. n. 288. asserat, hanc rationem in hoc casu non militare, sicut militat id casu supra n. 1. assignato; quia ut ille asserit, non eodem modo loquuntur Doctores de uno casu, ac de alio: tamen postquam scripsit P. AEgidius, scripsere doctores supra citati, qui eodem modo loquuntur de uno casu, ac de alio: ergo &c.

IDEM Tract. 4. de sacros. Euch. Sacram. Disp. 5. c. 7. p. 239. 284. Qui habuit pollutionem mortaliter peccaminosam quocumque modo habitam, pramissa confessione potest sine peccato eodem die communicare. Maius dubium est de pollutione mortaliter peccaminosa, seu habitata secum, vel complice; & hoc siue habeatur per fornicationem, siue per adulterium, seu per peccatum contra naturam, vel quocunque alio modo.

Dico 3 qui habuit voluntariam, & mortaliter peccaminosam pollutionem siue cum complice, siue sine illo, si habeat debitum illius dolorem, pramissa confessione poterit in eadem die communicare, quin in hoc peccet mortaliter, nec etiam venialiter. Ita Sylvester v. Eucharistia. 3. §. 10. n. 12. Navarrus retractans se in ultima edit. in manuali c. 21 n. 51. P. AEgidius q. 80. art. 7. P. Hurtadus disp. 9. diff. 13. P. Azor 1. part. l. 10. c. 3. ad finem. P. Suarez disp. 68. sect. 3. Ex hac enim P. Laymannus tr. 4. c. 6. n. 15. P. Henriquez l. 8. c. 51. n. 1. P. Fagundez l. 3. c. 6. n. 8. & cum multis Joannes Sancius disp. 23. n. 30. Et ratio est, quia nullus adest textus, qui prohibeat communicare seu celebrare hominem verè contritum, & rite per Confessionem sacramentalem confessum, quamvis in eodem die gravissimum peccatum mortale commisisset: ergo si potest in eodem die, in quo incidit in peccatum homicidii & hæresis (quæ sunt peccata graviora) communicare, ut omnes concedunt, sine peccato, poterit etiam in die habitæ pollutionis voluntariæ, quæ est peccatum minus grave, etiam sine ullo peccato communicare, dummodo sit rite confessus: & confirmatur ex Concilio Tridentino; ait enim sess. 13. c. 7. illum sanctè & dignè Eucharistiam suscipere, qui nullius crimini mortalis sibi est conscius, dignè accedet se per confessionem probando: ergo asserere, deletum jam peccato per confessionem, ad huc fidelem non esse dignum Eucharistie

charistia suscipienda; quia si suscipiat, peccatum veniale sit commissurus, videtur manifestè adversari Concilio, cum sequatur eum non accedere tunc sancte & dignè, cum actionem exerceat in mente Autorum contraria sententia intrinsece malam, & culpabilem saltem venialiter.

Et quamvis P. Vasquez q. 8. c. 7. credat antiquitus fuisse aliquam legem, vel universalem, vel provincialem, seu consuetudinem, qua per aliquas saltem horas post pollutionem prohibebatur communio, ut videntur ostendere loca superius dicta §. Nec facit; hoc tamen hodie communi & universali totius orbis consuetudine est abrogatum, & de facto hodie nulla datur prohibitio positiva; quia de ea non constat; neque naturalis, quia ex nullo capite ostendi potest.

285. Tota hic dubitatio est, utrum debeat Confessarius consulere his sic voluntariè & mortaliter pollutis, ut illo die à communione se abstineant, non ex præcepto, quod, ut supra dictum est, nullum datur; sed ex consilio, propter reverentiam debitam tanto sacramento? Ordinariè respondent Autores affirmativè. Nihilominus tamen mihi magis placet opinio Joannis Sanci in suis select. disp. 23. n. 30. afferentis hoc non esse consulendum; imò potius consulendum quod communicent, dummodò sint per confessionem rite dispositi; ne sub velamine reverentia erga hoc sacramentum, illud defraudent excelsiori reverentia, quæ ex tali sumptione illi accrescet, & cum ad realem sumptionem institutum fuerit à Christo, & sic suscipientes fini institutionis conformentur. Deinde hoc etiam consulendum, ne pœnitentes defraudentur gratia huius sacramenti, & aliis plurimis effectibus: ideò reus erit qui dignum pœnitentem communione defraudat, & iste talis est dignus, quia licet eadem die pollutus fueris voluntariè, à tali pollutione per confessionem sacramentalem liberatur, quæ ad hunc finem fuit instituta.

287. Et hinc infero: non esse validum votum factum non suscipiendi Eucharistiam die habita copula fornicaria, etiam præmissa confessione cum vero dolore: nam tale votum est impeditivum

um maioris boni, & ideo non potest habere rationem voti, nec vim obligandi: ut docet Joannes Sancius in selectis disp. 23. n. 40. in fine, & patet ex his quæ dicta sunt supra. n. 282.

Atque hanc Sancii opinionem & tutam, & SEQUENDAM IN PRAXI pronuntiat Baunius Theol. Mor. tr. 10. p. 457.

MASCARENHAS Tract. 1. de Sacram. in genere Disp. 4. c. 5. p. 47. 205. Sacramenta accepta cum defectu accidentali (hoc est sine debita dispositione) postea sublato obice suum producunt effectum.

Dico 2. Qui accipit sacramentum cum defectu accidentali sive culpabiliter, accipiendo illud voluntarie, v. g. à Ministro hæretico; sive inculpabiliter, accipiendo illud v. g. inadvertenter, seu ignoranter, sine attritione seu dolore requisito ad fructum sacramenti, sublata fictione seu obice consequitur effectum sacramenti. Ita Bonacina disp. 1. q. 6. quæst. 3. n. 3. ubi plures allegat. Cajetanus tom. 1. opus. tract. 5. q. 5. de Confessione infirmi. Cabrera de Sacrament. q. 69. art. 10. disp. 4. n. 9. Diana 3. part. tr. 4. res. 15. & part. 5. tr. 13. resol. 30. qui absolute de omnibus loquuntur. Et idem tenet Petrus Sotus in Inst. Sacerdot. lect. 5. de baptismo. Villalobos in Sum. tom. 1. tr. 5. diff. 21. n. 2. ut probabilius docet. Et ratio est, quia hæc sententia conformior videtur infinitæ bonitatis Dei, qui sacramenta instituit ad sublevandam hominum necessitatem. Descendamus modo ad probandam hoc de singulis sacramentis in particulari.

211. De Sacramento Eucharistia, de quo datur major dubitatio, probatur eodem modo ac de aliis sacramentis: nam quemadmodum homo, qui ad hoc sacramentum accedit sine obice, & cum debita dispositione, habet ius ad gratiam huius sacramenti; ita ille qui cum obice accedit, habet ius ad gratiam sublato obice: ergo ablato obice hoc sacramentum suum producit effectum. Ita Cajetanus tom. 5. opus. tr. 5. q. 5. de Confessione infirmi. Cabrera de Sacrament. q. 69. art. 10. disp. 4. n. 9. Diana 3. part. tr. 4. resol. 15. qui absolute de omnibus etiam de Eucharistia loquuntur. Nec obstat quod si aliquis, qui multoties cum peccato communicaret,

p

postea

postea convertatur, acquirat subito totam illam gratiam debitam tali sacramento toties sumpto, si bene & licite communicaret: nam in hoc ipso magis apparet misericordia & clementia Christi Domini, & virtus & efficacia tanti Sacramenti, quod maxime per hoc extollitur & amplificatur, quamvis contrarium dicat Villalobos in sum. tom. 1. tr. 7. diff. 23. P. Suarez in 3. part. tom. 3. disp. 63. sect. 8. Canus, Sylvestre, Paludanus, & alii, quos allegat Diana citatus.

Dices cum Patre Lugo disp. 9. sect. 6. n. 108. in fine, ex hac doctrina sequeretur, quod homo fieret repente sanctissimus propter plura sacrilegia commissa, & eo sanctior, quod plura fuissent sacrilegia; & multo sanctior, si singulis diebus contra leges Ecclesie decies vel centies celebrasset, quod ex se incredibile apparet. Respondeo, in tali casu non fieri hominem repente sanctissimum propter plura sacrilegia commissa, sed propter plures communiones, & si sit eo sanctior, quod plura fuissent sacrilegia, hoc non sequi per se, sed per accidens: per se enim tale augmentum gratie & sanctitatis provenit ex plurimis sumptionibus Eucharistie, & per accidens est, quod tales sumptiones fuerint sacrilegæ.

IDEM Tr. de sacros. Euchar. Sacram. Disp. 5. c. 6. p. 236. 272. Qui ex malitia celebravit, non præmissa confessione mortaliū, non tenetur ad hoc præceptum, scilicet quamprimum confiteri.

Quæres 3. Utrum qui ex sola malitia celebravit, non præmissa confessione mortaliū, teneatur postea quamprimum confiteri? Respondeo negativè. Ita P. Suarez Disp. 66. Sect. 7. P. Filiucius citatus n. 223. P. Aegidius, & P. Hurtadus locis citatis. Ita etiam P. Granado 3. part. contr. 6. tr. 10. Disp. 7. n. 15. & cum multis Diana part. 9. tr. 3. resol. 26. Et ratio est, quia hoc præceptum Concilii Tridentini non obligat, nisi eos, qui ex necessitate celebrant; & in nostro casu Sacerdos non celebrat ex necessitate, sed ex malitia: Ergo præceptum Concilii non extenditur ad istum sacerdotem.

IDEM Tr. 3. de Sacram. Confirmationis Disp. 4. c. 3. p. 152.

73. Omittere sacramentum Confirmationis, absolute loquendo, nec est peccatum veniale.

Dico 2. Omittere hoc sacramentum, absolute loquendo, nec etiam peccatum veniale est. Ita Navarrus c. 22. n. 9. & alii. Et ratio est, quia nullum de hoc datur preceptum de jure communi, & nullum datur peccatum, nec veniale, nisi sit contra aliquod preceptum. Et confirmatur, quia cum hæc res in se sit gravis, si de illa aliquod daretur preceptum, obligaret sub mortali; sed non obligat, ita ut dictum est supra: ergo signum est nullum de hoc dari preceptum: & licet aliqui doceant, omissionem hujus sacramenti esse peccatum veniale, quia existimant continere in se quandam prodigalitatem, ex eo quod per ipsam omissionem privetur magnis donis spiritualibus: tamen ego contrarium existimo, absolute loquendo; nam etiam illi qui intra annum post impletionem precepti non confitentur, nec communicant, absolute loquendo nec venialiter peccant, ex eo quod nullum de hoc detur preceptum; & tamen privantur magnis donis spiritualibus: ergo similiter.

IDEM tr. 4. de Sacram. Eucharistiæ Disp. 5. c. 4. p. 227. 242. Utrum teneatur quis confiteri illud peccatum, de quo pro utraque parte habet opiniones probabiles, utrum illud commiserit, vel non.

Quæres 3. Utrum ille qui habet opiniones probabiles pro utraque parte, an scilicet commiserit, vel non commiserit aliquod peccatum mortale, teneatur illud confiteri ante communionem, vel non? Respondeo etiam late de hoc dicendum infra tract. 6. de Pœnitent. Sed modo hic obiter negative respondeo: & hoc licet magis propendeat in aliam partem, qua existimat peccasse: & ratio est, quia homo potest se conformare cum opinione probabili, licet minus tuta & minus probabili: ergo poterit se conformare cum opinione existimante non peccasse, dummodo probabilis sit, licet contraria sit probabilior: nam homo non tenetur ad operandum prudentissime, sed sufficit quod operetur prudenter, & qui cum opinione probabili operatur, prudenter operatur.

IDEM Tr. 5. n. 518. Sed quæres, utrum satisfaciat precepto

audiendi Missam ille, qui venit ad Ecclesiam intentione libidinosâ, & sic videndi aliquam feminam, & sic Missam attentione requisita audit **ALITER NON AUDITURUS**. Respondeo affirmative. Ita Pater Suarez, Navarrus, & alii, quos citat & sequitur P. Fagundez. Et ratio est, quia quamvis tunc peccat contra sextum preceptum, tamen illa intentio libidinosâ non destruit intentionem virtuales implendi preceptum audiendi Missam.

Ibid. n. 516. Satisfacit etiam precepto audiendi Missam ille, qui illam audit animo expresso non satisfaciendi precepto auditione illius Missæ.

Has excipient Propositiones à Parochis Parisiensibus ex Escobarii Tomo primo Theologiæ Moralis Lugduni edito excerptæ.

ESCOBAR Theol. Mor. Tom. 1. l. 2. sect. 1. c. 2. pag. 34. 22. Quasi verim an inter opiniones probabiles detur una securior ac tutior altera; hoc est an majus periculum incidendi in culpam possit inveniri, unam opinionem sectando, quàm aliam? Negativè respondeo; quia cum qualibet probabilis opinio tutam reddat conscientiam in operando, non minus tutus erit operans juxta unam, quàm juxta aliam opinionem. Decipiuntur procul dubio multi, putantes securius se gerere, dum id quod sub opinione versatur, an sit peccatum, tale esse decernunt. Nam cum dubitent de veritate, non est major ratio, quare pro peccato, quàm contra ipsum respondere constringantur. Hen. in proximo Sum. Sanct. in select. disp. 44.

23. Profecto dum video tot diversas sententias in rebus moralibus circumferri, divinam reor providentiam fulgurare; **QUIA EX OPINIONUM VARIETATE JUGUM CHRISTI SVAVITER SUSTINETUR**. Annon melius viatori plures vias à Vallisiletto in Matritum exponi, quàm si tantum unica reperiretur? Certè vel eam nimis latam esse oporteret; aut per eam transeuntes impediri, ac cum molestia peragrarè opus esset. Ergo superna providentia cautum, plures operationum moralium

ralium vias exponi, rectamq; inveniri posse actionem sive juxta unam, sive juxta alteram opinionem homines operentur. Sanctius in select. disput. 44. n. 70. Caram. tr. supra Reg. D. Benedicti. 60.

IDEM Tom. 1. l. 2. sect. 2. c. 6. Prob. 7. p. 39. Licet, & non licet, fovere propositum varios adeundi Doctores, donec inveniam, mihi qui ad libitum respondeat.

58. Si rectam habeo intentionem opinionem probabilem requirendi, quæ mihi faveat, animoq; afficior firmo nihil gerendi probabili conscientia contrarium; licet quidem possum varios adire Consiliarios, donec inveniam, qui respondeat ad libitum. Sic Sanch. lib. 1. Decal. c. 9. num. 4. Castro Palao tom. 1. tract. 1. disp. 2. pnn. 3. n. 6. Zumel. 1. 2. q. 76. a. 2. dis. 4.

IDEM Theol. Mor. tom. 1. l. 2. sect. 2. c. 6. Probl. 18. p. 43. Subditi excusantur & non excusantur solvere tributum, per opinionem probabilem oppositam. Excusantur certe; quia sicut Princeps jussu tributum imponit, juxta sententiam probabiliter affirmantem illud esse justum; sic etiam subditus jussu denegare poterit tributum, juxta sententiam probabiliter affirmantem illud injustum esse. Ita Sanchez, l. 6. decal. c. 3. n. 7. Less. l. 2. c. 33 n. 67. Ludov. Lopez, punct. 1. c. 187. Navar. de restit. l. 3. c. 1. dub. 13. n. 237. Molin. tom. 3. de trib. disp. 674. n. 6. & 7. Filiut. tr. 28. n. 117.

92. Hanc mentem approbo; quia licet subditus cognoscat illud tributum esse justum ex parte probabilis opinionis quam Princeps sectatur; simul etiam cognoscit esse injustum, juxta probabilem opinionem oppositam. Haut incongruens judico ex parte utraq; bellum justum exponi, dum opinio probabilis intervenit.

IDEM Theol. Mor. tom. 1. lib. 5. sect. 2. c. 14. Problem. 13. p. 160. Peccant, & non peccant subditi, sine causa non recipientes legem à Principe legitime promulgatam.

117. Non peccant; quia Principes semper promulgant leges dependenter ab acceptance subditorum, nec illos aliter intendunt obligare. Unde qui absq; causa sufficienti legem non ac-

ptat, aliquam culpam non incurrit, nisi grave inde Reip. prove-
niat incommodum. Sic Megala 2.2. l. 2. c. 6. q. 3. n. 115. Diana p. 1.
tr. 10. resol. 2. Valentia tom. 2. disp. 7. qu. 5. punct. 2. Filiut. tom.
2. tract. 21. c. ult. n. 429.

118. Idem existimo; quia acceptatio est conditio ad legis ob-
ligationem requisita: ergo si lex non acceptetur, non obligat; &
consequenter non delinquit, qui illam non acceptat; nondum enim
est purificata conditio, sub qua legislator intendit obligare; obli-
gare autem intendit tacita illa conditione, si Lex acceptetur, nisi
aliter expresserit, aut si contrarium ex conjecturis non con-
stituerit.

IDEM Tr. 1. Exam. 1. c. 5. 34. Tenentur Clerici aliq;
Ecclesiastici civilibus legibus subiacere? Ex vi coactiva minime;
quia laicus Princeps non habet in Clericos jurisdictionem: ex vi
autem directiva tenentur legi ad bonum commune spectanti sub-
jici, dummodo Ecclesiastice non repugnet libertati; quia Clericos
debet aliis exemplum exhibere.

IDEM ibid. Exam. 15. c. 6. Praxis. 36. Privilegium conces-
sum NON SUBDITO estne revocabile? Negative affirma-
cum Suario. Talia sunt, quæ à secularibus Principibus concedun-
tur Ecclesiasticis.

IDEM Theol. Mor. tom. 1. l. 5. sect. 2. c. 15. Problem. 19.
p. 162. Clerici non solum vi directiva, sed & vi coactiva, subji-
ciuntur, & non subjiciuntur Principum secularium legibus, quæ
spectant ad Reip. gubernationem, nec cum Clericorum pugnant
statu.

134. Non sola equitate naturali, seu ratione conformitatis
cum aliis hominibus, sed vi coactiva, aut ipsa legum efficacia
Clerici civilibus legibus obligantur: quia licet quoad alia exem-
pti sint, quoad leges non videntur exempti. Non tamen hujus-
modi coactio, punitio, ac executio legum debet per principes secu-
lares, sed per Præsules Ecclesiasticos fieri, à quibus debent ad le-
gum civilium compelli observationem. Ita Lorca 1. 2. tom. 2. tr.
de legibus disp. 25. n. 4. singularis quidem & singulariter.

135. Cle-

135. Clerici legibus civilibus bonum commune respicientibus, nec Ecclesie immunitati repugnantibus, non tenentur ex vice activa, sed directiva tantum. Ita Salas de legib. disp. 14. sect. 10. n. 11. Laym. tr. 4. c. 13. n. 6. Azor. p. 1. l. 5. c. 12. qu. 3. & p. 2. l. 9. c. 7. qu. 3. Dian. p. 1. tr. 10. resol. 12. Bonac. tr. de legib. disp. 1. q. 1. pun. 6. n. 33.

136. Ego quidem aded improbandam puto Lorca sententiam, ut existimem Clericos haut directè Legibus secularibus subijci, sed ex ratione naturali dictante, servandas esse leges civiles propter illam cum personis secularibus ejusdem Reip. conformitatem, quæ illis legibus subijciuntur, quemadmodum Principes suis legibus directè non obligantur, sed indirectè; quia ratio naturalis dictat, Principes subijci iis oneribus, quæ subditorum humeris adjiciunt. Infero Clericos secluso scandalo non peccare mortaliter, Principum secularium leges violando, **QUIA LEGIBUS HISCE DIRECTE NON TENENTUR.**

IDEM Theol. Mor. tr. 1. Exam. 7. c. 3. Praxis ex Doctoribus Societ. 32. Licetne occidere Bannitum? . . . Bannitus non potest ex Filiut. tom. 2. tract. 28. c. 2. n. 24. sententia, extra territorium Principis proscribentis occidi, nisi consensus saltem tacitus vel rationabiliter præsumptus illius Principis, in cujus territorio invenitur, interveniret. Quid si proscriptus à Pontifice? Licet ubiq. occidere illum; quia Præfatus summi jurisdictionis totum orbem complectitur. Ex eodem.

IDEM Theol. Mor. tom. 1. l. 5. sect. 2. c. 17. Probl. 26. p. 164. Lex pœnalis in materia gravi obligat, & non obligat in conscientia.

136. Non quidem obligat, quia in dubio benignior gerenda est interpretatio, & lex debet de minori pœna explicare, cap. in pœnis 49. de Reg. Jur. in 6. Legislator qui ad pœnam temporalem & æternam potest obligare, si solius meminit temporalis, non videtur intendisse obligare ad æternam, ex l. Cum prætor. ff. de jud. cap. Nonne de præsum. Qui ex duobus propositis alterum tantum affirmat, alterum videtur abnegare; Ita Reginal. tom. 2. lib. 15. c. 6. sect.

sect. 5. n. 50. Villalob. tom. 1. tract. 2. dub. 22. n. 2. Navar. c. 23. n. 55. & Valent. tom. 2. disp. 7. q. 5. punct. 6. Filiut. tom. 2. tr. 21. c. 11. n. 420. probabilem hanc sententiam vocitarunt.

157. Subscribens non possum non mirari Sotum de Just. l. 1. q. 5. a. 5. hanc opinionem vulgi errorem appellasse, putantis cuilibet licere suæ pœnæ reatu transgredi legem. An vulgaris est error doctissimorum sententia doctorum, quam vel contrarium sectantes probabilem profitentur? Idem docet de lege mixta, n. 165.

IDEM Theol. Mor. Tom. 1. l. 2. sect. 2. c. 6. Probl. 14. pag. 42. Judex reputans unam opinionem probabiliorē esse altera, debet, & non debet juxta illam judicare.

79. Judex tam supremus, quam non supremus (Dixi tam supremus, &c. quia scio aliquos distinguere de judice supremo, ac inferiore, docentes supremum debere judicare secundum sententiam, quam ipse probabiliorē esse putat) opinionem aliorum minus probabilem sequi potest: quia nec imprudenter, nec temerè, nec injustè agit, qui ratione probabili ducitur. Sic Castr. Pal. tract. 1. disp. 2. punct. 10. n. 7. Salas. 1. 2. tr. 8. n. 118. Joan. Sanct. in select. disp. 44. n. 50. Dian. p. 2. tract. 3. resol. 3.

80. Hanc magis probosententiam, dummodo Judex non sit arbitrer à collitigantibus electus sub conditione, quod juxta suum judicium, & non alienum debeat judicare; & modo illa minus probabilis opinio talis non sit, quæ non solum ab ipso judice, sed etiam ab aliis communiter minus probabilis censeatur. Tunc enim cum Salas num. 120. existimo, judicem juxta illam hanc posse judicare.

IDEM probl. 31. p. 48. Licitum quidem est simpliciter medico applicare medicamentum quod putat probabile saltem, per extrinseca principia, quamvis omitti at quod sibi probabilius ac securius videtur: quia quod probabili ex sententia sit, hanc imprudentia ac temeritati subest: ergo etiam caret culpa, cum lex charitatis & officium medici solum obligent illum, ut juxta regulas artis prudenter operetur. Ita Salas 1. 2. tract. 8. disp. 1. sect. 14.

n. 136.

n. 136. Dian. part. 2. tr. 13. resol. 7. Cast. Pal. tom. 1. dis. 2. punct. 9. n. 3. Joan. Sanc. dis. 44. n. 36.

Idem opinor; quia unus esset grave, si medicus semper deberet amplecti, quod sibi probabilius apparet.

IDEM Mor. Theol. tr. 3. Exam. 2. c. 6. Praxis ex Soc. Jesu Doctoribus. III. Suppono causam esse aequalem. Potestne iudex aliquid accipere? Docet Fagundes Dec. tom. 2. l. 8. c. 26. aliquid posse non solum ab electoribus ad majoratum, cathedram, capellam; sed etiam à iudice, quando (ut supponis) sententiam profert in causa aequali, seclusa lege positiva in contrarium: quia pro suo arbitratu potest cuilibet parti dare victoriam; quare datur locus gratificationi, quæ est pretio æstimabilis, utpote quæ plerunque cum iactura amicitia & gratia alterius partis conjuncta est.

IDEM Theol. Mor. lib. 10. sect. 2. cap. 16. probl. 20. p. 462. In contractibus humanis sufficit, & non sufficit signum externum, absque consensu interno dandi ius in rem, circa quam est contractus, aut dandi illius dominium.

205. Vidimus sect. 1. contractum respectivum, seu reciprocum, V. g. emptionem & venditionem, ad sui valorem, imò ad sui naturam & essentiam requirere signum externum, consensus interni expressum: quia cum sit contractus humanus, seu pactio humana, haut potest sine signis externis exponi. Vertitur autem in questionem, num ad naturam contractus, ejusq. valorem, sufficiat signum externum, absq. consensu interno dandi ius in rem, circa quam est contractus, aut dandi dominium illius? Sufficit plane; quia aliàs quisquis absq. eo consensu rem venderet, & eam traderet, posset eandem absq. iniustitia occultè accipere, si pretium emptori rei restituat; quod videtur absurdum. Sic Turianus disp. 55. dub. 12.

206. Ad essentiam & valorem contractus non sufficit signum externum, sed etiam requiritur consensus internus; quia absq. vero consensu Domini, quo velit dominium rei sue in alterum transferre, aut ei conferre ius in illam, id nequit fieri, etiam si exterius significet id velle, solo enim eo exteriori signo verè non consentit.

sentit. Ita Molina disp. 352. Lopez l. 1. c. 1. Faust. disp. 5 c. 1. Reginal. l. 25. c. 1. Filiut. tr. 33. c. 2.

207. Huic communi quidem sensui adharco, addens, quamvis cum adhibetur externum signum, sit pro tunc debitus consensus internus ratione veracitatis, ut signum sit verum; nihilominus quia non est debitus ex iustitia, siquid in nullum apparet sufficiens fundamentum, ad tale debitum admittendum, nullam adesse obligationem standi contractui fictè facto, nisi quando ex fictione illatum est damnum alteri, quod nequit aliter resarciri, nisi stando contractui, quia fictè contrahens tenetur ad reparationem damni ex fictione sua secuti, si prudenter timuit illud eventurum. Unde nullatenus absurdum putarim, eum qui fictè rem vendidit, & eam tradidit emptori, posse eam absq. iniustitia occultè accipere, si pretium emptori restituat.

IDEM Mor. Theol. Tr. 1. Exam. 3. c. 7. Praxis ex Societatis Doctoribus 34. Licitumne ex iusta causa juranti uti amphibologia, seu equivocatione, proferendo scilicet juramentum, quod à circumstantibus in sensu communi accipiat, quod autem proferens aliud subintelligat? Affirmat Sanch. sum. tom. 1. l. 3. c. 6. n. 15. Exemplis præcticis confirmo... Si est probabilis opinio, quod taxa alicujus rei sit iniusta, & propterea venditor falsis ponderibus, vel aliàs iniustitiam sibi compensat, à iudice postea interrogatus potest id totum jurejurando negare, subintelligendo se iniuste non egisse. Sanch. Sum. tom. 1. l. 3. c. 6. n. 29.

IDEM Mor. Theol. Tr. 2. Exam. 9. c. 4. Praxis ex Societ. Jesu Autoribus. 31. Potestne filius salarium exigere à patre mercatore, aut agricola pro opera à se illo in officio impensa? Non posse Molina tom. 2. tract. 2. d. 234. asseruit; quia dum filius paterna adest in domo, videtur ad obsequii actiones obligari; at Layman l. 3. tr. 4. c. 8. n. 6. probabiliter posse exigere censet; quia illud lucrum quatenus ex bonis patris ex filii opera simul proveniens videtur partim inter profectitia, partim inter adventitia adnumerandū. Si ergo pater totum lucrum sibi retineat, nec aliquid filio velut societas jure relinquat, tenetur illi salarium, quod præberet extraneo, exhibere, saltem exigente filio.

IDEM

IDEM Mor. Theol. tr. 1. Exam. 9. c. 4. Praxis ex Soc. Jesu Doctoribus. 31. Filius mercatoris patris bona administrat, & potest à patre salarium exigere, quantum alicui extraneo deberet. Si illud non potest à patre petitiū impetrare, potestne clām accipere? Potest quidem ad justam æstimationem laboris & industriæ suæ, computatis tamen in dicta æstimatione expensis, quas pater in ipsa efficit alendo. Laymannus ita.

IDEM Theol. Mor. tr. 4. Exam. 6. c. 5. Praxis ex Soc. Jesu Doctoribus 161. Procuravit quis abortum, sed dubitat an factus fueris animatus, censendusne irregularis? Affirmat Sanchez; sed probabiliter cum Præposito censeo, irregularitatem non contrahere; quia in dubio conditio melior abortum procurantis.

IDEM Theol. Mor. tr. 4. Exam. 6. c. 5. Praxis ex Soc. Jesu Doctoribus 166. Defendit se adulter contra maritum invasorem, & illum occidit, culpa suæ se ingerens in eam necessitatem vitæ suæ sic defendenda, irregularisne? Negat Lessius, si occidit tamen cum inculpa à tutela moderamine.

IDEM Mor. Theol. tr. 4. Exam. 6. c. 5. Praxis ex Societ. Jesu Doctoribus 168. Circa infamiam rogarim, num damnati ad irremes sint irregulares? Respondeo negativè; quia nec infamia, nec irregularitas incurritur, nisi in casibus à jure expressis, qualis non hic.

IDEM Theol. Mor. l. 7. sect. 2. c. 33. Probl. 59. p. 289. Non legis librum hæreticorum, seu de religione tractantem, sed audis alium, qui te incitante aut petente illum legit; incidis, & non incidis in excommunicationem; & consequenter eges, & non eges Bullæ indulto ut possis absolvi.

639. Non incurris in excommunicationem, nec eges bullæ indulto, ut absolvaris: quia audire, non est legere; & verba legis penalis propria ac stricta in significatione sunt intelligenda. Ita Filius tom. 1. tr. 16. c. 3. n. 45. Sanchez l. 2. Mor. c. 10. n. 48. Bonac. de Censur. dis. 2. q. 5. punct. 4. 11. qui quidem male citat Reginaldum prima sententiæ sectatorem.

640. Hoc verum censeo, etiamsi is qui audit legere, legentem induxerit ad legendum; inducere enim alium ut legat, non est legere; & Censura contra facientem lata, non illigat consulentem, nisi in Bulla exprimat: incurreret vero Censuram famulus legens, nisi ignorantia excusetur.

IDEM Theol. Mor. tr. 6. Exam. 2. c. 6. Praxis ex Societ. Jef. Doctorib. 43. Pro intercessione ad beneficium potest aliud dari sine simonia suspitione? Si v.g. aliquid das Antonio ut intercedat apud Petrum collatorem beneficii; simoniacus es. Si autem das aliquid Joanni, ut apud Antonium intercedat, ut ipse Antonius apud collatorem tuus intercessor existat, ex Vasq. sententia (quem citat & sequitur Sanch. dub. 26. n. 7.) à simonia periculo liberaris: quia illa intercessio remota est merè temporalis. Moneo aliquos apud Sanctum docere, simoniam illam quæ committeretur solvendo pretium intercessori immediato, esse solius juris humani, non divini vel naturalis; quia hæc etiam intercessio temporalis est.

IDEM Theol. Mor. tr. 1. Exam. 16. c. 4. Praxis ex Doctorib. Societ. Jef. 36. Cessat dispensationis causa, num dispensatio cesset? Negative respondet Salas disp. 20. sect. 5. n. 63. quia in dispensatione intelligitur conditio, si causa permaneat. Porro Sanchez dist. 20. n. 14. affirmat; quia cessante causa, cessat lex communis, quæ majoris est roboris. Itaq. dispensatus à Pontifice sine ulla limitatione ad non jejunandum per totam vitam, etiam si causa v.g. infirmitas cessaret, uti posset dispensatione: verum conditionem illam subintelligi abnegatur.

Secundum hanc doctrinam novus quidam Casuista P. BUSENBAUM statuit lib. 1. tr. 2. c. 4.

1. Cum quo dispensatum est propter morbum in esu carni-um, potest vesci, licet omnino convalescit.
2. Cum quo propter infirmitatem dispensatum est, in voto religionis, postquam convaleuit non tenetur.
3. Cum quo propter oculorum infirmitatem dispensatum fuit in onere recitandi Horas, et si convalescit, non tenetur legere.

ESCO-

ESCOBAR Mor. Theol. tr. 7. Exam. 5. c. 8. Praxis ex Societ. Jes. Doctorib. 61. Indicitur eleemosyna ad indulgentiæ lucrationem, sufficit qualibet? sufficit OBOLUS, si non indicatur fieri cum proportionem ad facultates.

IDEM Theol. Mor. tr. 7. Exam. 5. Praxis ex Societ. Jes. Doctorib. 59. Scio debere opponi opera, jejunium scilicet, eleemosyna, confessionis, &c. Rogo, si huiusmodi opera moraliter bona, ex circumstantiis fiat mala aut venialiter, aut mortaliter, sufficiuntne ad indulgentiæ lucrationem? Granadus d. 4. n. 10. sufficere docet, opus esse bonum ex suo genere, licet ex circumstantiis & in individuo malum sit; quia præcepta divina & humana implentur per opera ex suo genere bona, licet individualiter peccaminosa. An opus est opera illa potissimum ob indulgentiam effici? Satis est in eum finem executioni mandari, licet alius finis aequè aut magis principaliter intendatur. Granadus.

IDEM Theol. Mor. to. 1. l. 6. sect. 2. c. 10. Probl. 6. p. 187. Supplicationem quis facit diminutam ad privilegium obtinendum, & Princeps ex illa movetur privilegium concedere, aliàs non concessurus cognita veritate: tunc est & non est irrita concessio.

113. Concessio non est irrita, sed valida; quia omnes doctores qui supponunt veritatis taciturnitatem non vitare gratiam proprio ex motu concessam, supponunt petitam esse. Et videtur aperte constare ex Clem. si Romanus. de prabend. Ergo si ex petitione diminuta redditur concessio nulla, nullus est casus, in quo propriè ex taciturnitate veritatis facta à privilegiario valeat gratia; neque clausula motus proprii aliquid speciale operaretur in privilegio, ubi privilegiarius integram gessit supplicationem, quod est contra communem sententiam, ut videre est in Menochio de arb. l. 2. Cent. 3. casu 201. n. 81. Et Sanch. lib. 8. de matrim. disp. 21. q. 3. n. 49. Ita Castro Palao to. 1. tr. 3. disp. 4. pun. 2. §. 6.

114. Idem asserendum existimo: etsi enim Princeps fortè concessurus non esset privilegium, si veritatem integrè cognosceret, at absolute vult concedere, & supplere defectum eo ipso quod

addit, ex motu proprio se concedere. Scio quidem aliquando ob diminutam relationem privilegii; concessionem esse nullam, cum scilicet relatio est occasio ut res diversa ab ea qua conceditur intelligatur. Si enim v. g. petens beneficium Ecclesiasticum taceas esse regulare, vel hospitale, vel alteri unitum, nulla erit concessio, etiamsi motu proprio fiat, non tam ob veritatis taciturnitatem, quam ob defectum intentionis in concedente.

IDEM Theol. Mor. tom. 1. lib. 1. sect. 2. c. 7. Probl. 26. p. 27. Licet, & non licet ob gravem metum in administratione Sacramentorum simulatione uti.

136. Licere probatur. Quia quoties adest iusta causa, quilibet uti potest equivocatione, restrictione mentali, vel simulatione, qua fictio à mendacio liberatur; sed urgente gravi metu causa iusta subest Sacramentorum administrationem simulandi: ergo licebit tunc uti simulatione. E. g. Minetur quis mortem Sacerdoti, nisi consecret omnem panem fori (non in Religionis contemptum) poterit Sacerdos verba consecrationis sine intentione consecrandi proferre; quia subest iusta causa simulandi consecrationem; ne, si consecret, multa particula consecrata pereant, & irreverenter absumantur panes consecrati: vel si non proferat verba, necetur. Ita Joan. Sanct. in select. q. 9. disp. 35. n. 6. cuius sententiam videtur approbare Diana p. 3. tr. 6. resol. 83.

138. Mihi certè mei amicissimi P. Ferdinandi de Castro Pal. vocitantis primam sententiam audacem ac temerariam, nimium rigida censura videtur, dum lego graves Doctores affirmantes in quibusdam eventibus licere hostiam non consecratam pro consecrata porrigere, quia procul dubio major est simulatio.

IDEM Theol. Mor. tom. 1. l. 1. sect. 11. c. 7. Probl. 24. p. 26. Ex metu gravi licet, & non licet contrahere matrimonium.

131. Licet plane; quia qui contrahit metu, non efficit contractum; non quidem sua culpa, sed culpa illius qui metum incutit; illa vero culpa posita contractus irritatur ab Ecclesia; quare

quare sic contrahens non delinquit; quia non applicat materiam aut formam indebitè Sacramento, cum ibi non sit contractus legitimus, in quo materia & forma Sacramenti matrimonii consistit. . . Sic Coninch de Sacr. disp. 28. dub. 3. Valen. tom. 4. disp. 10. q. 3. pun. 2. Castro Palao tom. 1. tr. 2. disp. 1. pun. 13. n. 7.

132. Moneo huic habens sententia probabiliori quidem, verba proferenda ab eo, qui ad matrimonium contrahendum cogitur, materialiter, sicut aliquando sine intentione consecrandi verba consecrationis proferimus ad recolendas Missæ ceremonias sine consecrandi intentione, aut uti cum debere equivocatione (quamvis addito juramento) vel restrictione mentali, videlicet accipite in uxorem, interiorius intelligendo, si teneor; non enim mentitur, cum nihil afferat contra mentem. Accepi ex Sanch. de matrim. l. 4. disp. 16. n. 1.

IDEM tr. 1. Exam. 17. r. 144. Expendas quæso, num sine commutabilia vota. . . Non fornicandi, & castitatis conjugalis. . . Porro de voto fornicandi, aut non committendi crimen mollicitæ, commutari posse Lessius asserit; quia non sunt perfecta castitatis vota. De castitate deniq; conjugali idem Sanchez affirmat.

IDEM Theol. Mor. Tom. 1. l. 7. sect. 1. n. 245. Si juramentum non cedat in utilitatem ejus cui præstatur, sed tantum in utilitatem jurantis, potest commutari per bullam; quia tale juramentum potest dispensari per Bullam: verbi gratia, si jurasti Antonio te auditurum Missam, vel non perpetraturum TALE PECCATUM, quia hujusmodi juramenta magis inducunt rationem voti quam juramenti, & per ea nullum jus homini, sed tantum Deo paratur.

IDEM Theol. Mor. tr. 1. Exam. 11. c. 4. Praxis 108. Tempore præfationis venit quis ad sacrum audiendum quod unice celebratur, teneturne illam singularem illius Missæ partem audire? Sanchez & Suarius teneri asserunt, quod illa præcipua sit sacri pars. Ego autem probabiliter assero, non teneri; quia per illam partem Missæ non potest implere præceptum.

IDEM Theol. Mor. tr. 1. Exam. 8. c. 3. Praxis ex Soc. Iesu
Docto-

Doctorib. 89. Circa verba quæserim, an peccaret mortaliter, quæ feminam sollicitaret sine intentione executionis, ob solam ostentationem amoris; si sciat certò illam minimè ad adsensum alliciendam? Peccat planè; quia ad scandalum illam adfert. Quid si tam effrenata libidinis sit qui sollicitat, tantaq; iam infamia circa libidinem laboret, ut nullatenus femina ad scandalum offerenda sit? Non delinquet mortaliter.

IDEM Theol. Mor. Tom. 1. l. 3. sect. 2. c. 10. Probl. 52. p. 102. Quis per expressum pactum cum damone divinans debet, & non debet in confessione referare.

236. Non debet: quia circumstantiæ aggravantes laudabiliter certè, non tamen necessariò sunt in confessione aperiende. Ita Dian. p. 1. tr. 7. resol. 66. Profectò divinationum non sunt species diversæ omnino in genere moris: Unde non est necessarium profiteri divinationem per inspectionem avium, an per lineamentorum signacula, an per expressam Diaboli invocationem fuerit captata.

IDEM Theol. Mor. tr. 6. Exam. 7. c. 7. Praxis. p. 954. Porro prædicare quem principaliter ob gloriam, aut pecuniam, mortale non esse affirmo.

IDEM Theol. Mor. tr. 7. Exam. 2. c. 4. Praxis p. 980. Adjicio ex Laymanno, non esse improbandam consuetudinem, qua quædam in locis Catholici patrini sunt filii hæreticorum, illos hæretico Ministro baptizante.

Post hæc ex variis Casuistarum scriptis alia quædam sequuntur dogmata.

SANCHEZ in sum. lib. 1. c. 7. n. 10. Deducitur quid dicendum sit in ea questione, An liceat domum meretrici, vel usurario locare? Navarrus satis scrupulosè locutus est.... Videtur censere id non esse licitum.... Quod etiam sequitur Lud. Lopez.... Sed ultra alios optimè Valentia 2.2 dis. 5. q. 20. pun. 5. col. 3. versu, Ex hoc autem; & melius q. 21. punct. 4. col. pen. Et Azor 2. tom. instit. Mor. l. 12. c. ult. q. 3. censent etiam nulla causa justa excusante licere locare domum meretrici, vel usurario publico, modo non sit alienigena, propter prohibitionem d. c. i. Quod multum

inter

inter materiam & locum interfit; illa enim intrinsecè pertinet ad peccatum, & proximè se habet ad illud: ac proinde maximè sumitur ex illa peccati occasio, & ideo causa excusanti opus est, ut illa quamvis indifferens ex se sit, licitè ministretur. Hic autem se omnino extrinsecè ad peccatum habet, nec ex eo propriè occasionem peccandi homines sumunt, etsi peccando loco abutuntur. Sicut & aëre, cibis, & aliis ad vitam necessariis abutuntur. Quæ tamen illis dare absque causa excusanti licet. Adde domum non ei usui potissimum deferuire, sicut nec cibos, nec alia ad vitam necessaria. Hanc tamen sententiam bene limitant Valentia in hoc posteriori loco, & Salon. 1. 2. q. 77. a. 4. contr. 6. post 4. conclus. corol. 3. nisi accideret, ut ob loci circumstantiam aliquis peccatum admitteret, quod eo sibi non concesso loco minimè perpetraret. Tunc enim si absq. suo detrimento posset, teneretur hic non locare domum. Quod idem ego credo, quando in ea domo ratione situs, aut alia esset specialis ad ea peccata committenda aptitudo. Quippe tunc videretur locans adiuuare, & ideo causa aliqua excusanti indiget. Similiter etiam bene limitat Salon. ex contr. 6. paulo ante ad solutionem ad argumenta, nisi vicinia meretricis domum conducentis plurimum feminis honestis vicinis noceret. Tunc enim ob id damnum necessaria est causa iusta locantem excusans. Quam tamen esse censeo, si nequit commodè alii locare.

Idem docent alii Jesuitæ; Vasquez in opusc. de scandalo. q. 43. a. 2. du. 5. n. 48.

Rebellius lib. 14. q. 17. n. 8.

Castrus Palau t. 1. tr. 6. disp. 9. pun. 12. n. 1.

Azor & Valentia citati à Sanchez.

GASPAR HURTADO, Jesuita, apud DIANAM 5. part. p. 435. Primofamulus qui nequit facile invenire herum & tam utilem sibi, potest quando non est in eo prava intentio, & non constat herum ex passione aut ignorantia absurdum jussu ipsius heri videre, quo femina aliqua eat, & ubi habiter ei munuscula deferre, herumq. comitari ad domum concubinae sive causa honoris, sive defensionis heri, & ei pedem sustinere ad ingrediendum

r

per

per fenestram domum concubina, & ei pieturam concubina emere, & ire ad concubinam, & ei dicere: Herus meus te vocat, & eam ad domum heri comitari, & ianuam ei aperire, & eis lectum sternere; non tamen potest eam invitare ad actum ipsum inhonestum cum hero, nec litteras heri eam ad id invitantis deferre, sicut nec litteras heri provocantis aliquem ad duellum, nempe, conveniamus tali hora, & tali loco pugnaturi, si famulus saltem probabiliter credat litteras esse invitantes ad actum inhonestum, vel ad duellum: quod addimus, quia quamvis dubitet, an littera sint invitantes, posse eas deferre affirmant *Rebell. lib. 2. p. 1. q. 14. n. 5. & Castro pun. 11.* & etiam posse litteras aliter amatorias non invitantes deferre, sicut & litteras ad duellum pertinentes, non invitantes, nempe, conveniamus tali hora & tali loco, non addendo, pugnaturi; & posse similes litteras jussu heri scribere. Potest autem ministrare & exhibere omnia, quæ diximus posse; quia omnia ea sunt ex se indifferentia, quæ possunt usui bono & malo deservire, & alias supponimus herum non abusurum ex passione, nec ex ignorantia; & **ADEST UTILITAS FAMULO** in ea administratione materia, & in ea exhibitione ministerii; imò etiam incommoditas, si id recuset; quia id agrè feret herus, ut credi potest. Et eadem omnia potest filius ad mandatum parentis, præsertim si ex omissione indignationem patris timeat, & eadem omnia quæ possunt famulus & filius, etiam potest quilibet alius **TITULO ALICUJUS CONSIDERABILIS UTILITATIS SIBI ACCRESCENTIS**, & multò melius titulo vitandi aliquod grave incommodum, aut damnum. Imò ad hoc vitandum potest ea ministrare, aut exhibere, quamvis scandalizandus id sit effecturus ex passione, aut ex ignorantia. Addimus licitum esse alicui præbere munera concubinae iudicis, & ab ea petere, ut intercedat pro eo apud iudicem, quando intercessione illius sperat favorabilem sententiam, & ei non se offert alia via facilis obtinendi talem sententiam; quia id possunt concubina, & iudex licitè efficere, & possunt si velint non se injicere in periculum probabile turpis amoris.

Idem

Idem docet ESCOBAR Theol. Moral. tract. 7. Exam. 4.

C. 8. n. 223.

THOMAS SANCHEZ in Summa lit. 2. c. 32. n. 44. *Sexta conclusio.* Juxta decretum Conc. Lateranensis sess. 9. §. ad abolendam, Blasphemus non potest absolvi à confessore, nisi gravissima penitentia ipsius arbitrio imposita: Sic enim expresse ibi definitur. Et ita docent Navarrus, Ludovicus Lopez, Petrus de Ledesma. At id decretum non est usureceptum, & ita hodie non obligat. Quod docent ARMILLA verbo, Blasphemia; & ibi EMANUEL SAN. 2. AZOR, SUAREZ.

BAUNIUS Tract. 10. de Presbyteris & Parochis q. 32. pag. 483. Præter levitatem materia sunt & alia, quæ à peccato Parochum non concionantem eximunt.

Primò, inopia in Parocho tam doctrinæ, quam commentum ad eum alendum, quem sibi in hoc ministerio gravi ac necessarie edocenda plebis substitueret. Ratio est, quod impossibile nulla sit obligatio; at Parocho inscienti & ignaro impossibile est loqui publice, ac de virtute præcepta dare, quemadmodum & de re domi qui vicem suam obeat, si vix in possessionibus ipse tantum habet, quantum ad vitam parcam tenuemq. est necesse.

SANCHEZ opusc. Moral. l. 7. c. 2. du. 9. Triplex est sententia.

1. Docet Clericum recitantem horas de præcepto in mortali, peccare.

2. Sententia docet, quod orans sive ex devotione, sive ex præcepto, non peccat per hoc, quod est in peccato mortali; quia hic non est actus proprius ordinis: at peccaret si actu peccans, vel actuale habens propositum peccandi, oraret.

3. Sententia asserit, non peccare qui recitat etiam ex præcepto in peccato mortali, & CUM PROPOSITO ACTUALI PECCANDI MORTALITER. Ratio; nam voluntas colendi Deum, & petendi aliquid ab eo, stat cum actuale peccandi proposito; sicut stat facere opus moraliter bonum, ut jejunare, cum actuale proposito peccandi: ita tenet Navar. reprobans sententiam Motina, cap. quan-

de c. 6. Hisp. n. 40. 41. & c. 20. Hisp. n. 32. Lot. n. 25. & hac sententia est verior.

CARAMUEL Theol. Fund. p. 520.

CASUS. Sacerdos quidam quotidie recitare consuevit Officium Romanum festo Resurrectionis Dominicæ proprium, & modo quærit: An peccaverit? Et si sic, qualiter? ...

Respondetur primo, illum Sacerdotem, si quotidie citra ullam rationabilem causam Officium resurrectionis recitet, peccare quotidie tantummodo venialiter

Respondetur secundo, Sacerdotem illum, si id quod in casu proponitur, faciat quotidie ex mediocri & ratiocinabili causa, nunquam ullo modo, ne venialiter quidem peccare.

GRANADOS, DIANA, MACHA apud ESCOBAR Th. Mor. l. 3. p. 83. Habens voluntatem peccata omnia veniali perpetrandi, peccat, & non peccat mortaliter.

Non peccat: quia malitia interni actus voluntatis desumitur ab objecto, prout proponitur à ratione: sed objectum huius internæ voluntatis sunt omnia venialia, & nulla major malitia proponitur à ratione præter malitiam venialem: ergo interna voluntas perpetrandi omnia peccata venialia non potest esse culpa lethalis. Ita Granad. l. 2. contr. 6. tr. 2. dis. 2. sect. 7. Dian. p. 3. tract. 6. res. 24. Macha t. 1. l. 2. tr. 2. doct. 5.

BAUNIUS tr. 4. de Poenit. q. 15. p. 138. An scienter peccare sit circumstantia in Confessione aperienda necessariò? Nequaquam... Facit ad confirmandam hanc opinionem praxis fidelium, quos certum est circumstantiam hanc non confiteri, nisi ex scrupulo valde culpabili.

BAUNIUS Theol. Mor. tr. 12. de impedimento raptus p. 721. At enim habet ea fuga licet spontanea parentam injuriam, jus eorum infringit ac violat, quisquis illecebris aut prece delusam ex eorum oculis jureq. puellam subducit. Huic objectioni ita respondet: Primo negari debet fuga spontanea puella è domo patria jus ladi patrium, quia ei obesse nihil solet præter vim & injuriam, cum qua precibus quid commune?

CA-

CARAMUEL Theol. Fundam. p. 737. *Quid si dicamus, posse Remp. condemnare sententia ultima adulteros, & executionem sententiæ committere licitori, & si velit aut parenti, aut marito? Porro in tali casu illis daretur autoritas, ut non nomine proprio, sed nomine Reip. ut ministri autoritate publica instituti, comprehensos in adulterio liberè & impunè confodiant. Et hoc licere docet CASTILLUS in l. 82. Tauri. n. 6. Cujus opinioni probabiliter subscribit LESSIUS lib. 2. c. 9. dub. 5. n. 16. quam nescio ab alio quàm à solo Basilio Pontio uti supra improbabilem dici: me enim iudice stando autoritati est probabilis; & stando rationi, quam debuisset percallere Basilius, certa & evidens.*

Si objicias Nicolaum Pontificem Summū c. inter hæc. dicentem, non licere secundum leges Ecclesiasticas uxorem adulteram interficere; Respondebimus... id non militare contra Castillum, Lessiū, aut etiam nos, qui illorum sententia subscribimus: non enim asserimus id licere secundum Canonicas, sed secundum Civiles.. Unde ad uxoricidium & filicidium deveniendo, puto nullum Ecclesiasticum posse suam uxorem aut filiam in adulterio comprehensam occidere: Et ratio est, quia ad Canones est iudicandus. Quamobrem si duo conjugati communi consensu ad Religionem transirent, vel Sacerdotes uxores ducerent, tunc nec Ecclesiasticus uxorem, nec pater secularis filiam Religiosam, nec Ecclesiasticus secularem, nec Ecclesiasticus Religiosam posset occidere, tamen si in actuali adulterio repertam: POSSET TAMEN SECULAREM, si Ecclesiasticus seculariter non sit subiectus.

CARAMUEL Theol. Fund. p. 555. *Cum melior sit Cantor qui Eunuchus, colligitur pueros posse ad conservandam vocis suavitatem castrari. Patet; nam adversarii ipsi non negant magni debere fieri vocis excellentiam, vocis securitatem, stipendii opulentiam, & apud Reges & Principes autoritatem.*

IDEM p. 56. *Ad quartum, nego non debere tanti fieri favorem & gratiam apud Principes, ut membrum ideo excidi possit. Peto enim ab ipso Diana, Annon mallet, si sine peccato fieri posset, habere honores quos desiderat, & si deberet unico digito pedis ad nihil*

necessario carere? Stat igitur, favorem & amicitiam Principum non esse necessariam ad salutem, seu conservationem propria vite, & tamen posse hominem illam assequi; etiam sibi inutilis membri dispendio, vel ut melius loquar, impendio.

THOMAS SANCHEZ, & DIANA apud ESCOBAR Theol. mor. p. 39. *Quando agitur anima salus mortis instante articulo, tenetur homo partem amplecti ad expiandam conscientiam, quam reputat probabiliorē ac tutiorem. Sic Thomas Sanchez lib. 2. dec. c. 2. n. 6. inde colligens infidelem, cui proponitur nostra fides ut magis credibilis, dum adhuc ejus secta probabiliter credibilis appareat, non teneri ad recipiendam nostram fidem extra mortis articulum: Secus in illo, in quo sectari debemus, quod magis probabile & tutum exponitur.*

Cum Sanctio in select. disp. 19. n. 9. Dian. p. 2. tr. 13. Res. 9. sentio, putans mortis articulum hanc novam regulam operationum inducere moralium: etsi nonnunquam, fateor, inducat particularis precepti tunc urgentis obligationem. Sanchez & Diana consequenter asserunt infidelem illum nec in articulo mortis obligari ad credendum. Ego autem eum etiam extra mortis articulum obligarem.

PETRUS MICHAEL de SAUROMAN Soc. Jes. Expeditionum Spiritualium Societatis Jesu lib. 3. c. 7. p. 78. *Cum Confessarius audit confessionem hominis in extremo positi, vel ob agritudinem, vel quia sit mox puniendus à judice, non curet de proposito non peccandi in posterum, sed solum ut doleat de antea factis peccatis. Difficile est enim ab hujusmodi hominibus in peccatis enutritis verum de cetero non peccandi propositum capere. Cum enim non restet vivendum de futuro (ad quod tempus propositum ordinatur) nulla est necessitas, qua conscientiam premat ad talem effectum promendum. Id docet Suarez tom. 4. disp. 4. sect. 3. art. 5. Et post pauca: Sicut enim periculosum est hominibus rebus humanis affectis & honori deditis, petere propositum non vindicandi ipsis illatam injuriam: ita propositum non peccandi si rita duraret hanc petendum est ab his, qui ad peccandum procli-*

ves fuerunt. Cessat enim his . . . qui quidem si scirent duraturam vitam, NEC CONFITERENTUR, NEC MORES MUTARENT.

Hæc sunt illa dogmata, à Parisiensibus & Rothomagensibus Parochis Archiepiscopis suis & Clero Gallicano exhibitæ. Quo factò, Jesuitæ, eò se progressos esse videtes, unde honestè pedem referre non possent, librū ediderunt hoc titulo, *Apologia Casuistarum contra calumnias Jansenistarum*, quo & Probabilitatis, aliaque absurda dogmata defendere majori impudentia atque impietate fategerunt, ipsoq; Jansenistarum nomine aliquam Parochis illis notam affricare conati sunt. Majori itaque zelo excitati Parochi etiam illam Apologiam perlustrarunt, & pestiferis inde dogmatibus excerptis atque demonstratis, illam quoque examinandam censendam damnamamque suis Archiepiscopis obtulerunt. Brevitatis studio illos Apologiæ errores extractos jam omittam, quod ejusdem sint notæ cum superioribus; pauca tamen his sunt addenda. Cum enim jam omnis Gallia his motibus ageretur, & Casuistis eorumque Apologiæ se tantum non omnes opponerent, qui aliquam pietatis & bonorum morum existimationem amabant, etiam Parochi Ambianenses suas suo Episcopo querelas exposuerunt, & simul exhibuerunt trium Casuum Conscientiæ Professorum in Academia Ambianensi dogmata, videlicet Longuetii, Simonis Lessii, & Poignantii, Jesuitarum. Quæ si adjecero, plura vix quenquam desideratum esse exilimo, nisi jam satias coepit fieri.

LONGUETII hæc sunt.

DE SIMONIA.

Non est peccatum Simonia, si officium spirituale præstetur, etiam primò & per se, propter emolumentum tanquam pretium factum, quod requiritur ad simoniam. quæst. 2. de simon.

Quæ-

Qualibet donatio rei sacre pro temporali non est simonia, sed donatio pro re temporali, tanquam pretio & mercede pacta. quæst. 3. ibid. Quæritur 4.

Non qualibet conditio, etiam pacta, facit simoniam; sed ea modo quæ pretii & mercedis locum habet, & novum onus atq. obligationem quasi iustitiæ commutantis inducit. quæst. 3. de simon. Quæritur ultimum.

DE USURA.

Licet sperare & optare lucrum ex mutuo, mediante benevolentia & gratitudine, non tantum secundario & minus principaliter, sed etiam primario & principaliter. Disp. 3. de var. causis usur. excus. qu. 1. Resp. 3.

Licet quoq. accipere. Ibid.

Potest quis mutuum dare alteri ex conditione & lege, ut ex ejus officina emat, ejus molendino molat, aut aliquid obsequii præstet, si id exigatur benevolentia & amicitia jure. lb. q. 4. Resp. 1.

Non est usura, si tibi mutuem ea lege, ut mihi vel meo cuipiam officium aliquod temporarium referas ex pacto amicitia. lb. qu. 5. Resp. 2.

Compensatio mutui, quæ fit officio aliquo temporario pretio æstimabili, nisi per commutationem detur ad satisfaciendum iustitiæ commutanti, non est usura. Ob. & Resp. neq. majorem.

Si tibi mutuem ea lege, ut beneficium Ecclesiasticum ex pacto amicitia reponas, nec est usura, nec simonia. Ibid. quæst. 6. Resp. 1.

Propter periculum amittendæ sortis principalis licet exigere aliquid amplius quam valeat. lb. qu. 10. Resp. 1.

Licet lucrum sumere ex mutuo ratione pænæ conventionalis. v. gr. nisi definito tempore restituas, tantum pecunia loco pænæ persolves: vel si intra tempus constitutum non restituas mutuum, in pænâ postea solves usuram vel interesse. Ibid. quæst. 11. Resp. 2. & 7.

Non

Non tenemur opitulari proximo gravi necessitate laboranti, nisi possumus cum levi tantum detrimento rerum nostrarum. In 1. præc. Decal. qu. 12. de Eleem.

Communem necessitatem patientibus non tenemur eleemosynam largiri, nisi possumus absq. ullo incommodo. Ibid.

DE HOMICIDIO.

Ad tuendum honorem suum, & propulsandam infamiam, licet occidere. In 5. præc. Non occides, qu. 4. Resp. 2.

Potest nobilis, ut fustium verbera evadat, hostem occidere, si non potest aliter; quia hoc est infame nobili. Ibid.

Quia fuga est infamis nobili, si non potest aliter quàm fuga vel cade mortem evadere, potest occidere. Ibid.

Si ille quem alius aggreditur, non potest fugere absq. suo dedecore, non tenetur id agere, & si non potest vitare vulnus quod alter molitur, potest occidere. Ibid.

Licet ad res tuendas alterum occidere. Ibid.

DE DUELLO.

Licet homini injustè oppugnato, occidere in duello. Ibid.

Duellum est licitum & iustum, quando ad effugiendam membrum mutilationem certò imminentem necessarium est. Ibid.

DE FURTO.

Si parentes, quorum causa vel in rure, vel in officina, vel aliter laborant liberi, non satisfaciant, si sunt grandiores, deductis impensis, quas pater in illis alendis fecit, possunt pro suo labore & industria tantumdem illis surripere, quantum daretur extraneo. In mandat. 7. Non furaberis. qu. 1. Resp. 4.

Possunt liberi, si parentes saepe rogati & tentati precibus id abnuunt, illis surripere, animi relaxandi gratia, quantum illis consuetudo & conditio permittit. Ibid.

Si silva sunt communes pago aut civitati, non peccant gravi-

f

ter,

ter, nec restitutioni sunt obnoxii, qui aliquot arbores cadunt in utilitatem propriam. Ibid. q. 5. §. Adverte 1.

Non peccat contra iustitiam, nec tenetur restituere, qui pecuniam accipit, ut occidat, percutiat, &c. qua sunt contra iustitiam. Ibid.

Quando quis ita eget, & alter ita abundat, ut qui abundat, teneatur opitulari illi qui eget, potest ille qui eget, occultè & bono modo rem alterius accipere, sine peccato & obligatione restituendi. qu. 11.

Qui in silvis privatis aut publicis ligna cadunt ad focum, aut panem surripiunt, non peccant graviter, nec restitutioni tenentur. Ibid.

Qui cessit bonis, non tenetur restituere. Ibid.

Qui cedit bonis, potest sibi suisq. retinere qua necessaria sunt ad statum moderate sustinendum. Ibid.

Similiter conjux & liberi: nec tenentur restituere cum tanta jactura. Ibid.

Sequuntur

SIMONIS LESSII

dictata.

De

PROBABILITATE.

Sententia probabilis ea est, qua unius viri docti & pii autoritate nititur. De præceptis Decalog. c. 1. art. 4.

Quamvis una sit probabilior etiam & tutior, tibiq. etiam probabilior & tutior videatur; quamvis non deferas tuum iudicium speculativum, licet tibi in praxi illam deferere sequendo minus probabilem. Ibid. Illa pars dicitur tutior, in qua aut nullum peccatum esse potest, aut propter vitandum majus malum, minus eligitur.

Do.

Doctores licite possunt contra opinionem suam aliis consulere, sequendo alienam. Ibid.

Confessarius potest pœnitentes absolvere secundum probabilem opinionem pœnitentis, contra suam propriam: Imò & tenetur. Ibid.

DE AMORE INDEUM.

Qui in articulo mortis conscius est sibi peccati mortalis, tenetur quidem conteri, sed ex praecepto charitatis sui, non Dei. Sect. 3. de Charit. art. 1.

Non omnibus diebus festis, nec in articulo mortis, nec cum aliquis singulari aliquo beneficio à Deo afficitur, nec cum vult baptismum suscipere, nec cum tenetur actum contritionis elicere, nec, cum rationis usum affecutus est, tenetur quis actum amoris elicere, nec cum martirium subeundum est; quia tunc sufficit attritio. Ibid.

Peccant graviter qui vendunt Reliquias, easq. exponunt ad questum, ita ut intendatur lucrum tanquam pretium rei spiritualis; secus si sit tantum tanquam stipendium debitum sustentationis, vel tanquam elemosyna. Ibid. art. 9.

DE OFFICIO DIVINO.

Excusantur ab Officio recitando, qui negotiis publicis, etiam secularibus, magni momenti detinentur, si commode non possit recitari Officium, vel sine aliquo damno. Sect. 5. art. 5.

Qui praevident se occupandos, possunt & debent praevenire occupationem, si possunt commode: non videntur tamen teneri ad aliquid detrahendum de somno necessario. Ibid.

Beneficarii omittentes Officium, non tenentur ad restitutionem ex lege iustitiae, quia ius fundatorum cumulatissime compensatur, vel unica recitatione Orationis Dominica, cum ejusmodi oratio nullo pretio temporali sit aestimabilis. Ibidem art. 12.

Non requiritur ex praecepto Ecclesiae attentio interna,

cum recitantur Hora Canonica, sed externa sufficit. Ibid. art. 14.

Qui toto matutino tempore legitime impeditus fuit, non tenetur vespere recitare Officium totius diei. Ibidem art. 15.

Qui non potest tempore congruo Horas recitare, post tempus elapsum non tenetur illas recitare. Ibid.

Non peccant, qui in solennibus festis diebus totam noctem usq. ad sextam matutinam, & nonam etiam laborant; & vestes necessarias, calceosq. conficiunt, quos non potuerunt pridie perficere. De 3. Decal. præcept. art. 2.

DE OFFICIO LIBERORUM ERGA SUOS

PARENTES.

Non potest parens compellere filium, ut sibi ministret, nec ut secum habiret. De 4. præc. Dec. art. 3.

Si filii bona fide putent parentes sibi condonatueros qua surripuerint, si auderent rogare, non tenentur restituere, quando talis est consuetudo aliorum ejusdem status. Ibid.

DE CONJUGE.

Mulier, etiam prohibente marito, potest contrahere, validas eleemosynas aut donationes pro libito agere, expensas in ludo & recreatione honesta facere, & comparando sibi ornatui. Ibid. art. 7.

DE ELEEMOSYNIS.

Non est certum nos teneri sub mortali, per eleemosynas subvenire proximo in necessitate gravi existenti: quare non sunt condemnandi divites peccati mortalis, qui non subveniunt proximo in tali necessitate.

DE SCANDALO.

Mortaliter non peccant mulieres, quæ se præbent conspiciendas

das adolescentibus, à quibus se credunt turpiter concupiscendas, si hoc faciant aliqua necessitate, aut utilitate, aut ne se privent sua libertate, vel jure exeundi domo, vel standi ad ostium vel fenestram domus. Ibid. art. 4.

Tabernarii, caupones ministrantes vinum ad ebrietatem, quando absq. gravi damno id vitare nequeunt, & desererentur ab hospite, & nihil venderent in illis locis, ubi vitium ebrietatis familiare est, eisdem licet diebus ab Ecclesia prohibitis ministrare carnes in iis regionibus, in quibus frequentes sunt haretici; licet etiam diebus jejunii ministrare cibos petentibus quacunq. diei hora, imò non peccant porrigentes carnem solvendi jejunium, quando alibi potest inveniri. Ibid.

DE HOMICIDIO ET DUELLO.

Cuiuslibet privato licet occidere adversarium, qui accedit ad feriendum, & non potest evadere nisi fugiat, vel preveniat. Nobiles non tenentur fugere, quia hoc ipsi esset dedecori, & possunt occidere. Ibid. art. 5. de Homicid.

Licetum est occidere furem in defensionem suarum facultatum, si illa sint magni momenti. Ibid.

Licetum est offerre vel acceptare duellum, quando illud est omnino necessarium ad conservandas vel recuperandas res temporales magni momenti. Ibid.

Possunt sine iactura honoris vitare duellum. 1. Si provocatus respondeat: Nolo stultè agere contra edicta Regi, & Ecclesia precepta; sed si me aggredieris palàm, non proditorè, invenies me virum esse. 2. Si respondeat provocatus: Ego cras in viam me dabo, & per talem locum transibo, quod si me offenderis, propter te non declinabo de via. Ibid.

DE FURTO.

In gravi necessitate morbi, famis, nuditatis, potest quis clanculum surripere ab opulenti, si grave illud malum aliter avertere nequeat. In 7. & 10. præc. Decal. art. 1.

Domestici, vel alii, se aliquid accipiunt ex praesumpta voluntate domini, quia sibi rationabiliter persuadens, dominum non fore injustum, nullum committunt peccatum. Ibid.

Reliqua sunt

POIGNANTII

placita.

DE SIMONIA.

De ratione Simonie est, ut res spiritualis aequetur in valore cum re temporalis. De Sim. qu. 3.

Quacunque ratione alia quam ut pretium rei spiritualis res temporalis detur pro spirituali, non est simonia. Ibid.

Si quod sit motivum honestum, non est simonia, etsi dando pecuniam intendat immediatè & proximè, imò etiam & principaliter, accipere beneficium, modo non adjungat intentionem pretii, etiam minus principaliter. Ibid. qu. 5.

Non est peccatum simonia, exprimere desiderium suum donando aliquod temporale, ut alter se gratum præstet donando aliam rem spirituales, modo præcisè intendatur, ut satisfiat obligationi antidotali. qu. 6.

DE PROBABILITATE.

Opinio probabilis ea est, quæ unius viri docti auctoritate nititur. Sic Scholastici possunt sequi opinionem sui præceptoris tanquam probabilem. De princ. casuum consc. qu. 5.

Licet sequi opinionem minus probabilem & minus tutam, relicta probabiliori. Item nec in dubiis tenemur eligere tutius. Tutior illa sententia est, in qua nullum inest peccati periculum, vel in qua minus malum est. Ibid.

*Confessarius interrogatus de contractu, quem ipse judicet esse
usu-*

usurarium, potest respondere non esse usurarium secundum probabilem aliorum sententiam. Ibid.

Confessarius interrogatus de hoc contractu, quem iudicat esse usurarium iuxta suam sententiam, & non esse usurarium, iuxta probabilem aliorum sententiam, potest usurarium condemnare ad restitutionem iuxta suam sententiam, vel excusare ab huiusmodi obligatione, relinquendo propriam sententiam, & sequendo alienam. Ibid.

Confessarius respondens iuxta sententiam alienam, & contra propriam, non peccat, nec agit contra propriam conscientiam, nec se exponit periculo peccandi. Ibid.

Confessarius debet sequi sententiam penitentis, eique acquiescere, si sit probabilis, licet ipse eam falsam esse iudicet, & contrariam multo probabiliorē. Ibid.

Confessarius non potest sine peccato mortali denegare absolutionem penitenti, qui sequitur hanc sententiam probabilem, quamvis eam falsam iudicet. Ibid.

Judex quando opiniones ex parte juris sunt utrinque probabiles, potest utrum voluerit suo jure spoliare. Tit. Resolvuntur quædam diffc. ex iudice.

Potest Judex, relicta probabiliori sententia, sequi minus probabilem. Ibid.

DE SACRAMENTO POENITENTIÆ.

Attritio sufficiens cum sacramento est dolor de peccato commissio, cum proposito non peccandi de cætero, ex motivo quidem honesto & supernaturali, sed alio quàm charitatis quod est ipse Deus, quatenus est summum bonum. Disp. 4. de sacram. poenit. art. 1. de Contrit.

Qui sine hac attritione bona fide accedit ad sacramentum poenitentiae, quamdiu illa fides perseverat, non tenetur confessiones repetere, etiamsi non receperit effectum absolutionis, praesertim cum peccata in tali confessione exposita indirectè possint remitti

mitti per sequentes bonas confessiones, quas postea facturus est. Ibid.

Ut liber sit quis ab obligatione precepti, sufficit quod probabiliter iudicet se non obligari. art. 7. de peccatorum dubiis.

Qui dubitat positivè, seu probabiliter opinatur, quod non committit peccatum, aut quod illud non est mortale, aut quod illud jam declaravit in confessione, non obligatur ad id confitendum, licet rationes habeat, ob quas contrarium illi aqualiter probabile sit. Ibid.

Mendicantes & Privilegiati petita, & non obtenta licentia, sunt idonei ministri sacramenti pœnitentia. De ministro sacram. pœnit.

Papa pro quolibet loco, & quibuscumq; peccatis delegare potest, etiam inconsultis Episcopis & Parochis. Ibid.

DE OCCASIONE PROXIMA PECCANDI.

Potest quis absolvi etiam remanens in occasione proxima peccati, modò adsit causa notabilis impediens talem separationem, ut scandalum grave, infamia, incommodum. De bonit. Et scientia in Confessario requirit.

Atque hæc hætenus.

CAP. XI.

Clausula loco quadam inixoris subiungitur.

EX hætenus congestis recitatisque Jesuitarum Novorumque Casuistarum dogmatibus satis superque constare cui-libet arbitror, quòd eos prorexerit sua **PROBABILITAS.**
Ple-

Pleraque enim sunt talia, ut absurdiora magisque impia vix quisquam possit cominisci, damnata dudum à prudentioribus ethnicis, ut Theologiæ Moralis Doctores tanta veritatis luce circumfusus æternum pudere debeat, talia scire unquam proutulisse, nedum consueta ipsis pertinacia & ἰδιόγλωσσον defendisse. Escobarius quidem putat à Providentia divina suggestam esse Probabilitatem; quod non nego: at in eo errat, quod à propitio Numine illam profectam esse existimet, cum suo ipsos detestabili commento puniat Deus, & lucem verbi revelati omnisque bonæ rationis proculcantes dira cœcitate ulciscatur. Monet Apostolus Titum suum, *ut tenax sit ejus, qui secundum doctrinam est, fidelis sermonis, ut potens sit etiam exhortari per doctrinam sanam, & contradicentes convincere; esse enim multos intractabiles, vaniloquos, & mentium seductores.* ad Tit. 1. v. 9. & 10. Idem Tito commendat iterum cap. 2. v. 1. *Tu vero loquere, quæ decent sanam doctrinam* & addit v. 10. *Ut doctrinam Servatoris nostri Dei ornent in omnibus.* Idem Apostolus (arrigite aures Probabilistæ) ita scribit ad Timotheum suum 1. ad Tim. 6. v. 3. seqq. *Siquis diversam sequitur doctrinam, & non accedit sanis sermonibus Domini nostri Jesu Christi, & ei quæ secundum pietatem est doctrina; is inflatus est, nihil pens, sed insaniens circa quæstiones ac disputationum pugnas: ex quibus nascitur invidia, contentio, maledictio, suspensiones malæ, supervacaneæ conflictationes hominum mente corruptorum, & quibus adempta est veritas, qui existimant quæstum esse pietatem.* Et v. 20. *O Timothee, depositum serva, devitans profanas vocū inanitates, & contradições τῆς ψευδογνώµης & oppositiones falsò nominatæ scientiæ.* Quo quæso pacto cum gravissimis hujce præceptis & exhortationibus conveniunt Pyrrhoniæ Theologiæ voces: *Peccat, non peccat, Licet, non licet, Est, non est, Sufficit, non sufficit?* Scilicet his Doctoribus illud evenit, quod Apostolus dicit ad Rom. 1. v. 22. *Cum se crederent sapientes, Stulti facti sunt.* Si igitur Deus tantam in gentiles effudit iram, quod non solum ea fecerint, quæ Juri naturæ cordibus illorum inscripto repugnarent, sed etiam

etiam adfensu fuerint iis, qui talia faciunt, Rom. 1. v. ult. quid iustissimo Iudici respondebunt Protei nostri, si divinis humanisque legibus spretis vagis opinionibus, propriis alienis, non tutis aut fallacibus ea dant & applicant, quæ non nisi indubitatis LEGUM regulis debent & possunt dirigi? Nihil respondere poterunt, sed τῆς συνειδήσεως & τῶν λογισμῶν αὐτῶν κατηγορίας, conscientia & cogitationum suarum accusationes anxii sentient, Rom. 2. v. 15. eruntque, verbo ut dicam, ἀναπολόγητοι, inexcusabiles. Rom. 2. v. 1. Quæ cum ita sint, non amplius sumus pueri, qui fluctuamus & circumferamur quovis vento doctrina, per versutiam hominum, per astutiam, qua nos adoriuntur, ut imponant nobis. ad Ephes. 4. v. 14. Detestemur & abominemur illos Doctores, qui suprâ pios alios, supra sanctissimos Patres, Ecclesiæ consensum, supra Canones Legesque, imò supra Deum ipsum se efferunt, vanissima impiarum opinionum mendacia divinæ voluntati legibus comprehensæ præponentes. En vocem Caramuelis! Non multum ego temporis impendo, aut PERDO in veterum (patrum) libris legendis; non quod contemnam illos, sed quod omnia, quæ pulchrè cogitarunt, jam sint à junioribus summo studio & ingenio eliminata. Scilicet amplectitur ille Cellotii sententiam, doctrinam morum à recentioribus petendam esse. Atque hic est ille MAGNUS Jesuitis appellatus Caramuel, le flambeau des beaux esprits, FAX INGENIORUM. Fidem jam habeo Alphonso de Vargas, dicenti lib. de Stratagem. Jesuit. c. 2. & c. 16. Jesuitas non solum Monachis, sed & Doctores, Patribus, Conciliis, Pontificibus, ac Evangelistis se sapientiores credere. Sibi liberum esse, præter & CONTRA Sanctorum Patrum & Doctorum sententiam in Religionis doctrina innovare. cap. 57. Scilicet his arbitris cuius vel patet vel clausum est regnum cœlorum, τῷ πύτρω φάδμῳ, hoc est, cuius negotio suam PROBABILITATEM applicantes, modò foro suo serviant, & quæstum ac ambitionem suam proferant: qui cum voluntati divinæ contraria placita tueantur, & adeò dilutè atque impiè de amore Dei doceant, non tamen dubitant proferri, Dei gloriam &

Socie-

Societatis Iesuitica commodum realiter idem esse, nec nisi ratione differre; uti refert de Vargas cap. 41. eoque nomine Casarem, ut Advocatum Monasteriorum, docent propter ipsos pejerare: ceu idem restatur cap. 42. Scio equidem hunc librum ut famosum à Jesuitis proscribi, sed quo jure quave injuria hoc fiat nescio, cum hæc aliaque omnia ex ipsorum scriptis, quorum diserta fit allegatio, Alphonsus compilaverit. Scilicet hi Susefani non vident mantice quod in tergo est; infelices hoc parte, quod cum alii Divi in festivitatis suis cœcos illuminent, Ignatius videntes excœcet: uti idem ait Vargas cap. 7.

Dicas, à Casuistis his Patres Ecclesiæ in satis magno honore haberi, quod ipsarum probabilium sententiarum testes ab iis adhibeantur? Hoc quidem aliquando fieri non nego, sed summa patrum & Doctorum Ecclesiæ veterum injuria, dum depravatis vel verbis vel sententiis illorum doctrinam sæpissime adulterant, cujus improbitatis satis prolixum Catalogum contexuerunt parochi parisienses, quem, uti alia multa, jam omitto. Non igitur illos venerantur, sed pia illorum dogmata in impia diffingentes eos calumniantur. Quid quod, teste Alphonso de Vargas d. 1. c. 4. sub fin. se profitentur hostes D. Thomæ, ejusque doctrinæ, qui olim Ecclesiæ SCUTUM dici meritus est? Quod pessumdato Aristotele & Thoma sibi Infallibilitatem arrogaverint? eodem teste c. 3.

Quidquid vero hi homines crepent, licet ipsa penetralia pontificis, ipsumque pontificem obsideant possideantque, iusto tamen zelo excitatus, qui jam sedet, papa Apologiam Casuistarum, PROBABILITATIS fuco ubique renidentem, damnavit. Et, nequid dubites LECTOR, en tibi ejus censuræ exemplum ex editione Gallicana bona fide huc translatum.

PAPÆ ALEXANDRI VII.

continens

Condemnationem Libri inscripti,

Apologia Casuistarum &c.

Feria V. die 21 Augusti. 1659.

IN congregatione Generali Sanctæ Romanæ, & Universalis Inquisitionis habita in Palatio Apostolico apud Sanctam Mariam Majorem, coram Sanctissimo D. N. D. ALEXANDRO divina Providentia Papa VII. ac Eminentissimis ac Reverendissimis DD. Sanctæ Romanæ Ecclesiæ Cardinalibus in tota Republica Christiana, contra hæreticam pravitatem Inquisitoribus Generalibus à Sancta Sede Apostolica specialiter deputatis.

Sanctissimus D. N. ALEXANDER PAPA VII. præsentì decreto prohibet, & damnat Librum, cui titulus est, *Apologie pour les Casuistes contra les calomnies des Jansenistes, où le Lecteur trouvera les verités de la Morale Chrestienne si nettement expliquées, & prouvées avec tant de solidité, qu'il luy sera aisé de voir que les maximes des Jansenistes n'ont que l'apparence de la verité; & qu'effectivement elles portent à toutes sortes de pechés, & au grands relachemens qu'elles blâment avec tant de severité. Par un Theologien, & Professeur en droit Canon. A Paris M. DC. LVII.*

Eumque pro damnato, & prohibito haberi vult. Mandat propterea Sanctitas sua, ut nemo cujusque gradus & conditionis existat, etiam speciali, & specialissima nota dignus prædictum librum apud se retineat, aut legat, neve imprimere, aut imprimi curare audeat, sub pœnis, & censuris in sacro Concilio Tridentino, & Indice librorum prohibitorum contentis, aliisque arbitrio Sanctitatis suæ infligendis, sed statim quicumque illum habet, vel in futurum quandocumque ha-

EXAMEN PROBABILITATIS IESUITICÆ. 149
habebit, locorum Ordinario, seu Inquisitoribus sub iisdem
pœnis exhibere teneatur.

JOANNES LUPUS Sanctæ Romanæ & Universalis
Inquisitionis Not.

L. S.

Anno à nativitate D. N. JESU CHRISTI, millesi-
mo sexcentesimo quinquagesimo nono, indictione duodecima, die
vero 26. Augusti, Pontificatus Sanctissimi in Christo Patris, &
D. N. D. ALEXANDRI, Divina Providentia Papa VII.
anno ejus quinto, supradictum Decretum affixum & publicatum
fuit ad valvas Basilicarum S. Joan. Lateran. & S. Petri de Urbe,
nec non ad valvas Palatii Sacre Inquisitionis, Cancellaria Apo-
stolica, ac in Acie Campi Floræ, ut moris est, per me Hieronymum
Mascellum ejusdem Sanctiss. D. N. Papa, & S. Inquisitionis Cur-
sorem.

Habes Decretum: cui an sint obsecuturi, vehementer
equidem dubito. Suprà enim ambitionis Jesuiticæ hoc esse
axioma vidimus, sententiam, utcunque absurdam, semel
prolatam, esse à Sociis defendendam. Testaturque Al-
phonſus, Jesuitici Status gnarissimus, Jesuitas Romanam
Censuram contemnere cap. 16. putareque, se à Papa metui,
ejusque jussu palam contemnere. cap. 17. Quidquid fu-
turum sit VESTRA cum primis res agitur, RERUM-
PUBLICARUM PRINCIPES, quibus DEUS,
cujus vicem sustinetis, summa cum autoritate imperium
commisit, ne quid res divinæ humanæque detrimenti capiant.
Nam propter quæ scelera excidium civitatibus Deus mini-

3

tatur,

tatur, & iustissimæ vindictæ suæ exempla edidit, licita facit
PROBABILITAS IESUITICA. Hæc homicidiis, duellis,
 feortationibus, sodomix, calumniis, arti foenebri, furtis, simo-
 niæ, summæ in Deum improbitati, vitiis deniq; omnibus la-
 tissimè fenestram aperit, & quod maximè triste ac indignū est,
 vitia probitatis specie meretricia tingit, ut parūm cautos vitæ
 suæ arbitros tantò facilius dementet. Tollit eadem omnem di-
 sciplinam & reverentiam domesticam, jus omne ex foro & ju-
 diciis exigit, deniq; summa imis miscet. Hæc ubi fiunt in Re-
 publica, quid restat, nisi ut exequias illi eamus. Hac admissa
PROBABILITATIS hypothese, **VESTRA, PRINCIPES,** vi-
 ta salusq; in manu & arbitrio est omnium illorum, qui pesti-
 lentissimum hoc dogma amplexi sectantur. Ecce enim quid
 dicat Emanuel Sa: *Lata sententia Pontificis in Regem, potest*
quisq; fieri exsecutor. Quid Mariana de Rege & Regis institutio-
 ne: *Praclarè ageretur cum rebus humanis, si multi homines forti*
pectore invenirentur, pro libertate patria vitæ contemptores &
salutis. *Quod si evaserint* (sc. regibus jugulatis) *instar magno-*
rum heroum in omni vitæ suspiciuntur: si secus accidat, grata su-
peris, grata hominibus hostia cadunt, nobili conatu ad omnem po-
steritatis memoriam illustrati. Hoc scilicet epiphonema subjun-
 git elogio Jacobi Clementis, de quo mox dicam. Quid Bel-
 larminus: Papa inquit Tom. 1. lib. 5. c. 6. de Papa. *potest mutare*
regna, & uni auferre, atq; alteri conferre. Cap. 7. Pontificis est ju-
 dicare Regem esse deponendum, vel non deponendum. Ibidem, Pa-
 stori necessaria potestas triplex: circa lupos, arietes, oves. . . Prin-
 ceptum autem est aries furiosus destruens ovile, quando est Catholicus
 fide, sed adeo malus, ut multum obsit Religioni & Ecclesie. Ergo
 poterit pastor Ecclesie eum recludere, vel redigere in ordinem ovi-
 um. Et c. 8. id ipsum confirmat exemplo Ozix, Athaliæ & Gre-
 gorii I. Papæ, cui hæc tribuit: *Si quis Regum, Antistitum, Indi-*
cum, vel quarumcunq; personarum secularium hujus Apostolicæ au-
toritatis, & nostræ præceptionis decreta violaverit, cuiuscunq; di-
gnitatis vel sublimitatis sit, honore suo privetur. Quid Idem li-
 bro de Potestate Papæ contra Barclajum p. 35. edit. Rom. *Potest*

ac debet summus Pontifex Regibus imperare . . . & si non obtemperant, potest eos de Ecclesia per Censuram excommunicationis ejicere, & populos à juramento fidelitatis absolvere: denique eos regno exuere, & regia potestate privare. Pag. 38. Est in Romano Pontifice potestas temporalia disponendi usque ad ipsorum Regum & Imperatorum depositionem, &c. P. 65. Proinde cum summus Pontifex transfert regnum ab uno ad alium, non tollit quod Deus dedit, sed ordinat & dirigit. Quid lib. 1. de translatione Imperii c. 12. tom. 1. Hac potestate Pontifex Zacharias Childerici regnum, quod ejus socordia Catholica Religio in Gallis non modicum detrimentum pateretur, in Pipinum & filios ejus transtulit. Quid Ludovicus Molina tom. 1. de Just. & Jur. tract. 2. Disp. 29. Potestas spiritualis Summi Pontificis ad finem supernaturalem, adjunctam quasi ex consequenti habet supremam & amplissimam potestatem jurisdictionis temporalis super omnes Reges, & reliquos qui sunt de Ecclesia, præcisè tamen quantum postulat finis supernaturalis. Quare si id exigat finis supernaturalis, potest summus Pontifex deponere Reges eosque suis regnis privare. Potest etiam inter eos judicare de rebus temporalibus, legesque eorum infirmare, idque non modò Censuris ad id cogendo, sed etiam pœnis externis, ac vi & armis, non secus ac quisvis alius Princeps. . . . Atq. hac ratione verè summus Pontifex dicitur habere utrumque gladium supremamq. potestatem temporalem & spiritualem. Quid Alphonsus Salmeron tom. 4. part. 3. tr. 4. p. 411. Illis Regibus & Magistratibus tanquàm quibus suis Papa velut Pastor præcipere potest. . . Cui habent Principes obedire; & si resistant, potest eos tanquàm contumaces punire: & si in Ecclesiam & Christi gloriam aliquid moliantur, potest eos imperio & regno privare, eorum ditiones alteri tradere. . . . Atque hac potestate sapius multos usos fuisse Pontifices, atque illos quidem sanctissimos & doctissimos. . . . Atque hac potestas necessariò consequitur legitimum usum clavium regni cœlorum. Quid Carolus Scribanus, Clarus Bonarscius àvayεμμωατίζουσα nomine alias dictus in suo Amphitheatro honoris lib. 1. cap. 12. Vis certius experimentum Pontificiæ potestatis? Figulus argillam temperato ignis afflatu in materiam

robu-

robustiores re corporat, aliam ex alia fingit speciem. Galliam Zacharias Pontifex in meliorem animam ad status sui cura fingit, cum Childericam III. abire jubet regno, &c. Quid Andreas Eudæmono - Joannes in Epistola ad Amicum: Potuit (Gregorius VII. Pontifex) non ut Dominus, sed ut minister Christi deponere Principes. Quid Joannes Azorius Institut. moral. l. 9. c. 5. col. 1232. edit. Lugdun. Principi negligenti & ignavo Papa potest dare adiutorem. Si vero aliter Reip. pax, & salus conservari commodè nequit, nisi Princeps regno spoliatur, tunc licitè è regno de-jicitur. Quid Robertus Personius tr. de Mitigatione erga Catholicos in Britannia contra Morthonium. Quamvis inter Canonistas & Theologos controversia adhuc sit de modo, quo Papa talem in temporalibus habeat potestatem, directè scilicet an indirectè; utrosque tamen unanimiter consentire, Christum in Ecclesia talem reliquisse potestatem temporalem in casibus magni ponderis, quia alioqui Ecclesia necessitatibus non sufficienter providisset. Quid Franciscus Suarez Tom. 5. Disp. 15. sect. 6. n. 7. p. 270. Per se loquendo & vi excommunicationis (Pontificiæ) possunt subditi obedientiam, fidelitatem, tributa, & omnia obsequia Principibus negare. Et Idem Defens. fidei Cathol. lib. 3. c. 22. & 23. & lib. 6. c. 4. & 6. Tam certò Papam posse multis de causis Principes pœnis temporalibus coercere vel punire, quàm est certum, non posse Ecclesiam in fide & moribus errare. Item, Posse Papam Reges regnis privare, & contra eos subditos armare. Imò Posse subditos aliquando proprium Regem etiam justè occidere. Et lib. 6. c. 8. Papa habet potestatem ad deponendos Reges hæreticos, & pertinaces, suove regno in rebus ad salutem animæ pertinentibus perniciosos, inter dogmata fidei tenenda & credenda est. Nam continetur in verbis Christi Petro: Quodcunque ligaveris, &c. Pasce oves meas, prout Ecclesia Catholica ita intellexit, & aper-tissimè declaravit Bonifacius VIII. Extrav. Unam sanctam. Ibidem c. 4. n. 14. Rextalis post depositionem incipit esse tyrannus titulo, quia non est legitimus Rex, nec justo titulo regnum possidet. . . . Ergo ex tunc poterit tanquam omnino tyrannus tractari, & consequenter à quocunque privato poterit interfici. Quid Gabriel

Gabriel Vasquez in 3. part. Disp. 87. Resp. ad 3. rat. *Christus reliquit Summo Pontifici Vicario suo spiritualem potestatem in Ecclesiam, ratione cuius habet etiam potestatem ut dicunt indirectè, in omnia temporalia.* Et tom. 2. in 1. 2. disp. 169. c. 4. n. 43. ed. Antverp. 1621 *Si omnes de stirpe regia heretici sunt, iuste à Pontifice omnes illi successores regno privari possunt ... Quod si etiam Regnum infectum esset, Pontifex ut supremus Iudex in causa fidei assignare posset Catholicum Regem pro bono totius regni, ipsumq. vi armorum, si opus esset, introducere. Nam bonum fidei & religionis hoc exposcit, ut supremum Ecclesia caput tali regno de rege provideat, & jura regni, si opus fuerit, transgrediatur, ut bonum fidei & religionis conservetur.* Quid Leonardus Lessius de Just. & Jur. l. 2. c. 33. de tribut. & vect. dub. 2. p. 408. *Possit Papa extradiionem suam temporalem vectigal imponere & subsidia necessaria imperare: QUIA HABET PLENAM POTESTATEM IN TEMPORALIBUS: Possit etiam Principem Christianum, qui nollit opitulari, deponere, & alium sufficere. Deniq. possit civitati vel Reip. dare jus absolutum & independens se administrandi, & nō agnoscendi superiorem in temporalibus privando priorem Principem suo regno.* Quid Jac. Greiserus libro, quem Hæreticum Vespertilionem appellat p. 158. & 159. *Tam timidi & trepidi non sumus, ut asserere palam vereamur, Romanum Pontificem posse, si necessitas exigit, subditos Catholicos solvere juramento fidelitatis ... Et addimus, si hoc à Pontifice prudenter & circumspectè fiat, esse opus meritorium.* Quid vis amplius? Liqueat hoc ex Disp. de potest. Pontif. ap. Bell. & apud alios Scriptores. Quid Cotonius Instit. sua Cath. ad q. 35. *Non est Papa deneganda utriusq. juris dictionis (spiritualis & temporalis in Principes) exsecutio in iis omnib9, quæ ad Religionem, cultum divinum, Ecclesia bonum, & animarum salutem pertinent.* Quid Martinus Becanus p. 108. ed. primæ: & 122. secundæ: *An Pontifex, qui potest Reges & Imperatores excommunicare, ut dictum est, possit etiam deponere, si id meriti sint?* Negant Sacellanus, Barclajus: affirmant Catholici, & merito, & c. P. 115. primæ, & 130. sec. edit. *Poterat Pontifex in Veteri Testamento mandare, ut Reges leprosi seorsim habitarent, & si nollent obedire, ut vita privarentur. Nihil certius ... Hinc colligimus duplici titulo potuisse Reges privare suo regno: primo quia poterat eos, si contumaces essent, privare vita; ergo & regno. De*

hoc nemo dubitat. Et p. 120. Plus dicam: In hac re tantum valuit consensus populi, ut etiam si superesset legitimus heres, cui regnū deberetur, & hoc palam omnibus constaret; tamen si populus prætermissio legitimo herede alium delegisset, ille alius fuisset verus Rex. Exemplū habemus in Roboam & Jeroboā, &c. P. 123. primæ, & 140. sec. ed. Quid quid potestatis permissum fuit Pontifici in V. Test. hoc etiam in Novo permissum illi est. At in Vet. permissum illi fuit ut deponeret Reges, si id meriti essent. Ergo etiam in Novo. P. 127. & 142. Reges & Principes qui violaverint privilegia monasteriis à Pōtifice concessa, excommunicandos, & sua dignitate ac honore privandos esse. P. 136 & 152. Igitur prima conditio est, ut Rex meritis sit depositionem. An autem meritis sit, ex prudentia Doctorum, ac piorum hominum iudicio est imandū est. Quid Anton. Santarella tract. de Hæresi & Schismate passim: Summus Pōtifex potest pœnis temporalibus punire Reges & Principes, eosq. deponere, & suis regnis privare. Item: In eo esse de jure divino utramq. potestatem spiritualem & temporalem &c. Quid Filliutius tr. de Censuris. c. 6. q. 10. Decimo quæro, an excommunicatus sit privatus etiam juris dictione. Respondeo, si loquamur de privatione juris dictionis, sic videtur dicendum, excommunicatum esse privatum ejus usu: si vero agatur de privatione ipsius jurisdictionis & valoris ejus sic à Canonistis videtur idem affirmari de hac jurisdictione seculari, quod diximus de Ecclesiastica & spirituali. Quid Stephanus Baunius tract. 2. Disput. 2. qu. 5. art. 101. Bene habet, jam causa nostra fundamenta sunt jacta. Nam si Pontifici obsequi Reges debent, si thia ra sceptrum subjici, si Romana Curia privata Regum; ut ad obsequium pronos pramiis, sic immorigeros ac duosq. sic per vicaces justis supplicis puniri posse quis non videt? Hæc ejusq. farina dogmata alia, quæ jam brevitatis studio omitto, talia sunt, quæ summam omnium imperantium auctoritatem, dignitatem, vitam ac salutem dubiam faciunt. Proinde omnes Rerump. RECTORES obtestatos volo, diligenter cogitent, quanto in discrimine ipsi versentur, quàm caducum & fragile ipsorū sit sceptrum, ubi Curia Romana ejusq. primipilis fortè adversantes, aut non ex voto velificantes, justissimè alioqui imperant. In Legib. enim satisne habent præsidii adversus illos, qui us se probabiliter OBLIGATOS & probabiliter

DE-

EXAMEN PROBABILITATIS IESUITICÆ.

DE OBLIGATOS credūt? aut vero in Armis, qui martyrii gloriam in atrocissimi facinoris, regicidii, supplicio quærant? Quid enim dubitabit Probabilistarum ad secla aut alumnus quemvis adoriendi Regem aut Principem, cum ex illorum hypothese tot Doctorum autoritate ac sententiis probabilibus munitam ad tale facinus patrare nō habeat conscientiam? Nihil itaq; miror, quod superioris seculi anno xxix. Jacob⁹ Clemens, viginti quatuor annorum juvenis sicam in HENRICI III, Gallia Regis, corpus adigere ausus fuerit: quod facinus nō solum romæ laudatū, sed & a Sixto V. Pōt. mysterio Incarnationis ac Resurrectionis filii Dei ad simula: n̄ esse testatur Oratio Parisiis eo tempore publicata. Scilicet persuasit hoc illi facinus PROBABILITAS. Non miror Joannem Chastellum adolescentem item laudatissimi Regis sui HENRICI IV. jugulum petiisse, ejusdem seculi anno xciv. Persuasit PROBABILITAS. Non miror Franciscum Ravalliacum anno hujus seculi x. nefario ausu REGEM TANTUM interemisse: Persuasit PROBABILITAS. Non miror Robertum Carisbejum aliosq; Augustali Londinensi pulverem nitratum subjecisse, ut Regiam uno momento discerptam familiam tolleret. Persuasit hoc ipsis eadem PROBABILITAS. Cui cum germana soror accesserit INFALLIBILITAS, da posse, nemo profecto hominum supererit in hoc universo, præter

SO LIPSOS rerum dominos gentemq; togatam.


Quid itaq; factu opus sit, signo sublato Gallia videtur ostendisse aliis, iustissimis censuris monstrū hoc esse penitus proscribendū ac delendū. Imò an sic satis tanto malo cautū sit, prudentiores cogitēt. Quia enim Majestas civilis, ignara se angues in sinu alere, talia scripta prope infinitis ac sinuosis voluminibus typis exscribi & universo orbi exponi permisit, hinc improbè cōficta dogmata tacito Ecclesiæ cōsensu etiam confirmata & approbata esse impudētissime clamitant. Agite igitur, quorū hoc officium est, quod rei necessitas & veritas postulat, & orbi testatū facite, quā maximè displicere Ecclesiæ omnib⁹q; bonis, quod dudum displicuit gentili, & quidem Epicureo, imò Epicuro peiori Lucretio,


CONVELLERE TOTA
FUNDAMENTA QUIBUS NIXATUR VITA SALUSQ; !


Alteram vobis quoq; quibus Rerump. arbitrium Deus credit, curam commendo, attentè ut cogitetis, quanto in salutis discrimine misera juvenus versetur, Jesuitarum Probabilistarū institutioni commissa. Qualia enim didicerunt ipsi dogmata, eadem vicissim suis tradunt discipulis, illorumq; animis quibus possunt illecebris hoc venenū inspirant. Innocentissima itaq; ætas oracula se accepisse rata, vix deinceps adduci potest, ut mendaciorum virus se imbibisse intelligat. Nam

*Quo semel est imbuta recens, servabit odorem
Testa diu.*

At inquit vulgo, non esse alios, qui pari dexteritate & exquisita methodo exiguiq; temporis compendio animis juvenum instillare imò infundere doctrinæ rivos sciant. Ego vero contendo, famam illam majorem esse, quàm veriore. Et licet vera sit, præstat tñ. parùm doctum, magisq; pium esse, quàm & doctissimum & esse Probabilistam, h.e. improbissimum. Non ausim omnino derogare fidem de Vargas ita scribenti de Stratag. Jes. c. 57. *Jesuitæ, inquit, Scholis totius orbis, per fas & nefas inhiant, ut eas evertant, & juventutē ac reliquas ætates & status pestifera sua doctrina inficiant.* Quid quod extra Jesuitarum claustra in frequentibus oppidis, urbibus & alibi optimi juvenutis Doctores, optimeq; instructæ Scholæ haberi possunt, modò plus stipendii & minus vilipendii inde docentes retulerint. Illos vero Parentes, qui in Protestantium cœtu sunt, & liberos suos nolint vel latum unguem ab August. Confessione recedere, & in. erudiendos illos Jesuitis dant, quomodo excusam nō invenio. Dum enim periculo peccandi liberos exponunt, ipsi jam peccant, quos in crepidine constitutos mox facili negotio Probabilistæ in Orci barathrum præcipitant. Parendum enim his est usq; ad bestialem virtutem, ut ipsi loquuntur. Monenda hæc esse duxi: omnia enim pro merito explicare alterius est negotii. Hæc habui quæ de PROBABILITATE IESUITICA dicerem, nō quod plura dici de ea nequeant, sed quod hæc opera jam ab aliis occupata sit, & hæc juxta filii Peripateticæ Philosophiæ examinata Academicis nostris studiis sufficere exultimem. Utinā quod Veritatis solius studio de hoc argumento commentatus sum, animis veritatis cupidis excipiat. FINIS.







005645 914
005645 913

2

